

# ہردے وچ ترپڑاں

فرخندہ لودھی

## کہانیاں دے پراگے

- 1- ڈونگھیاں شاماں ————— نواز ————— 25/- (جلد والی)
- 2- چونویں کہانی ————— سجاد حیدر ————— 35/-
- 3- بکھر دے پھل ————— سید نصیر شاہ ————— 20/-
- 4- کالیاں اٹاں کالے روڑ ————— انور علی ————— 20/-
- 5- دگدا پانی ————— منشا یاد ————— 20/-
- 6- کوک ————— عائشہ اسلم ————— 15/-
- 7- چنے دے اوپے ————— فرخندہ لودھی ————— 15/-
- 8- سیتیاں اکھاں والے ————— ناصر بلوچ ————— 12/-
- 9- مناکوہ لہور ————— افضل احسن رندھاوا ————— 25/-
- 10- یس تے یس ————— کنول مشتاق ————— 20/-
- 11- چرخے دی موت ————— حنیف باوا ————— 15/-
- 12- قصہ کہانی ————— مرزا حامد بیگ ————— 12/-
- 13- شیشے دی کندھ ————— شمس نفمان ————— 30/-
- 14- ٹوری ————— انور علی ————— 30/- (جلد والی)
- 15- اک دے امب ————— انیل چوہان ————— 20/-
- 16- کہانی ————— حنیف باوا ————— 20/-
- 17- چپ دی چیک ————— احمد شہباز خاور ————— 15/-
- 18- ٹردے پیر ————— سلیم خاں گبی ————— 40/-
- 19- کلجگ ————— نزہت گردیزی ————— 20/-
- 20- ہردے وچ ترپڑاں ————— فرخندہ لودھی —————
- 21- پشتو کہانیاں ————— ترجمہ: پروفیسر عاشق رحیل —————



# ہر دے وچ تریڑاں

(کہانیاں)



# ہم دے ویج تریراں

فرخندہ لودھی

پاکستان پنجابی ادبی بورڈ۔ لاہور



نال: فرخندہ لودھی

تاریخ پیدائش: 21/ مارچ 1937ء

تعلیم: ایم۔ اے (لابریری سائنس) ایم۔ اے (اردو)

کتاباں:

چنے دے اوہلے (افسانے) (پنجابی)

زنانی دے روپ (کتابڑی)

حسرت عرض تمنا (ناول) (اردو)

شہر کے لوگ (افسانے)

آرسی (افسانے)

خوابوں کے کھیت (افسانے)

رومان کی موت (افسانے) زیر طبع

نقل حرفی (فن کتاب داری)

(بالاں لئی کہانیاں) (عالمی ادب توں)

تانبے کے تین پیسے (چینی)

ایک بوند شہد (برصغیر پاک و ہند)

بھوتوں کی دنیا (ناروے)

سات بہنیں (شمالی افریقہ)

بالاں لئی مہنراو کہانیاں

پیار کا پنچھی

بہادر نگر کا شہزادہ

ترجمہ (ناول): ویرانے کی صدا (Call of The Wild by Jack London)

موجودہ نوکری: چیف لائبریرین، گورنمنٹ کالج، لاہور



## ویروا

- 7 1- ایس لیکھ دا لیکھا سجاد حیدر
- 15 2- اک سوال مگر کئی سوال فرخندہ لودھی
- 19 3- بتکن بازی
- 27 4- اللہ لوک
- 35 5- گندن
- 45 6- سونہ رب دی
- 51 7- کئے نوں کیہ؟
- 60 8- روگ اوڑے
- 70 9- وچھ بھر کھلے
- 75 10- ہر دے وچ تریزاں
- 84 11- سرول
- 94 12- پلاکی
- 103 13- مختو
- 110 14- کھبر کھوڑی سڑک
- 116 15- آتر کانو میں چڑھاں



ISBN - 969 - 411 - 152 - 8

محمد آصف خاں پرنٹر پبلشر نے کی آرٹ پر 43 - ریٹی گن روڈ، لاہور توں



40/-



## ایس لیکھ والیکھا

جرمن فلسفی شوپن ہار دی اک باتری اے: اک دن بڑا پالا سی تے کچھ  
سیہاں نگھ واسطے کولو کول ڈھک کے بیٹھیاں سن پر جدوں اوہ بھتا نیڑے  
ہوندیاں تاں اوہناں دے کنڈے اک دوجی نوں چھدے۔ اوہ ذرا ہٹ کے  
بہہ جاندیاں تے فیر اوہناں نوں پالا لگن لگ پیندا۔ کچھ چرانجے نیڑے ہو ہو  
تے پرانہ ہٹ ہٹ کے اوہناں اوہ وٹھ متھ لئی، جتھے بیٹھ کے اوہناں نوں نگھ  
وی اپڑدا رہندا سی تے اک دوجی دیاں سولاں وی نہیں سن چھدیاں۔ اک  
دوجی توں ایس وٹھ نوں اوہناں رل بہن واسیقہ آکھنا شروع کردتا۔

سیہاں تاں بندیاں توں عقل فکروچ بھتا تھلے نیں۔ جے اوہناں اک دوجی  
نوں کنڈے چوبھ چوبھ زخمی کرن دی تھانویں تھوڑی جیسی تھیں چھڑ کے بہن  
واسیقہ سکھ لیا اے تاں بندیاں نوں صدیاں توں اک دوجے نال کھیاں رہن  
دا ول کیوں نہیں آیا؟ کدھرے ایہدی وجہ ایہہ تے نہیں پئی سیہاں دے  
کنڈے باہر ہوندے نیں تے بندیاں دے اوہناں دے اندر؟ باہر لیاں کنڈیاں  
نوں ویکھ کے اوہناں توں بچا کیتا جاسکدا اے۔ پر جیہڑے کنڈے دسدے ای  
نہ ہون اوہناں توں دوجے اپنے آپ نوں کیوں بچان؟ بہر حال کنڈیاں والی  
مخلوق دی اک دوجے توں وٹھ بھت ضروری اے۔ ایس وٹھ نوں بندیاں دی  
بولی وچ تہذیب آکھدے نیں، زندگی واسیقہ آکھدے نیں۔

فرخندہ لودھی ایسے زندگی دے سلیقے دی پرچارک اے۔ اوہدا زندگی  
بارے ذاتی فلسفہ اے، جیہڑا شوپن ہار وانگر دے فیلسوفاں دے کسے کسے پیڑھے  
کیلئے تے نہیں سکدا، حیاتی دے ڈنگ چب کڈھن دی لوڑ ول دھیان دواندا  
اے۔ اوہ زندگی دی حقیقی روح، شخصی آزادی دے احترام وچ پورا پورا یقین  
رکھدی اے۔ جے بندہ دوجے دا زندگی توں لایہ اٹھان دا حق دلوں جانوں تسلیم  
کر لئے تاں اک دے کنڈے دوجے نوں کدی نہ پڑن۔



اپنی ہوا وچ اڈاریاں مارن دی بسک جیویں میں فرخندہ لودھی دی کہانی  
 ”تھ بھر کھلے“ وچ ہونکدی ویکھی اے، اوہدی مثال مینوں پنجابی افسانوی  
 ادب وچ ہو رہی دھری نظر نہیں آئی۔ ایس کہانی دا انگ ٹیگور دی کسے کوئل  
 کویتا والا اے۔ انسانی آزادی دے بنیادی حق دا کھلار ہو رہی موکلا کر کے ایس  
 کہانی وچ پالتو بلوگڑے کالو نوں وی حق داراں وچ شامل کر لیا گیا اے۔ کالو  
 کھلی ہوا وچ اپنی مالکن سوشل ورکر تسلیم نال باہر لان اُتے پیا کھینڈا اے۔  
 اوہدا رُوح بڑا راضی اے۔ پر اوہ ویلے تسلیم دی سہیلی آجاندی اے۔ اوہ  
 اپنی سہیلی نال وکھریاں بہہ کے گلاں کرنا چاہوندی اے تے کالو اوہدی نگھی  
 جھولی وچ بہنا چاہوندی اے۔ اپنی محفل وچ خلل پیندا ویکھ کے تسلیم کالو نوں  
 جالی پچھے براندے وچ بند کر آوندی اے۔ کالو بڑا اختا ہوندی اے۔ اوس بندی  
 خانے وچ اوہدا دل ہسڑا اے۔ اوہ بُوہے نوں نوہندراں مار مار اپنے پنچے زخمی  
 کر لیندا اے، پر بند بُوہا نہیں کھلدا۔ اخیر ہف کے اوہ بند بُوہے کول بہہ رہندا  
 اے تے اپنا زخمی ہتھ بُوہے دے تھیلوں لکا دیندا اے۔ باہر، جتھے آزادی  
 اے، مرضی دی کھلے اے، نگھی نرم دھپ تے پتیاں نال کھیندی نرول ہوا  
 اے۔

دل دے کن کھلے رکھن والے درد مند کدی کدی بے زبان جانوراں  
 دے مونہوں وی بولدے نیں۔ باقی صدیقی وی کالو بلوگڑے دے مونہوں بول  
 کے آکھیا اے:

ایک دیوار کی دُوری ہے قفس  
 توڑ سکتے تو چمن میں ہوتے

چمن فطرت ولوں انسانیت نوں انعام اے پر ایس چمن دوالے اُچیاں  
 اُچیاں دیواراں انساناں دیاں اُساریاں ہونیاں نیں۔ ایہناں دیواراں دے  
 وکھرے وکھرے نال نیں جیویں شہر دیواری والے وڈیاں شہراں دے درد ازیاء  
 دے وکھو وکھ نال ہوندے نیں۔ فرخندہ لودھی ایہناں دیواراں دے پچھے بند  
 گلیاں تے ہیرے گھراں وچ گھم پھر کے ویکھیا اے، تاں جا کے اوہنے

اندرون شہر دی ایہہ گائیڈ بک تیار کیتی اے۔

ایہناں ہیریاں گھراں وچوں اک دی بروہہ اُتے اُجڑی پُجڑی مٹھو بیٹھی  
 اے، جیہدے پو صادقو چوہڑے اپنی لاڈلہ دھی داماں رکھن واسطے، برادری دی  
 لاگ لین دی پٹھی رسم توڑ کے، اوہدی رقم وٹیاں بغیر ای اوہوں سوہرے ٹور  
 وتا، پر کنیا دان تے اُچیاں ذاتاں والیاں نوں ای پھبدا اے۔ اک چوہڑا بھلا کج  
 رواج دی لکیر پ سکا اے۔ صادقو نوں اپنی کھل توں باہر ہون دی سزا دتی  
 گئی تے اوہدی دھی چھیاں مہینیاں مگروں مریم دی تھانویں مٹھو نال دھرا کے  
 اوہدے بُوہے تے آ بیٹھی۔ رساں دا جکڑ بند ذاتاں دی اُچی اتاری دی سبھ توں  
 نیویں پوڑی اُتے بیٹھے ماڑے جیسے چوہڑے کولوں کیویں کھل سکا اے۔ دھگانے  
 زور لا کے صادقو اپنے میلے نوہہ وی تڑا لے۔

دو گھر چھڑ کے اگے ترکھاناں دا کوٹھا اے۔ کدی اتھتھے زیو وسدی  
 ہوندی سی۔ اُچی لمی، چٹی دودھ، گندل وانگر ریلٹی ٹیار، جیہڑی لے والاں وچ  
 لال پراندہ پاندی تے گت گتیاں نال کھسن لگ پیندی۔ مستری علم دین بڑے  
 چاء نال اپنی گھروالی دی نازو بھتیجی نوں اپنے ملو کڑے جیسے پتر شیر محمد واسطے ویاہ  
 لیاندا۔ شیر محمد نوں جماعتاں پڑھ کے پُلس وچ بھرتی ہو گیا تے کارگراں دے  
 ایس گھرانے دی قسمت جاگ پئی پر غریباں دے کلے تے گکھاں دے آہلنے  
 ہوندے نیں۔ بے واء وگی تے اڈ گئے، بے کوئی چنگیاڑا پے گیا تے سڑ کے سواہ  
 ہو گئے۔ ترکھاناں دا ہسدا وسدا گھروں، انجے سڑ بل کے سواہ ہو گیا۔ اک  
 دیہاڑے نماشاں ویلے سس نوہہ باہروں وستی ول گلیاں آوندیاں سن،  
 تانیوں بے پلسیاں دا اک ٹولہ اوہناں نوں دھروہ کے پیلیاں وچ لے وڑیا۔  
 فیر چدھر زیو نوں پھڑ کے لے گئے سن، اودھر کنگ دی بھرویں فصل لمی پے گئی  
 تے اوس پاسیوں کتیاں ہار بھونکن تے بندیاں ہار ہن دیاں واجاں آوندیاں  
 رہیاں۔ ہتھ لایاں میلی ہون والی زیو، جیہدا پیر بھاری سی، ایس کھچ دھروہ وچ  
 اپنی جانوں گئی تے اوہدی سس دی سُر ت ماری گئی۔ ترکھاناں وچ حاکماں نال  
 مٹھالان دا حوصلہ نہیں سی۔ ہن پو پتر نویں نوہہ دی بھال وچ لگے ہوئے نیں



تاں جوں دیوا بھانویں بچھ گیا اے چلھا تاں بخدا رہوے۔

پچھلی گلی وچ پھیجاں دا گھراے۔ پھیجاں تے ہن ایس جہان تے نہیں پر جو کجھ اوہدے نال ہوئی گزری اے، اوہدی کتھا ایس کوٹھے دی سردل اُتے گھر دی ہونجھ ہار ڈھیری ہوئی پئی اے۔ پھیجاں دا گھر والا رفیق چروکنا کسے باہر دے ملک کمائی کرن ٹر گیا ہویا سی تے مونہہ چت لگدی پھیجاں ایہناں چار کندھاں وچ انج بند کردتی گئی سی جیویں پنجرے پئی مینا ہوندی اے۔ جوان جہان نو نہ نوں سس سوہرا باہر دی ہوا وی نہیں سن لگن دیندے۔ رفیق مینے دے مینے پھیجاں دے نال موٹی رقم گھل کے اپنا فرض پورا کر چھڑا سی تے اوہنے کدی اوہدیاں جذباتی لوڑاں ول گوہ نہیں سی کیتا۔ فیر جدوں اوہ باہر لے ملکوں چنگی کمائی کر کے پچھانہ پریتا تاں اپنے گھر مڑ آون دی تھانویں اوہ کراچی وچ اپنا کاروبار کرن لگ پیا، نالے اوتھے ای اوہنے اپنے بھائی وال دی کڑی نال ویاہ کر کے پھیجاں نوں لکھت دے وئی۔ مدتاں پچھوں جدوں پھیجاں دا باپ اوہنوں لین آیا تاں اوہنے رو رو کے اپنی وارتا اوہنوں سنائی۔ آپ تاں اوہنے سوہرا گھر چھڑ کے جان توں انکار کر دتا پر اپنے پیو نوں اپنی اُستانی صغراں دے نال اک خط دتا۔ اوس خط وچ اوہنے ایہہ مسئلہ پچھیا سی پئی کیہ طلاق ہو جان مگروں سوہرے نال حق نکاح جائز اے؟ ایہہ خط پڑھدیاں ای پھیجاں دا پیو بے سُرّت ہو کے ڈگ پیتا تے اوس توں اگلی رات پھیجاں قتل ہو گئی۔

ایس بند گلی دا آخری مکان وکیل صاحب دا اے، پر وکیل صاحب ایہدے اندر نہیں رہندے۔ اتھے تاں لطیف احمد وکیل دی پہلی بیوی، اوہدا پتر اشرف تے دو دھیاں رہندیاں نیں۔ اوہ آپ شہروں باہر کھلے علاقے وچ اپنی نویں بیوی عارفہ نال رہندا اے۔ عارفہ روز روز دے جھگڑیاں توں تنگ آ کے اپنے پہلے خاوند کولوں طلاق لین دے کیس وچ لطیف احمد کول آئی سی تے کیس دا فیصلہ ہون مگروں لطیف احمد اوہنوں اپنے نکاح وچ لے لیا۔ عارفہ اوس ہرنی وانگریسی، جیہدے مگر کتے لگے ہون۔ اوہ پہلوں اوس نزکوں گندے بندے کولوں جان بچان واسطے نندی رہی، فیر اپنا پلا چھڈان توں پچھے پرائیویٹ ہو شل

دے بوہے اگے کھلوتے بھگیاڑاں توں اپنی عزت بچان واسطے لکدی چھپدی رہی، تے اخیر اوس طلاق نال دھرا کے اپنے ماپیاں دیاں ملامت بھریاں اکھاں دا ساہمنا کرن توں بچن واسطے عیالدار تے ادھکڑ لطیف احمد وکیل دی چادر تھلے پناہ لئی، پر جدوں اوہ اکلا پے تے اندر دی اداسی توں بے وس ہو کے اک دن لطیف احمد دے خاندان وچ آر لن واسطے ایس مکان دے بوہیوں اندر لنگھی تاں لطیف احمد دے جوان پتر اوہدا سنگھ دوواں ہتھاں وچ نپ لیا۔ عارفہ اپنے بچاء دا کوئی چارہ نہ کیتا، بس اپنا آکھیا: گھٹواں ہتھ پا۔ میرا پینڈا امکا۔ ڈاڈھی تھک گئی آں۔

ایہہ محلہ تے شہر دی فصیل پچھے کئی ہو ر محلیاں وچ اجسے نکے نکے تے تنگ تنگ گھروی ہین، جیہناں دے اندر کھلے دلاں والے وڈے بندے وسدے نیں۔ عبدالرحمن نہ ویکھن وچ وڈا آدمی اے نہ جاجن وچ، پر اوہنوں رب نے جیوندا جاگدا دل دتا اے۔ اوہ کتاب دار اے تے کتاباں وی صحبت وچ رہندا اے، ایسے کر کے اوہنوں تیجی اکھ دی نعمت نصیب ہوئی اے۔ اوہ تیجی اکھ جیہڑی بندے دے اندر کھلدی اے۔ اوہنے ایسے تیجی اکھ نال اپنے پنڈ دے استاد سید عبدالرؤف شاہ دے اندرونے دا حال ویکھ لیا۔ ماسٹر ہو ری ماندے رہندے سن تے اپنی وڈی دھی ہاجراں ولوں بڑے فکر مند سن، کیوں جو نکیاں دوواں بھیناں دا ویاہ ہو جان دے بعد وی ہاجراں اپنے ماں پیو دے گھر بیٹھی سی پر ہاجراں نوں قبولدا وی کون۔ اوہ جماندروا نہی سی۔ ایہہ عبدالرحمن دا ای حوصلہ سی پئی اوہنے شاہ ہوراں کولوں ہاجراں دا ہتھ منگ لیا، کسے شوق توں نہیں، بندیاں دے آنکس دی چوبھ محسوس کر کے۔ فیر اوس ساری حیاتی ہاجراں نوں اپنی چھتر چھاں وچ رکھیا۔ اج انج دوجے دی اک وچ سڑ کے کندن ہون والے کئے نیں؟

ایس کوٹ دے بندی خائیاں وچوں کندھ نوں پاڑ مار کے نس جان والے دی پچھے اپنا کھرا چھڑ گئے نیں۔ و سیم اتھے سکھ دی تلاش وچ اک کھلے ڈلھے گھر دا بوہا آن کھڑکایا، پر جدوں اوہ اپنے پچھلیاں توں مونہہ موڑ کے شکیلہ



دے ٹبر دا بردہ بن گیا تاں سوہریاں اوہنوں دھن دے دھندے وچ انج جو یا پئی  
اوہ پھیرے ڈھون والا لدو جانور بن کے رہ گیا۔ فیر جدوں اک پھیرے اوہ سبھ  
کچھ کھوہا کے تے ادھ مویا ہو کے گھر پریتا تاں شکیلہ وی اوہدے ول کنڈ چا  
کیتی۔ ایسے دکھوں اوہ سارے کچے رشتے توڑ کے بکدھرے مونہ کر گیا۔

اُنہی دنوں میں وہ اپنے راجے کی بیٹی سے شادی کر لیا۔  
راجے ای پیر جی وی اک سچ نوں ہک نال لائی رکھن والا تے سچ دے راہ  
اتے سدھا ٹرن والا بندہ سی، جیہڑا لوکاں دے دکھاں نوں تجارت دا مال بنان  
والے اپنے مبرتوں وکھ ہو کے اپنی کوٹھری وچ لکيا رہندا سی۔ اوہدا پیو تنقل  
علی شاہ اوہدے وکھریاں رہن دے ورتارے نوں فقیری واسا سمجھ کے سہندا  
رہیا، اوہدے ہتھیں مزدوری کرن نوں وی برداشت کر گیا، پر جدوں پیر جی اک  
لاوارث نمائی جیسی دو بچیاں دی ماں نال ویاہ کر کے اوہنوں اپنی کوٹھری وچ لے  
آندا تاں وڈے شاہ ہو راں اوہنوں اوہدے نویں مبرسمیت، راتورات وسدے  
میشہ وچ گھروں کڈھ دتا۔ پر ہُن سچ دے سفروچ پیر جی کلا نہیں سی۔

فصلوں باہر باغ وچ پرندیاں دی دنیا اے، پر او تھے وی بندیاں پھاہیاں  
پائیاں ہوئیاں نیں تے اوہ گھگیاں دا شکار پئے کھیڈ دے نیں۔ جدوں اک گھگلی  
کسے شکاری دی بندے مارن والی بندوق دی گولی نال زخمی ہو کے درخت توں  
تھلے ڈگ پیندی اے تاں فطرت دی گود وچ پلے ہوئے دو بچے اوہنوں چک  
کے اپنے کمرے وچ لے جاندے نیں۔ اوہ اوہدی مرہم پٹی کردے نیں تے  
راتیں بنگھی تھانویں سنبھال کے رکھدے نیں۔ بھئی اپنے نلے بھرانوں دسدی  
اے پئی گھگلی آزادی دی نشانی سمجھی جاندی اے تے بچہ وعدہ کردا اے جے اوہ  
آزادی دی حفاظت کرے گا۔ فیر جدوں صبح سویرے اوہ دوویں بچے ٹوکرا ہٹا  
کے ویکھدے نیں تے گھگلی موئی ہوئی ہوندی اے۔ معصوم بچہ ڈاڈھا ابھاسر  
کے آکھدا اے: آزادی مرگئی اے۔

ہیکیاں ہوندیاں ساڈی نانی دادی سانوں جیہڑی کہانی سُناندی ہوندی سی،  
اوپرے وچ وی انجے اک پھاہی وچ پھسی گھگی ہاڑے پاندی سی۔

راہیا وے راہ جاندیا

لک	ٹنوں	ٹنوں
میرے	پچڑے	ٹنوں
لک	ٹنوں	ٹنوں
اڑ	جان گے	ٹنوں
لک	ٹنوں	ٹنوں
سڑ	جان گے	ٹنوں
لک	ٹنوں	ٹنوں
بھج	جان گے	ٹنوں
لک	ٹنوں	ٹنوں

او ہو گھگی آج وی ہاڑے پارہی اے، کسے راہ جانڈے راہی اوہنوں پھاہی  
وچوں کڈھ کے آزاد نہیں کیتا۔ اوہڈے پچڑے اُجے اوہنوں پئے اُڈیکڈے  
نیں۔ پکھیرواں دی بولی جانں والی فرخندہ لودھی گھگی دے ہاڑے سُن کے  
اوہناں تھانواں دی اور چھور دسدی اے، چتھے پھاہیاں گلیاں ہوئیاں نیں۔  
خورے کدی کوئی پاندھی پینڈا کھوٹا کر کے اوہناں پھاہیاں تیکر اپڑ جائے تے گھگی  
نوں آزاد کرا دے۔ گھگی، جیہڑی آزادی دی علامت اے پر اُجے تاں بلو جالی  
پچھے ڈکیا ہویا اے۔ اُجے تاں پھیجاں دے دوالے دیاں دیواراں اودوں ای راہ  
دیندیاں نیں، جدوں اوہدا جنازہ لنگھاتا ہووے۔ اُجے تاں آزادی پلو پئی تھائیں  
تھائیں مر رہی اے۔ فرانس دے عمرانی فیلسوف روسونے سچ آکھیا اے: انسان  
آزاد پیدا ہویا اے، پر ہر تھاں اوہڈے پیراں نوں بیڑیاں پینیاں ہوئیاں نیں۔

انسان آزاد خورے کدوں ہووے گا؟ پر اسیں پہلوں اپنے آپ نوں  
آزادی دے سو جھلے واسطے تیار تاں کریے، اسمان دے کناریاں تے آزادی  
ست رنگی پیسنگھ و یکھن واسطے سجاکھ تاں پیدا کریے۔ انسان دی آزادی دے  
سفر دا پہلا پڑاں اوہدے اندر دی کھلے اے۔ کھلی ہوا وچ ساہ لین دی سک  
جدوں سینے وچ رڑکن لگ پیندی اے، اپنی ہوا وچ اڈن دا ایل جدوں ہمیلی  
مار کے پار آون نوں کاہلا ہوندا اے، جدوں دھوتے اسمان اُتے لکے کبوتر ایں دی



مکڑی نوں بھوانیاں کھانڈیاں ویکھ کے اینویں ہوٹھاں وچوں ہولی جیسی ہاہ نکل  
جاندی اے، اودوں بندہ حقان دے نیاں تے انسان دی آزادی دے بھیڑ وچ  
کے پیریں اگانہ ودھن دی نیت کر سکدا اے۔ سُچجی تے پھولی کہانی کار  
فرخندہ لودھی سانوں اپنیاں کہانیاں راہیں اپنا آپ ساج کے نیت کرن دی پریرنا  
کیتی اے، جے ایہناں کہانیاں نوں پڑھ کے تہاڈے دل تے دھمک پوے یاں  
اندروں بدھروں کے سکی جیسی دی آواز آوے تاں ایہہ ایس امرول اشارہ  
اے پئی تئیں وی زندگی دے جہاد وچ پہاں بھار کھلون دی ہمت رکھدے او۔  
انج جے گھگی وی موت تے بندے دے بندی وان ہون دا احوال پڑھ کے تہاڈا  
دل نرا Mur mur کر کے ای رہ جائے تاں وی حوصلہ رکھو پئی سینے دے  
اندروں دل جیونداتے ہے۔ فیر جے جیونداتے تے جدوں بھیڑ پئی جاگ وی  
پوے گا۔

اوہو ازلاں دی حقیقت! خدا جے اپنی مخلوق توں مایوس نہیں۔

سجاد حیدر

۶۶۔ جے ماڈل ٹاؤن، لاہور

## اک سوال مگر کئی سوال

پنجابی پاکستان دے اوہے نالوں ودھ پاکستانی لوکاں دی ماں بولی اے۔ ایس  
بولی نوں سمجھن والیاں دی گنتی وی بھاری اے۔ فیروزی جیہڑا ادب پنجابی وچ  
لکھیا جائدا اے اوہنوں بہت گھٹ لوک پڑھدے نیں تے اودوں وی گھٹ  
سلاہوندے نیں۔

پچھلے دینیں مقابلے دے امتحان وچ نیٹھن والے اک مُنڈے نال ملاقات  
ہوئی۔ پچھیا پرچے کیہو جیسے ہوئے نیں؟ اوس ہرکھ نال اُتر دتا ”ہو رتاں  
سارے پرچے چنگے ہوئے نیں پر پنجابی ادب دا پرچہ ایسا سوکھا سی پئی چنگی طرحاں  
کیتا نہیں گیا۔“ اوس ویلے میرھے دل نے مینوں اک وار فیر دسیا: ”پنجابی ماں  
بولی جو ہوئی۔“ دماغ نے ورجیا ”ماں نوں سمجھنا بھانویں سوکھا ہووے۔ اوہدے  
نال انصاف کرنا اوکھا اے۔“

اساں پنجابیاں ماں بولی نال انصاف کدے نہیں کیتا تے نہ ای اگوں کوئی  
ارادے نظر آوندے نیں۔ لگدا اے اسیں انج ای رہنا اے۔

تاجر تے شاطر انگریز جدوں ملاں ماردا پنجاب وچ اپڑیا تاں اوس ایس خطے  
نال اوہو سلوک کیتا جیہڑا فاتح مفتوحاں نال کردے آئے نیں۔ فرق صرف ایسا  
سی پئی ایہہ ہند وچ کلکتے راہیں وڑیا، جد کہ دوجے دھاڑوی خیبر درہ ولوں  
آئے۔ انگریز کول ہندیاں نوں زیر کرن دا چوکھا تجربہ سی اوس پنجابیاں دے اٹکھ  
مان نوں ویکھدیاں ہویاں اوہناں دی زبان دی پگھی مروڑی۔ پنجابی جیہڑی دلی  
توں لاپشور تائیں بولی سمجھی جاندی سی حیاتی دے ساہ گنن لگ پئی۔ ایہو ای وجہ  
اے پئی پنجابی انتروا پریاں نوں بیان کرن دی زبان بن کے رہ گئی۔ ”انتروا  
پریاں“ دا مطلب میں شاعری یعنی آں۔ کیوں؟ جو وین پا کے رون یاں خوشی نال  
کھڑگلیاں پاؤن دی کھل تے جیل وچ وی ہوندی اے۔ پر جیل وچ بہہ کے  
حیاتی دے مسئلے اُتے پیڑھیاں پھیاں، مگر دیلاں والی بحث نہیں کیتی



جا سکدی۔ پنجابی زبان نال مڈھ توں ایسودھرو ہويا۔ ایسہ دھرتی شروع توں ای دھاڑویاں دی راہ وچ رہی۔

سیاسی، معاشرتی، معاشی تے علمی قضیے، گنجلھن لئی تے گنجلھلاں کھولن لئی ساری دنیا دیاں زبانان نوں نثری پدھرتے آوٹا پیندا اے۔ پر نثری تھوہ ڈھنگ نوں ورتن دی نہ تاں پنجاب نوں کدے کھل ملی نہ ایہنوں ویلہ لگا۔

پنجاب سیاسی طور تے سدا ایدھر اودھر دے گھمبھل بھوسیاں وچ پیا رہیا۔ بھکھیاں لئی ان اگاوند اتے سوہلے گاوند ا رہیا۔

فیر انگریز توں آزادی لین دی لہر چل پئی۔ پنجاب دے دو ٹوٹے ہوئے۔ مسلمان پنجابی اپنے آپ نوں وڈا، کھراتے سچا پاکستانی ثابت کرن دے ٹل لاون لگ پیا۔ اوس آپ ای اپنی ماں بولی نوں وگاہ ماریا۔ پنجابی اپنی بولی بولن توں آپ ای سنگن لگ پئے۔ فیر ہر طرح دی قربانی اوہدا Moto بن گئی۔ ہلا شیریں پاروں پنجابی کھکھیا نہیں۔ جے کھکھدا تاں بہت کجھ بیٹھ اتانہ ہو جاتا سی، لے پاڑے پے جانے سن۔ ٹوٹے ہون دے سئل نوں سہ کے پنجابی ودھیرا بیباک بن دا چارا کردا رہیا۔

نتارے دی اکھ نال ویکھیا جاوے تاں آزادی مگروں پنجاب اک وار فیر دھاڑویاں دے ہتھے چڑھ گیا۔ اوس نوں کم دیاں گلاں اپنی بولی وچ کرن توں ڈر لگدا اے! مے۔۔۔۔۔ مے۔۔۔۔۔؟ کوئی دوش لگ جاوے۔

ویکھیا گیا اے پئی اردو دے ڈھیر سارے وڈے وڈے شاعراں تے لکھیاراں دی ماں بولی پنجابی سی تے ہے، پر اوہ پنجابی لکھنا اپنے لئی ہیئت سمجھدے نیں۔ سگوں ایسہ وڈے لوک پنجابی لکھن والیاں نوں ہسٹھل پدھردا لکھیار جان کے کسے کم ارتھ دا بندہ نہیں جاندے۔

خورے سانوں لوکاں نوں ایسہ وہم کیوں اے، پئی پنجابی زبان وچ اعلیٰ فکری تے علمی گل دا بھار چکن دی سکت نہیں، تے نہ ایسہ ایس قابل اے پئی اپنی سوچ نوں دوجے تائیں اپڑا سکے۔ ساڈے دہلاں وچ خورے ایسہ بھے کیوں اے پئی اپنی بولی وچ لکھن نال بندہ نکا ہو جندا اے۔ اوہدا اعتبار گواچ جاند ا

اے تے سیہان ماٹھی پے جاندی اے۔

پتہ نہیں اسیں پنجابی رائج کیوں سوچنے آں۔ ایس سوچ پچھے کس دے فیدے نیں؟ پنجابیاں دے۔۔۔۔۔؟ پاکستان دے یاں کسے ہو دے۔۔۔۔۔؟ جیہڑا ساہنے نہیں آوند۔۔۔۔۔

میں پنجابی وچ لکھ کے کوئی وڈا تیر نہیں ماریا۔ بس اپنی کوشش کیتی اے، پئی انسان دے مڈھلے مسئلے اک نیں تے ایہناں اتے کسے وی زبان وچ سوچیا تے لکھیا جا سکدا اے۔

پنجابی زبان ہیر رائجے یاں سوہنی مہینوال دے ہاڑیاں لئی مخصوص نہیں۔ نرناری دی آپسی کھچ توں وکھ ایسہ بولی حیاتی دے دوجے پکھاں نوں وی اپنا موضوع متھ سکدی اے۔

”ہر دے وچ تریڑاں“ مرد عورت دی چاہ نال اُسرے جنت یعنی معاشرے دی دلگن وچ کھلے کنڈیاں تے سولاں دیاں گلاں باتل نیں جیہناں نوں میں پنجاب وچ واپردیاں ویکھیاں تیاں تے فیر پنجابی وچ رچیا تے لکھیا اے۔

فرخندہ لودھی

۲۹ مئی ۱۹۹۵ء



## تکلیف بازی

اشرف جدوں نکا جناسی اوہنوں اپنے پیو تے بڑا مان تے اعتبار سی۔ پیو دی چھانویں چھانویں ٹرنا چنگا گدا سی۔ اوہدی انگل پھر کے میلیاں، درگاہواں تے جانا اوہنوں بہت ای بھاوندا سی۔ میلیاں ج پینگلاں، پنگھوڑے اوہناں چوٹواں بھین بھراٹواں دا خاص چاء سن۔ راک واری درگاہ دے میلے تے بجلی دے پنگھوڑے وچ ہوئے لیندیاں ادھ وچکارے چانک چیتی بجلی فیل ہو گئی۔ اوہناں دی پیڑھی سبھ توں اُتلی تھانویں لک گئی اوس گھڑی اشرف ہر پاسے نگاہ ماری پیو ول تکیا۔ پیو اوہنوں سبھ توں ودھ بے حوصلہ نظر آیا۔ اوہ اکھاں نوٹ کے:

”جل تو جلال توں آئی بلا ٹال توں۔“ دا خورے ورد کر رہیا سی۔  
 بُلہ برابر ہلی جا رہے سن تے بشرے تے پلین کھلری ہوئی سی۔ رکی بھین  
 نیاں پیو دی جھولی چ پئی، نچنت اُونگھ رہی سی۔ ابا جی دے نال لگ کے بیٹھی  
 بلیس تھلے تک کے چیکاں مارن لگ پئی۔ اوہدی بے چینی نال ہولی ہولی ہلدا  
 پنگھوڑا بہتا بہن لگ پیا تے پیو دھی نوں گالہ کڈھی۔  
 ”کئی دیے پیجیے! چپ کر۔“

”مینوں لاہ دیو! ابا جی! مینوں اتھے ای لاہ دیو۔ انج میں مر جاں گی۔“  
 وچکار لی بھین پھیمیاں، جیہڑی اشرف دے نال لگ کے بیٹھی سی تر بھک  
 کے بھراٹوں بھی پالنی تے اُچی اُچی بلکن لگ پئی۔ بالڑیاں دیاں چانگراں بیٹھلے  
 پنگھوڑیاں وچ بیٹھے لوکاں نوں اپنے ول کھچ لیا۔ پر اوہ سارے ڈرے ہوئے  
 سن۔ تھلے کھلوتے مدھرے مدھرے لوکاں ہاسا محول بنا لیا۔ پنگھوڑیاں تے ٹنگے  
 لوکاں دی جان تے بنی سی تے باہر لوک بھونک تے کھڑے تاڑیاں مار رہے  
 سن۔ اشرف دے نکلے جسے ذہن نے سوچیا۔۔۔ بندہ کیہ اے؟  
 ”ابا جی۔ ابا جی! اج لاتوں میری توبہ۔۔۔ میلے نہیں آواں گی۔“





”جھیمو آکھیا“ تھلے نکیاں کلیجہ کبدا اے۔۔۔ لوکیں نکلے نکلے جا پدے  
نیں اوہناں دیاں دھوٹاں پٹھیاں نہیں۔۔۔ ایہہ سارے بوئے کتھوں آگئے؟“  
”رت نوں یاد کر جھیمو!۔۔۔“

پر پو نے اے وی اکھاں نہیں سن پٹیاں۔۔۔

پو دا جیہڑا بُت اشرف دے اندر کئی ورھیاں وچ بنیا سی اوہدے وچ  
تریڈاں پے گئیاں۔۔۔ پو دے ایس مونہہ مہاند رے نال اوہدی جائکاری اوہ  
اسانیں جا کے ہوئی۔ پر اوہ اپنے اتے قابو رکھ کے بھیناں نوں تک رہیا سی۔  
وڈیاں بھیناں اوہنوں نکیاں نکیاں لگ رہیاں سن جھیمو گھڑی مڑی آکھدی  
سی۔

”اچھی! وے اچھی! مینوں پھڑی رکھیں چھڈی ناں۔۔۔“  
”جھو“ جیہڑی ساریاں توں وڈی سی پو نال لگی روئی تے کبھی جاندی سی۔  
اشرف بڑک مار کے آکھیا۔

”شدیناں نہ ہون۔ تہانوں چھڈ کے میں آپ مرنا اے۔“  
اوس ویلے پو نے اکھاں کھول کے اشرف نوں آکھیا۔

”بلے اوئے پدیا!“

○

فیر اشرف جدوں اہل جوان ہويا تے پو دا اک ہو ر مہاندرا اوہدے ساہنے  
آیا اوہ بی۔ اے کر کے نواں نواں نوکر ہويا سی تے پو اپنی وکالت دی راہیں  
دوجی رن کر کے ٹبر توں وکھ ہو گیا۔ اشرف دی ماں اوس دن اشرف دے گل  
لگ کے کئی دیر بسکدی رہی۔ فیر لمی ٹھنڈی ساہ لے کے پتر نوں حوصلہ دیندیاں  
آکھیا۔

”کوئی گل نہیں پتر! ساڈے لئی توں جو ہیں۔ توں پو بن کے جانیں عورت  
ذات وچاری نمائی ہندی اے۔ غمردے ہر پرچ نگی رہندی اے۔ ڈرو  
اے۔ ہر ویلے بوند وانگر کبدا اے۔“  
ایہہ تسلی اصل وچ ماں نے اپنے جی نوں دتی سی تے اشرف نوں گھردا

ذمہ دار مٹھ لیا سی۔ ساریاں ماٹواں رنج دیاں سیانیاں ہندیاں نہیں۔ تجربے تے  
دنائی دی اچھی مورت ہوندیاں نہیں جیہڑی ہر بچے نوں مکمل دسدی اے۔  
اشرف دی ماں وی دنائی دی تصویر سی۔ اوہدیاں گلاں ’تلیاں‘ پرکھیاں اشرف  
دے ذہن وچ سدھیاں جا ہندیاں۔ اوہ پڑھی لکھی نہیں سی۔ جگ بھر دیاں  
ماٹواں وانگر قدرت نے اوہنوں اوہی درجہ دتا سی جیہڑا چڑی چڑنگ توں لا  
انساناں تائیں اکو ای اے۔ اشرف دے ابا جی پڑھے لکھے وکیل سن پر اوہناں  
اپنے کلارنٹ (Clint) نال نواں ویاہ کر کے گھردی گوہ گال دتی۔ وکیل پو دا  
اوہناں دی تعلیم تربیت وچ پہلاں وی کوئی ہتھ نہیں سی۔ جدوں عشق لگا سبھ  
چوڑ ہو گیا۔ ہندی عمرے عشق رنج وی آؤلا ہندا اے۔ سنیندا سی پئی اشرف دی  
نویں ماں چنگی مونہہ چت لگتی تے پڑھی لکھی اے۔ ایس ماں نال اوہدا ساٹواں  
ٹاکرا کدے نہیں سی ہویا۔ نہ اوس کدے پو دے نویں گھر وچ جھات پان دی  
کوشش کیتی۔ پر دل وچ چٹیک جیہی لگی رہندی۔ ایس نویں ماں دا ناں عارفہ  
علی سی۔ اشرف دے پو نال ویاہ ہون کر کے ہنن اوہ عارفہ لطیف ہو گئی سی۔  
لطیف، اشرف دے پو دا ناں سی۔

○

عارفہ نوں علی احمد نامی وکیل کسے قصبے چوں ویاہ کے لاہور لے آیا سی۔  
فیر اوہناں میاں بیوی دے وچکار جنگ چھڑ گئی تے عارفہ گھر چھڈ کے اک  
پرائیویٹ ہاسٹل وچ رہن لگ پئی۔ کچھ چر مگروں اوس خلع دا دعویٰ دائر کر دتا۔  
عارفہ کول جیہڑا گنا گنا پیسہ دھیلا سی مقدمے تے لگنا شروع ہو گیا۔ اک اوکھا  
ویلا جھل پیا۔ بندہ بھانویں کئی جان ہووے خرچے جیوندی جان دے نال لگے  
رہندے نہیں۔ تاں اوس ہتھ پیر مار کے اک پرائیویٹ سکول وچ نوکری وی لہج  
لئی۔

اوہدی رہائش دی تھاں کیہ سی۔۔۔ چنگا بھلا کجرا خانہ سی۔ اتھے شام پین  
نال دن چڑھناں شروع ہو جاندا۔ مڑ لوک بھکھے بھگیاڑاں وانگر بلڈنگ دے  
دوالے کیرے لان لگ پندے۔ ندیدے بھگیاڑاں جدوں تھو تھنیاں چک چک



دن ننگھدے گئے۔ عارفہ علی وابشری جیویں لطیف احمد دے پیش پے گیا۔  
سوندیاں، جاگدیاں، اٹھدیاں، بہندیاں، --- اکو کھڑا سا بننے سی۔ اوہ بوندل  
گیا۔ اوہ دے وکیل ذہن نے سوچیا۔۔۔ ”ہُن مقدے دا رِشا کڈھ لینا چاہیدا

اوس دیاڑے عارفہ آہلنیوں ڈگے بوٹ وانگر بڑا کُرائی سی۔ فیر اوس  
دڑوٹ لئی۔ اوہدی سوچ تے مایاں دی سوچ وچ چوکھانکھیڑا پے چُکیا سی۔  
ودیاں شہراں نالوں نکیاں شہراں دی سوچ وکھ ہندی اے۔ نکیاں شہراں نالوں  
تھیاں دی تے تھیاں نالوں پنڈاں دی سوچ وچ بڑا فرق ہوندا اے۔ عارفہ  
نال وی کجھ انج ای ہويا۔ کچھے پرت کے ویکھن نال پتھر ہو جان دا خوف عارفہ



نوں لے کے بہہ گیا۔ اُنچ اوہنوں اپنے رُوپ دی کچھ تے اعتبار سی۔ دماغ نوں ورتن دا دل وی اوند سی۔ ہتھ پیر ہلا کے جیون دی جاچ وی ہے سی۔ اوس اپنے نال اک فیصلہ کیتا۔

”میں جتھے گواچی آں، اپنے آپ نوں او تھوں ای لبھاں گی۔“

○

ڈاکٹر تے مریض، موکل تے وکیل، لکھ اک دُوبے نال جذباتی ہون توں بچن، فیرو وی اک دُوبے دے جانو ضرور ہو جاندے نیں۔ دل والے درد وی محسوس کردے نیں۔ ادھیڑ عمر لطیف احمد دیاں پیار ڈولھدیاں اکھاں عارفہ دے اعتبار نوں سہارا دتا۔ اوہدی ذات تے لطیف دے بڑے احسان سن۔ کورٹ کچھری وچ ہر ویلے لطیف اوہدے نال رہندا سی۔ کٹرے وچ جرح ویلے اوہنوں لنگیاں ہون توں بچان والا لطیف ای تے سی۔ اخباراں وچ بھنڈی جان توں اخبارچیاں نوں ڈکن والا وی اوہو سی۔ بھانویں اوہدے پچھے لالچھے لٹا کے وی سن پر اوہ ایسہ وی جاندی سی پئی، لطیف جو کجھ اوہدے لئی کیتا، دھی سمجھ کے نہیں کیتا۔ عارفہ دی مٹے ایسہ گل بہت پہلاں آپچی سی پئی مرد سدا پرانی جائی نوں سوانی دے رُوپ وچ ویکھدا اے۔ ماں، بھین، دھی، ویزھے دی ولگن وچ ہندیاں نیں، باہر ہمیں۔۔۔ سوائس ویلے عارفہ جیسی کڑی نوں اجیسے بندے دی لوڑ سی جیہڑا اوہدے سہرتے مالکی دی چادر تان دیوے۔ اوس نوں اپنی پناہ وچ لے لوے۔ پو ورگا کسم عارفہ دی معاشرتی لوڑ بن گیا۔ دوئے جنے نکاح دی تند نال بجھ گئے۔ لطیف احمد دی پہلی بیوی نوں کوئی وڈا اعتراض نہیں ہویا۔ سل ضرور سی۔ اوس لطیف نوں لا کے آکھیا۔

”مینوں تیتھوں ایہو امید سی۔ ست ست مبارکاں۔۔۔ کماندی کھاندی رن پئی بوٹیاں تڑاوے۔۔۔ میں تے ویہلی ہوئی۔۔۔ مینوں کاہدا گھاٹا۔۔۔ میرے کول اشرف اے۔۔۔ میرا پتر۔۔۔ کسم رن نوں چھڈ دے آئے پتر تے نہیں چھڈ دے مانواں نوں، کیوں پتر!“

اوس اشرف نوں ونگاریا۔

”پتر نہیں ناں چھڈ دے؟“  
”آہو ماں! پتراں چھڈ کے رکھ جانا ہے؟“

○

اشرف اپنی نویں ماں دے خیالاں وچ گم رہن لگ پیا، جیہڑی مشکل نال اوہدی چھوٹی بھین نیماں جتی ہووے گی۔ دُہم سی پئی سوہنی اے بھرویں اے، کچھویں اے۔ مونہ متھا سوچاں بھنیا۔ ورتارے وچ ڈر، اک کانبا جیہڑا تگن والے نوں مُڑ تگن تے مجبور کردا اے۔ جس ویلے ماں بوٹیاں تڑوان والی گل کیتی سی اشرف نوں تریلی آگئی سی تے پو توں اکی نفرت ہوئی سی۔ نویں ماں دی عقل مت تے غصہ آیا سی۔ اوس لمی پچکاری مار کے تھکیتے سوچیا۔

”ایہدے نالوں بہہ رہندی۔۔۔ اجیہا کسم نہ کردی۔“

رتاں چوہاں مہینیاں مگروں اک شامی اک رکشا اوہناں دے بوہے اگے آن کھلویا۔ اشرف اوس ویلے اتلی منزلے منجی ڈاہی ویلھا لما پیا، اسو دے نہاتے دھوتے امبر وچ وارو واری ہنگردے تاریاں نوں رگن رہیا سی۔ رکشے دا کھڑاک سُن کے اک وارگی اٹھیا۔ نیرے توں تھلے جھات ماری۔ رکشے وچوں اک پتلی لُوک کڑی اتر چکی سی۔ اوہدے ہتھاں وچ نیشواں نال بھرے پوتھن دے لفافے سن تے اوہ موڈھے لٹکدے پرس چوں بڑی اوکھت نال پیسے کڈھ رہی سی۔ اشرف اکو ساہا پوڑیاں اتر گیا۔

”توں اشرف ایس؟“

کڑی اوہدے دل دُونگھیاں نظراں نال سوال کیتا۔

”ہاں۔۔۔ پر میں تہانوں نہیں سیانیا؟ تیس کون او؟“

کڑی بنا اتر دیتاں ڈیوڑھی دی پوڑی چڑھ گئی۔ اشرف اوہدے مگر ٹرپا تے گھر دے نکلے جسے ڈرائنگ رُوم وچ اوہنوں بہا کے اندر چلا گیا۔ چوکھے چر مگروں پریتا تے جیویں اوہ سبھ کجھ جاند اسی۔

”ابا جی تے گھر نہیں۔ تماڈے دل ہندے نیں۔۔۔ تیس اتھتے کیہ لین

آئے او۔؟



”میں۔۔۔ میں تہانوں ملن آئی آں۔ چراں توں جی کردا سی۔“  
 کڑی دے بول تھڑک رہے سن۔ فیر اوہ تیس توں تو تے آگئی۔  
 ”تیریاں صفتاں تُن کے تینوں ویکھن آئی آں۔ صرف تینوں۔ چراں توں  
 چاء سی۔“

اوہدی وائج کئی مٹھی سی۔ اشرف جی بھر کے ویکھن دی کالھ کیتی۔ اک  
 تانگھ نے ہر دے وچ اکھ کھولی۔ اک ہاک آئی۔  
 ”بچھو“۔۔۔؟ اشرف دی وڈی بھین۔ ”ڈراکل بلیقیں“ اوہ اسمانے  
 مکدی۔۔۔ نہیں۔۔۔ ایہہ بلیقیں نہیں۔۔۔ نیماں؟ ہاں پھیمو۔۔۔؟  
 نہیں۔۔۔ نہیں۔۔۔ نہیں۔

”ماں۔۔۔؟۔۔۔ نہ۔۔۔ نہ۔۔۔ ماں اپنی بنگی نہیں ہو سکدی تے  
 نال ای اوس نوں اپنی ماں دی بوٹیاں تڑان والی گل چیتے آئی۔ اک کوڑنے  
 اوہنوں ولھیٹ لیا۔ اشرف نیویں پالئی۔۔۔ ایہہ ایہہ ساہنے بیٹھی کڑی  
 اوہدے پیو دی رن سی۔۔۔ سوانی سی۔۔۔

نفرت دے زہر نوں گھٹ گھٹ کر کے پینا اوہدے وسوں باہر ہو گیا، اوہ  
 ہیلی مار کے اٹھیا تے عارفہ دی سنگھی نوں دونواں ہتھاں وچ نپ لیا۔ ہُن عارفہ  
 دیاں اکھاں اشرف دیاں اکھاں نوں آلا ہنگدیاں دل دریا دے شوہ وچ چھلو چھل  
 سن۔۔۔ اشرف دے کناں نے آخری ساہنواں دی سرک سُنی۔ میرے پورنا  
 وے ہتھ گھنواں پا۔۔۔ میرا پینڈا مکا۔۔۔ ڈاڈھی تھک گئی آں۔

اوس سے اشرف نوں انج لگیا، جیویں اوہ اسمانوں پنگھو ڈاٹ گیا اے  
 تے بچھو، اوہدی وڈی بھین، اوہدیاں بانہواں وچ آڈگی اے۔ خورے پھیمو  
 اوہدے مگر نس نس کے تھک گئی اے یاں نیماں اوہدے نال لکن مٹی کھید دیاں  
 کھید دیاں رُس گئی اے یاں فیر ماں نے اوہدے مونہ تے چیرٹ ماری اے تے  
 اوہ ماں نوں ای ہتھیر کے ڈھائیں مارن لگ پیا اے۔



## اللہ لوک

پیر جی ہو ریں مایاں دے پلیٹھی دے پتر ہون کر کے چنگے لوڈے سن۔  
 ماں اوہناں نوں ”نکا“ آکھدی پر اوہناں دی ال ”پیر جی“ پے گئی۔ چھوٹے  
 وڈے، نیانے سیانے اوہناں نوں ”پیر جی“ آکھدے۔ اوہ اپنی ایس ال تے ہُن  
 خوش ہندے نہ رنج، پر جد پیر جی دے پیو اوہناں نوں ”پیر جی“ سدنا شروع  
 کیتا اوہناں نوں بھورا وی چنگا نہ لگیا، تے اوہناں اوکھا ہو کے پیو نوں  
 آکھیا۔

”تیس تے ایہہ ال نہ ورتو۔“

”کیوں۔۔۔؟“ پیر جی دے پیو تنفضل علی شاہ پتر نوں پچھیا تے فیر اپنی گل  
 اکاٹھ ودھائی۔

”توں پیراں دی اولاد جو ہویا پتر توں ”پیر جی“ نہ اکھائیں تے ہو ر کون  
 اکھائے گا۔“

تنفضل علی شاہ دا دھندا لوکاں نوں توتیت دھاگا دینا سی تے واہ وا آمدنی  
 سی۔ ایہہ پیشہ اوہناں دا جدی پشتی ہون کر کے دم پھوک کرن دے پیسے وصول  
 کرنا کوئی طعنہ مٹا نہیں سی اوہناں لئی پر پیر جی نوں خورے کیہ چڑ سی۔ جد دا  
 ہوش سمجھایا پیو نال اٹ کھڑکا رہن لگ پیا۔ انج اوہ نکلے ہوندیاں توں اپنی دنیا  
 وچ رہنا پسند کردے سن۔

پیر جی ہو ریں دنیاوی علوم وی نہ پڑھ سکے کیوں جو گھر وچ بریت رواج  
 نہیں سی۔ وڈے شاہ صاحب اپنے جدی علم تے فخر کردے سن، پر منڈے نوں  
 کوئی ایہی لو لگ گئی پئی اوہناں دا جی ایہدھر بیٹھا نہیں سی۔ اوہناں دے  
 اندر اک بغاوت سی، اپنے سیٹ اپ دا Reaction اوہناں دے اندروں  
 بھٹا پنگردا سی۔ اک دیھاڑے تے اوہناں مونہ تے آکھ دتا۔



”ابا جی۔۔۔! میں تہاڑی پڑھی نہیں جینا۔“ مطلب ایسہ سی میں اپنا چوگا  
کدھروں ہوروں لبھاں گا۔ ایس گل تے پیر جی دی ماں جنت ترف کے پئی۔“  
پیر جی دا ایسہ کچھ اوس پہلاں نہیں ویکھیا۔  
وے۔۔۔! نچ جمدی میں تینوں۔ جے توں اج پیو نوں ساہواں ہو کھلوتا سی۔  
ساڈا رزق ایسے راہوں حلال اے۔۔۔ پتر سدا پیو آں دی پئی پیٹھ سانہدے  
آئے۔ توں اولاد ایں۔ چل معافی منگ پیو توں۔۔۔۔“ جنتے وچاری پتر ولوں بہت  
شرمسار سی۔

پیر جی جتھے کھلوتے سن کھلوتے رہے، وڈے شاہ ہوریں جیویں اپنی ہار  
من لئی۔ تیج پھیر دے اپنے آستانے ول رک گئے۔ اوہ جانڈے سن پئی جدوں  
اولاد و ہر کھلوتے تے آپ دا اوس جا کھلوتا چنگا نہیں ہوندا۔

پیر جی جیویں جیویں جوانی ول ودھے بہت سنجیدہ ہوندے گئے۔ اوہناں  
وے بلھاں تے وڈے شاہ ہوراں طرحاں ہر ویلے ذکر نہیں سی رہندا، سگوں  
بشرے تے فکر کھلایا نظر آوندا۔ اک اودریواں کھنڈیا ہندا۔

پیر جی گھروچ اوپریاں وانگر آوندے۔ جے کسے روٹی نکڑا اگے رکھ دتا  
تے کھالیا نہیں تے اپنی کوٹھڑی جاوڑے۔ اوہناں دی کوٹھڑی وچ جھات مارن  
دی کسے نوں وی کھل نہیں سی۔ اوہ اپنے سارے کم آپ اپنے ہتھیں کردے۔  
خورے ماں بھینیاں کامیاں نوں تکلیف دین دے حق وچ نہیں سن۔

ماں نوں کدے کدے پتر دے ایس ورتارے تے فخر ہون لگ پیندا تے  
اوہ وڈے شاہ ہوراں دا گوڈا بلون کے دسدی۔

”اسیں کڈے بختاور آں۔ ساڈا جنیا ایسے عمرے دنیا دی طمع چھڑ کے  
رہت دے رستے تے پے گیا اے۔ سوہنے اللہ کیتا تے کرنی والا پیر ہووے گا۔  
گنڈے تویت دی لوڑ ای نہیں پئی۔۔۔۔ کلی پھوک چلے گی میرے پتر دی۔۔۔۔  
جیہدے تے نظر سولی پاوے گا اوہدی لہر بہر ہو جاوے گی۔“

”جنتے!۔۔۔۔ مینوں تے تیرے جنے وچ اجیسی کوئی گل نہیں نظر آوندی۔

دکھ ایسہ وے پئی کملاوی نہیں۔ چنگیاں بھلیاں سیانیاں گلاں کردا اے۔“  
”اللہ لوک جو ہو یا۔“

”اللہ لوک! توں ماں جو ہوئی۔۔۔۔ جنتے!“ وڈے شاہ صاحب ہس کے ٹال  
دیندے پندرھویں ورھے وچ پیر دھریاں ای پیر جی نے اپنا ان پانی اڈ کر لیا۔  
تفضل شاہ نوں پتر ولوں ہرکھ جیہا لگ گیا۔ اوہناں جنتے نوں جیہڑی پتر دے اڈ  
ہون تے کلپدی سی آکھیا۔ ”جو رب کرے سو ہو جنتے! چڑی چڑنگ کول کیہڑا  
ہنر ہندا اے۔ جہننے پتھج دتی اے، چوگ وی دیوے گا۔ توں نہ کلپ۔“

ہن پیر جی سرگی ویلے اٹھ کے اپنی کوٹھڑی اگے لگے نلکے تھلے صافا بنہ کے  
نہاندے تے خورے کیہڑے پاسے نکل جانڈے۔ یاں فیر کوٹھڑی وچ وڑدے  
تے کئی دیھاڑے اندر رہندے۔ ماں بھین باہروں بوبا ٹھور دیاں پر اندروں کوئی  
اُتر نہ آونداتے ماں دے کلیجے نوں ہتھ پین لگ پیندے۔

”وے نکلیا۔۔۔۔! نہ ساڑ سڑی نوں۔ کچھ کھا پی لیا کر ماں ہتھوں، وے  
مینوں کچھ وی نہیں چھدا تیرے بنا۔“

جد ماں اُچی اُچی رون کر لان لگ پیندی تے پیر جی کنڈی لاہندے۔  
تاں پیر جی نوں رحم آجاندا، اوہ بوبا کھول کے باہر کھڑی ماں نوں جھہمار  
کے آپ وی رون لگ پیندے۔ جنتے جھجھدی تے بس اینا آکھدے۔۔۔۔

”ماں میں کوڑ نال لڑ رہیا آں۔ تے ڈرنا آں۔۔۔۔۔ میرے آل دوالے  
جھوٹھ دیاں اُچیاں کندھاں میں۔ جیہناں نوں میں اُلا نگھ نہیں سکدا۔ میرا جھیرا  
میرے نال اے۔۔۔۔۔ تیرے یاں کسے ہو ر نال نہیں۔ تہاڑی چال نال اے۔۔۔۔۔  
تیس کندے کچھ او کردے کچھ او۔ بس ایہوڈھلا فساد اے۔“

”میں۔ سارے جگ دے جھوٹ تے سچ قربان کر دیاں تیرے توں۔ توں  
رل کے رہ۔۔۔۔۔ بھین بھراواں وانگر۔۔۔۔۔ دنیا وانگر۔۔۔۔۔ میرا ایہو ای سل  
اے۔۔۔۔۔ پئی توں آکھے نہیں لگدا۔“ انج ماں پت وچ مکالمہ شروع ہو جاندا۔

”ماں۔۔۔۔! توں جس پیر تے سچ بولنی ایں۔ او سے تے جھوٹھ بولن لگ



پنی ایس تے ایہہ میرا سل اے۔“

”میں ماں جو ہوئی۔“

”ہاں توں ماں جو ہوئی۔“

جنتے دا پٹ سیا پیر جی ہوراں نوں کوٹھڑی چوں کڈھ تے لیا یا پر اوہ ٹیر  
وچ رلے نہیں۔

سورج نکلداتے اوہ گھروں ٹر جانڈے، چنگا ترکالاں ویلا ہوندا تے  
پرتدے۔ ہتھ وچ کدے، اک لفافہ ہوندا، کدے دو۔ اک وچ آٹا دوجے وچ  
دال دول، یاں مریج مسالہ۔ کوٹھڑی دی کندھ نال بتاں اٹاں دا چلھا۔ دال  
کدی، اپنیاں دو ٹکیاں آپ لاہندے تے کلیاں بہہ کے کھاندے۔ کسے نوں  
صلح وی نہیں سی ماروے۔ مایاں ولوں گھلی شے نوں اوسے طرحاں پرتا  
دیندے۔

”نہ..... ایہہ میرا رزق نہیں۔“

پیر جی دے ورتارے توں غمی، خوشی دا کوئی پتہ نہیں سی لگدا۔ بے کوئی  
گل کرنی ہونڈی تے ماں نال کردے اوہ وی تاں بے جنتے پہل کرے، نہیں تے  
اپنے حال مست، اوہناں دی کوٹھڑی دے اندر جھانکن دی کسے وچ ہمت  
نہیں سی۔

اچے بھائیوں اوہناں دے بُشرے اُتے ڈونگھی تپیا دا جلال نہیں سی آیا پر  
و۔ لکھن والے نوں ایسی نگاہ دا اُتر دیندے کہ رلکن والا تر بھک کے رہ جاندا،  
ایتھوں تائیں پئی جنتے وی اوہناں نوں نگاہ بھر کے تکلن توں جھکدی سی۔

اک دیھاڑے وڈے شاہ ہوراں جنت بی بی نوں سڑکے دیا۔

”پتہ ای، تیرا شہزادہ پتہ کیہ کرتوت کردا اے باہر جا کے؟“

جنت دے تے خانیوں چلی گئی۔ اوہ چھاتی پھڑکے ہو کنن لگ پئی۔ شاہ جی  
اُچی اُچی بول رہے سن۔

”مینوں تے ایس بدھرے مونہہ دکھان جوگ نہیں چھڑیا۔ اوہ شاہ دا

پت ہو کے تغاری ڈھوے۔ لوکاں دی مزدوری کرے۔ اوئے رب دیاں  
رحمتاں نوں منڈدا اے، اوئے مینوں تے ڈراے میرا سارا آوانہ اُوت جاوے  
ایہدے چالیاں نال۔ ایہہ سارا تیرا قصور اے۔ تیرے لاڈاں وگاڑیا اے  
مُنڈے نوں۔“

”شاہ جی۔۔۔! تہاڈا پت اللہ لوک جو ہویا۔“ جنتے نے گل مکاون دی  
کیتی، ”تہانوں سگوں خوش ہونا چاہیدا اے۔“

رانج محنت مزدوری کردیاں اپنی کھٹی آپ پکا کے کھاندیاں پیر جی ”نبھیاں  
ورہیاں دے ہو گئے۔ داڑھی مجھ سدا توں صفا چٹ رکھدے سن۔ لباس دا  
خاص خیال رکھدے۔ دھو بٹا کے پاوندے۔ بہن کھلون وچ کوئی ایسی گل نہیں  
سی جیہڑی اوہناں نوں سائیں لوک ظاہر کرے۔ ماں اوہدے ول تھکدی تے  
اوہدے من وچ چا اکھاں کھولدے۔ ہووے نہ تے مُنڈے دا ویاہ کردیاں۔  
رن آکے آپے سوتر کر لوے گی۔ بال بچے دار ہو گیا تے کوئی کسب وی کر لے  
گا جگ تے رانج ای ہندی آئی اے....

رے بچے گھر دے مُنڈیاں لئی رشتیاں دا گھانا نہیں ہوندا۔ بھین بھراواں  
توں اڈ دُوروں نیڑیوں ہر کوئی آس رکھدا اے پئی اپنی گٹو نوں ایسی تھیں  
چھڈیے جتھے چرن نوں چوکھا گھاہ ہووے سو پیر جی ہوراں لئی رشتیاں دی لین  
لگی پئی سی۔ ماں ڈردی سی پتر دی ہٹھ توں، اک دن جنتے موقعہ تاڑ کے گل  
چھوئی۔

”آپاں.... تیرا ویاہ نہ کر دیئے؟“

”کیہدے نال۔۔۔۔۔؟“ پیر جی پچھیا۔

”کڑی نال۔ مُنڈیاں دے ویاہ کڑیاں نال ای ہوندے آئے نیں۔“

”کڑی بہ لئی اے؟ میرے ورگی اے؟“

”پت! تیرے ورگاتے کل عالم وچ کوئی نہیں۔“

”فیرتے گل تک گئی۔“



”ہیں۔۔۔ کیہ۔۔۔؟“ ماں دامونہ ٹڈیا رہ گیا، سر نوں بھوں جیہا آگیا  
تے اوہ برانڈے دے کولے واسہارا لے کے کھڑی ہو گئی۔

وڏو شاهه جي اچي اڳي گل نهين سي مکائي سي که پير جي اخري دا ته پھريا



کوٹھڑی چوں باہر آگئے۔ اج اوہناں اپنی کوٹھڑی دا بُہاوی نہیں ڈھویا۔ جندرا  
وی نہیں چاڑھیا دوہاں جیاں آپو اپنی کلی سراں تے چائی، پیر جی دوجے ہتھ ج  
رُدے بال دا ہتھ پھڑ لیا۔ بنا کوئی گل آکھیاں، کوئی اُتر دتیاں حویلی دے  
وراندے دیاں پوڑیاں اُتر گئے۔ گلی وچ گئے گئے پانی سی۔ چارے جی صدر  
دروازہ وی لنگھ گئے۔ گلی وچ دریا وگ رہیا سی۔ پیر جی ذرا کوا جکے، فیر بنا کچھے  
مڑ کے ویکھیاں اگانہ ودھن لگ پئے۔ پچھوں وی کسے سد نہ ماری۔۔۔۔۔

۱۹۹۴ء



## کندن

میں اک لائبریرین آں۔ شکل دیکھو تے اک سدھا پدھرا بندہ نظر دا ہاں  
تے ہے وی سچ..... سدھا پدھرا تے میں ہاں۔ میں کنا وی چلاک بن دی  
کوشش کراں ہو نہیں سکا۔ ہووے کیوں، میریاں چولاں منے رب انج دے  
ای گھرے نیں۔ پر میرے اندر اک پھر کی لاوتی رب سچے، جیہڑی کدے کدے  
اپنی بھوندی اے کہ مینوں بھون آجان دے نیں۔ ایسہ بھون، خیر چھڈوالیں  
بھیرے نوں۔ ایس جہان وچ ہر بندہ بھوانٹی وچ اے۔ ایہناں وچ اک میں  
وی ماڑا مسکین میہڑ جیہا.....

نہ..... نہ میں میہڑ نہیں آں۔ میری ماں جیوندی اے۔ میں اوہدا سک لوہ  
دا لوڈا پتر آں، پر میری کوئی دکھ نہیں نکلی۔ ماں پو مینوں مکھن ملائیاں وچ  
چوریاں کٹ کٹ کھوائیاں نیں۔ دکھ تے خورے بندے دے اندر ہندی اے۔  
چنگا چو کھا کھان دی عادت یاں تے بندے نوں ندیدا کر دیندی اے۔ یاں.....

مینوں نکلے ہندیاں ای کتاباں پڑھن دا شوق پے گیا۔ مسیت وچ مینوں  
جدوں مینوں م توں محبت، ع توں عشق، پ توں پیار پڑھایا تے مینوں انج لکھا  
جیویں میرے اندر لو پنگر رہی اے۔ کوئی پھل بکھر رہیا اے۔ جیہڑی خوشبو  
مینوں لئی لئی پھردی اے۔ فیر جیہڑی کتاب نوں چت لا کے پڑھیا اوہ ایسے اکھر  
تے نکلی۔

پنڈاں تھانواں وچ کتاباں دا پاہڑو دوجیاں نالوں نکھر کے رہ جاندا اے۔  
دوجیاں نالوں دکھرا، تے جے اوہدی مت م ع پ ول مڑ جاوے تے فیر اوہ  
جانے تے اوہدا رب۔ لوکیں اوہنوں سدھا آکھن لگ پندے نیں۔ میں دیکھیا  
اے ایہو ورتارا شہراں وچ وی اے۔ پر شہراں وچ بھتا کھورو کر کے لوکیں  
سیہان گیان دے وچکار ندے رہندے نیں۔ چھیتی فتویٰ نہیں دیندے۔ اپنے







سوکھے سبھا سلاہنا نہیں کردا۔ بی اے پاس کرن نال میرے اندر اچھی کوئی کرن نہیں پئنگی۔ جیہدی لوئے میں منزلاں ماردا اگانہ ودھدا جاندا۔ سرکار دا وڈا اہلکار بن کے شاں شاں کردا پنڈ دیاں گلیاں چوں لنگھدا پنڈ دیاں زنانیاں ٹھیاں تے نیانے بروہاں وچ کھلو کے ویکھدے۔ ایہناں دناں وچ میرے اندر دی توارخ تے جغرافیہ وچ عجیب اکھاڑ پچھاڑ ہو رہی سی..... انج لگدا سی جیویں میں ویہلا آں تے کجھ کرنا چاہنا آں۔ اندر ویہل باہر ویہل۔ ابے نال کھیتاں وچ کم کرنا مینوں مڈھ توں چنگا نہیں سی لگدا۔ قصور ابے داسی کہ اوس مینوں ایس پاسے پایا نہیں۔ ہن وی اوہ میرے کولوں واہی نیجی وچ ہتھ لوان دی امید نہیں رکھدا۔ سگوں میرے ہتھاں ول ویکھ کے خوش ہندا اے۔

”میرے پتر دے ہتھ کئے کولے نیں۔ ایہہ ہتھ اکا قلم کتاباں پھرن لئی بنے نیں۔“

میری ماں تے میرا پیو دوئے جنے میرے لوک ہون تے فخر کر دے نیں۔ خورے کیوں؟ میں اچ سوچنا آں۔ پہلاں تے مینوں آپ نوں وی جان نوں دکھ دین والے کم چنگے نہیں سن لگدے۔ ہن میری سوچ کجھ بدل گئی اے۔ جدوں میں گریجویٹ ہو چکیا ساں میری ماں نوں میرے لئی ساک لبھن دی لوڑ ای نہیں سی۔ رشتے دار، شریک، دور نیڑے دے اپنیاں دھیاں لئی میرا خواب ویکھن لگ پئے سن۔ اوہناں دیاں دھیاں وی ہو سکدا اے اپنے دلاں وچ میرا کوئی تصور رکھ دیاں ہون۔ کیوں؟ اودوں میں ویکھن وچ چنگا صاف ستھرا گھبروساں۔ کالج دی پڑھائی میری چنگی رندا رگڑائی کر چھڑی سی۔ شہریاں لئی بھانویں میں ابے وی پنڈو ساں۔ پر پنڈواں نوں میرے وچ شہری شہر نظر داسی۔

ایس دے باوجود کہ لوکی مینوں دیکھنا پاکھنا آکھدے سن۔ کدے کوئی ٹھیاں چھڑپا مار کے میرے راہ وچ آن کے نہیں کھلوتی۔ جیویں فلماں وچ دکھایا جاندا اے۔ کدے کسے شکر دوپہرے کوئی کڑی کسے بنے تے راہ ڈک کے کھڑی نہیں

ہوئی۔ پتہ نہیں میرے وچ کیہ نہیں سی۔ انج ایہہ ساریاں فلمی رونقاں نیں۔ ایٹیویں Romanticise کردتا جاندا اے۔ منڈا جو ہویا۔ جدوں میرے گھر وچ میرے ویاہ دی گل بلیت چل رہی سی۔ ساڈے پنڈ دے ماسٹر جی ڈاڈھے بیمار پے گئے۔ میرے دل وچ ماسٹر ہوران دا درجہ پو جتا سی۔ پو مینوں جنم دتا پر ماسٹر جی مینوں چنگی مت دتی۔ بت توں بتدا بنایا۔ میرے سریر وچ سچ دی اکھ کھولی۔ بندے نوں مخلوق وچوں اشرف اکھان دی راہ تے پایا۔ میں کیہ دنیا دا ہر پڑھیا لکھیا بندا استاد دا دین دے نہیں سکدا۔ اوہدے ساہنے سر نہیں چک سکدا۔ مینوں اپنے استاد سید عبدالرؤف شاہ دی خدمت دا موقع نہیں سی ملدا، کیوں جو اوہناں دناں وچ میں کتاب دی دنیا نال اک نواں سمبندھ گنڈھ رہیا ساں۔ میں کتاب داری یعنی Librarianship دی بقاعدہ پیشہ ورانہ تعلیم حاصل کرن لئی یونیورسٹی وچ داخلہ لے لیا ہویا سی۔ ہوٹل وچ رہندا ساں۔ کدے دن دیہاڑیاں اک دو چھٹیاں جوڑ کے پنڈ دا چکر لایندا۔ تے نال ای شاہ ہوراں ول گیزا لایندا۔ حال چال پچھیا تے پرت آیا۔

شاہ ہوراں دے اولاد نرینہ نہیں سی..... رب سچے اُپر تھلے تن دھیاں دتیاں۔ ایہہ دھیاں کنج دیاں سن..... مینوں نہیں پتہ۔ میں کدے گوکھ نہیں رکھی۔ دوجے شاہ ہوریں کڑیاں نوں بال پئے توں برقعہ کراوندے سن..... پنڈ دیاں عورتاں وی اوہناں دی ایویں جھلک ویکھی ہووے گی۔ سید زادیاں دا عام عورتاں توں وی پردا ای سی۔ شاہ ہوراں دیاں بکیاں دوئے کڑیاں کدھرے بچپن وچ ای آکھیاں ہوئیاں سن۔ مالکاں اوہناں نوں مشکل نال بالغ ہون دی مُسلّت دتی۔ وار واری آئے تے نکاح پڑھا کے لے گئے۔ رُقیہ پٹواری ناں ویہی گئی۔ شاہ ہوراں دا دوجا جوئی شاہ ہوراں طرحاں سکول پڑھاونداسی وڈی کڑی لئی ویکھ بھال ہو رہی سی۔ کہ شاہ جی آپ بیمار پے گئے۔ بڑی اوکھت آپی۔ شاہ جی برادری وچوں باہر نہیں سی جانا چاہندے۔ برادری ہاجراں نوں قبول کرن وچ جھکدی سی، کیوں جو ہاجراں جماندروں انھی سی۔ بھل سودا عام



”عبد الرحمن میرا صحیح شاگرد اے۔ میں ایسے اے اتے فخر کرنا آں۔  
دیکھو.....! ایسہ کنال پڑھ گیا اے..... یونیورسٹی تائیں اپڑ گیا اے۔ جیوندا  
رہوے..... رب اینوں علم ورتن دی توفیق دیوے..... میں ساری حیاتی وچ  
اکو کھٹی کیتی اے..... اکو کمائی کیتی اے..... تے ایسہ کمائی عبد الرحمن  
اے..... علم دے تاء اینوں‘ جالیا اے بتی وانگوں۔۔۔۔۔ کندن کر چھڑیا  
اے۔“

”رحمان..... میرا پتر رحمان“..... ”مینوں پتہ سی..... شاہ جی..... ماسٹر جی.....!“ مینوں گل کرن دا دل نہیں سی آ رہیا میں ایویں ہڑ بڑ، ہڑ بڑ کری



اج میری ویابہی حیاتی دے چھبی ورھے لنگھ گئے نیں۔ میں وی ہُن  
گندلاں جیہیاں کولیاں تن دھیاں دا پیو آں۔ ہاجراں جدوں وی ویابہی آئی ہمار  
شمار رہندی اے۔ اوہدے ماپے ساڈے نکاح مگروں اگر کچھڑ اللہ نوں پیارے ہو  
گئے..... جیویں کم کالج تو ویلھے ہو کے سوں گئے ہون..... میرے پیو نوں مرے

پر میں آج وی تقدیر واقائل نہیں..... نہیں بالکل نہیں۔ ہرگز نہیں.....  
کہ ہووے گا انصاف نہیں ہووے گا..... میریاں دھیاں نھیرے وچ تڑ



جان گیاں۔ آون والے لے ویلیاں تائیں، سلاں تائیں۔ اوہناں نوں کون  
کڈھے گا نھیرے دی قید وچوں..... کوئی عبد الرحمن ولد چراغ دین قوم ہرل  
سکنہ..... نھیریاں دی قید وچ کون ہتھ پھڑے گا..... کون؟

۱۹۹۳ء



## سونہ رب دی

رحمت بی بی کئی دنوں توں رولا پایا ہویا اے۔

”سونہ رب دی میں مُلکھ دے سارے سوجھواناں، پڑھا کو آں، جانو آں  
دی کچھری وچ جو آکھاں گی، سچ آکھاں گی۔ سچ دے باجھوں کجھ نہ آکھاں گی۔  
سونہ مینوں لوکاں دی..... سونہ مینوں پیارے پاکستان دی..... ایہدی شان  
دی..... ایہدے اتے مان دی۔“

رحمت بی بی دی نونہ زیو دی عمر ایہو کوئی اٹھاراں کو ورھے ہووے گی۔  
اوہدا آدمی شیر محمد چنگا ترکھا گھرو نہیں جیہو جیہو سی۔ سک لوہ دا اکو ای  
ہون کر کے ماپے اوہ کردے جیہڑا پتر چاہندا۔ اوس پیو داوے دا پشتی پراٹا کم  
وی نہ سکھیا۔ ترکھانا کم وی کوئی کم اے! اوہ چاہندا تے سکول جان لگ پیندا۔  
سکولوں نسا تے فیر پیو نال رندا پھیرن لگ پیندا۔ شیر محمد دا پیو علم دین برادری  
وچ کوئی ایڈا سرکڈھواں بندہ نہیں سی۔ جیہنوں دوجے پچھ کے چلن۔ سگوں  
اوہدے نالوں بُہتی اوہدی زنانی چنگی سکے والی سی۔ برادری وچ بہن اٹھن والی،  
پچھ دس رکھن والی بُڈھی رحمت بی بی اپنے خوند علم دین دا سجا ہتھ سی۔۔۔۔۔  
کم کراوندی۔ باہر اندر دے بہت سارے کم اوس اپنے ذمے رکھے ہوئے  
سن۔۔۔۔۔ علم دین تے ساری دیہاڑی اپنے کارخانے وچ رُجھیا رہندا۔

پنڈ وچ دوواں دی عزت آدرواہ واسی۔

ہنر ونداں نوں اولاد بارے چتا کرن دی کالہ ایہہ ہوندى اے پئی مُنڈے  
بھیتی توں بھیتی کم سکھ کے ماپیاں دا ہتھ بنن..... شیر محمد اٹھاراں ورھیاں دا  
ہو گیا تے اے تائیں اوس نوں نقش پیاو بناونا نہیں سی آوندا۔۔۔۔۔

قصور بہتا رحمت بی بی داسی۔۔۔۔۔ اوہ آہندی.....

”فیر کیہ ہویا..... میرے گھر کیڑا کھان نوں نہیں۔ آپے مت آجائے



گی..... ناہویا تاں میں کچھ دے دوا کے بھرتی کرا دینا اے..... بس اٹھ نوں  
جماتاں ختم کر لوے.....

اٹھارواں ورہا ممکن دے نال ای رحمت بی بی اپنی بھتیجی زیبو ویاہ  
لیائی۔۔۔ زیبو شیر محمد دے ایانے ہندیاں دی منگ سی۔۔۔ ایڈی پندڑ ہیز۔۔۔  
سولاں ورہیاں دی سی تے بتیاں دی نظر آوندی۔۔۔ رحمت بی بی دا بھرا  
آوند ا جاندا زور پاوند۔۔۔

”جانی..... میں ہو روی ویاہنیاں نیں۔“

اُتوں شیر محمد نے ناٹویں جماعت چوں چھڈ کے پڑھائی پوری کر لئی۔  
زیبو اُچی لمی چٹی دودھ گندل وانگر رسی ہوئی نیار۔ شیر محمد اوہدے مقابلے  
وچ ملو کڑا سی۔ شکل وند تاں سی پر وے راتیں سرگٹاں پی پی کے دند کالے شاہ  
ہو گئے سن۔ ٹورنگ ٹاکیاں وچ اکو ساہ ترے ترے فلماں ویکھ ویکھ اکھاں  
دوالے کالے ٹوئے جیسے بن گئے سن۔

زیبو اوہدے ارماناں دے عین مطابق سی۔ فلماں وچ پنجیاں پیار کردیاں  
’نیاراں خورے اوہدے کولوں ول سکھ کے گنیاں سن۔۔۔ شیر محمد نوں ووہٹی  
وچ جیہڑے گن لوڑی دے سن زیبو وچ اوہ سارے اللہ ولوں ہے سن۔ لے  
والاں وچ لال پراندا پاوندی تے گت گٹیاں نال کھن لگ پندی۔ رحمت بی بی  
تے علم دین جوڑی نوں ویکھ ویکھ خوش ہوندے۔

ماں صدقے واری جاندی، نظراں لاہندی..... رب نے اوہدیاں  
سدھراں پوریاں کیتیاں سن۔ اک چتا سی پئی منڈے نے کوئی ٹھکواں کم نہیں  
سی سکھیا۔ اٹھ نو جماتاں نال اوہنوں بہن اٹھن تے گل بات کرن دا ول آگیا  
سی۔۔۔ بہن اوہ لکڑی اتے رندا تیسہ چلاون توں گھابردا۔

اللہ کرم کیتا..... علم دین اپنی جمع پونجی لا کے، لمبڑاں دے پتر دامن تولا  
کر کے شیر محمد نوں پولیس وچ بھرتی کراون وچ کامیاب ہو گیا..... لمبڑاں دا پتر  
پس وچ ڈی۔ ایس۔ پی سی تے علم دین دی شرافت تے ایمان داری دی بڑی

قدر کردا سی۔

رحمت بی بی تے علم دین دے گھر دا چانٹا ہو ر ودھ گیا۔ زیبو جیہا بہن کون  
سی۔۔۔ اوہدا پیر ویڑھے وچ آوندیاں سار شیر محمد سرکاری اہلکار بن گیا۔۔۔  
وردی پالئی۔۔۔ بوٹ جراباں کس لیاں..... زیبو وی بہن پہاں بھار  
ٹردی..... اوہدی ٹور ای کچھ ہو ر ہو گئی سی۔  
ماپے دوواں نوں ویکھ کے آکھدے۔

”جیوندے رہن۔ جوانیاں ماشن۔ ساڈا ویڑھا وسدا رہوے..... رب بچے  
دی نظر سولی رہوے۔“

پنڈاں تھانواں وچ کسے ہلیسے یاں فوجی دا ماں پو ہوتا کوئی نکی گل نہیں۔  
قد اُچا ہو جاندا اے تے لوک اڈیاں چک کے ویکھن لگ پندے نیں کم،  
سفارشاں، عرضیاں پتر..... سارا پنڈ ہم ہما کے پھر دا اے۔ کسے نوں کچھ ملے نہ  
ملے۔ پر کچھ ڈھکویں جیسے ہو جاندے نیں۔

علم دین ترکھان دا گھر بہن چنگا بھلا گھرانہ بہن جوگ ہو گیا سی۔ شیر محمد  
دے بھرتی ہون توں پہلاں وی علم دین عزت والا آدمی سمجھیا جاندا سی..... بہن  
تے..... فیر..... جدوں شیر محمد رنگ روٹی پوری کرن مگروں پنڈ آیا تے علم دین  
سارے پنڈ دی روٹی پکائی..... ودھائیاں لیاں..... سرکڈھواں ہون دیاں ہو ر  
جیہڑیاں شرطیاں بہن علم دین دا کھنا دا پوریاں کرن وچ کسے نالوں کچھ نہیں  
سی۔

تھ لایاں میلی ہون والی زیبو دا پیر بھاری سی۔۔۔ اللہ ایس ویڑھے دیاں  
رونقناں ہو ر ودھان والا سی۔۔۔ چارے جی ڈاڈھے پرسن سن۔  
”شالا نظر نہ لگے۔“ رحمت بی بی ہر ویلے دعاواں کردی۔

سیال دادن جیسکھ دے ہلارے وانگ۔ دُھپے ہُنے چھانویں ہندا اے، زیبو  
تے اوہدی سرحمت بی بی لا گلے چک چوں کیاہ چُن کے پھیتی پھیتی گھر  
اپن لئی ڈنڈیو ڈنڈی اگر پچھڑنیاں آرہیاں سن۔ کتک ماہ دیاں ترکالاں اوہناں



نالوں وی کاہلیاں سن۔ سورج نسوئی کردار کھاں اوہلے لک گیا..... ڈنڈی دے  
دوویں پاسے کنکاں دے، سرے ساوے کھیت اپنے سوہنے لگ رہے سن پئی۔  
اوہناں ول نکدیاں زیو دی چال ذرا ہولی ہو جاندی تے مگر آوندی سس سر  
تے رکھی پنڈ نوں سمجھال دی آکھدی۔

زیو!..... میری دھی..... ایہدھر او دھرنہ تک..... چھوہلی ہو روٹی ٹکڑا  
ویلا ہو گیا اے..... تیرا ابا اڈیکدا ہونا اے....." زیو دا دل کرداسی نمی نمی لو  
وچ ڈبڈے کھیتاں نوں اپنے کلاوے وچ لے لوے۔ تے لمی ہیک لاکے گاؤں  
گاوے۔ پیار دا..... دھرتی دے پیار دا..... جیہڑی اپنے روپ کھلاری بیٹھی  
سی۔۔۔ کوئی ناں نہیں۔ جے کوئی ہے تاں اوہ جوانی ہو سکدا اے۔۔۔ زیو  
نوں آل دوالے اسماناں تائیں جاندی دھرتی اپنا آپ جاپ رہی سی۔ سس دی  
واج سن کے اوس چال تیز کردتی۔۔۔ ہن اوہدے تے سس دے وچکار چوکھا  
پندھ پے گیا۔ زیو نسوئی جا رہی سی.....

اپنے وچ پچھوں بوٹاں دا کھڑاک آیا۔ رحمت بی بی راہ دین لئی لانیہے ہو  
گئی۔ نوہ سس وچ فاصلہ ہو رو دھ گیا۔ اوس زیو نوں لکڑ ماری.....  
"نی زیو!..... ذرا اجک نی..... راہ دے نی۔۔۔ کڑیے..... رحمت بی  
بی ویکھیا اوہدے کولوں لنگھن والے ترے پلے سن..... وردیاں پائیاں  
ہوئیاں، پیٹیاں بندوقاں ہتھال وچ..... ٹھک ٹھک کردے کولوں دی لنگھتے  
رحمت بی بی دا کلیجہ تر بھک گیا۔۔۔ بھانویں ہن اوہدے پتر وردی پالئی سی۔ پر  
اوہنوں ہمیشہ وردی والیاں کولوں ڈر لگدا سی..... اوس زیو نوں اک ہو رسد  
ماری.....

"او۔۔۔ نی زیو!..... تھوڑا راہ دے نی..... حاکماں نوں لنگھ لین  
دے....."

زیو ڈنڈی تو لہ کے پیلی وچ کھلو گئی..... اوس دوویں ہتھ گنڈھ نوں  
پائے ہوئے سن..... رحمت بی بی دیاں اکھاں نوہ تے لگیاں ہوئیاں سن.....

جیہدے بھٹک موہنہ نوں سورج دی لالی نے لالوالال کر چھڑیا سی..... تہ پتہ  
لگیا جد دو پلےیاں زیو دی بانہ پھڑلئی تے دھروندے جھلے پاسے دیاں پلےیاں  
وچ لے گئے۔ تیجے نے نسو آوندی رحمت بی بی نوں جھما مار لیا۔ نوہ سس  
دیاں گنڈھڑیاں کتے کھل کھل گئیاں۔۔۔۔ زیو دا خورے موہنہ نپ لیا سی  
اوہناں۔۔۔۔ کوئی واج کوئی کڑلاہٹ نہیں سی آئی..... کجے پاسے دی فصل وچ  
ڈگی رحمت بی بی رولا پاندی رہی.....

"وے..... وے منڈیا.....! وے میں تیری ماں ہار آں وے..... وے  
میں وی اک پلے پت دی ماں ہاں وے"

جد رحمت بی بی اٹھ کے اپنے لے لیرے سانبھدیاں آل دوالے نگاہ  
ماری اوس ویکھیا پئی ڈنڈی دے دوجے پاسے کوئی دس گوز دے فاصلے تے  
کنگ دی بھرویں فصل لمی پے چکی اے۔ تے او تھوں کتیاں ہار بھونکن تے  
بندیاں ہار سن دیاں واجاں آرہیاں نیں۔

"زیو!..... زیو" اوس چانگر ماری۔۔۔۔ کوئی اتر نہیں آیا..... سورج  
خورے کد دا ڈپکھیا سی۔۔۔۔ "زیو..... نی زیو" سداں نہیر وچ گواج  
گئیاں۔

ایس شام مگروں رحمت بی بی انج لگدا اے ہوش دی ڈنڈی توں لہ گئی  
اے..... ہر ایرے غیرے نوں عدالت تے سرکاری اہلکار سمجھدی ہوئی آکھدی  
اے.....

"سوہنہ رب دی میں جو آکھاں گی..... سچ آکھاں گی..... سچ دے سوا کج  
نہ آکھاں گی"

علم دین اوہدے موہنہ تے ہتھ رکھدا رہندا اے۔۔۔۔ شیر محمد وچ کیس  
دی پیروی کرن دا حوصلہ نہیں۔ زیو دے مرن دا ہرکھ اپنی تھاں۔۔۔۔ پر  
دوویں پو پترل کے نویں نوہ لیاون دے چکر وچ پھنس گئے نیں۔



گھربار دی سانجھ تے روٹی ٹکڑا آہر کرن لئی بندی تے ہووے۔ رحمت  
بی بی ایس جوگ نہیں۔  
دینیں راتیں ویلھی سو نہ دی سولی جھولدی اے۔

۱۹۹۲ء



کسے نوں کیہ.....؟

سیانے آکھ دے نیں۔

کنجھ سو ای جو غیر توں باہر ہووے

ایویں کنجھ کسے دی ذات نہیں۔

آپاں اشرفی دا رُوح کسے کنجھ دا سی۔ ختم دی تاثیر اوہدے وچ آئی نہیں  
سی۔ خورے ایس کر کے پئی آپاں اشرفی دے پو مولوی شریف الدین ہو راں  
مذہب دی اصل رُوح تے عمل کر دیاں ہو یاں اک چلدی پھردی زنانی نال نکاح  
کر لیا تے گھر والا بن گیا۔ اشرفی دی ماں ترے ورھے بڑے سلوک تے نگھے  
سبھا نال مولوی صاحب دے گھر وی..... رب سچے پہلا بال ”سلام“ اشرفی  
دے بھیجیا تے دوویں جی بہت شکر گزار ہوئے۔ بے کدھرے ”ماتارانی“ دی  
لھویٹ وچ ماں دھمی نہ آوندیاں تے مولوی شریف الدین دی دنیا کجھ ہو ر  
ہوندی۔ رانی ماتا..... اشرفی نوں اک اکھوں بجل کر کے چھڈ گئی تے اشرفی دی  
ماں نوں لے گئی۔ اوس ویلے اشرفی مر کے دو ورھیاں دی ہووے گی۔ مولوی  
ہو راں تے ذمے داری دادو ہتھڑو جاتے اوہ بوندل جیسے گئے۔

بلو آں جیہی کڑی، گر ہستی تے مسیت، اوہ ایہناں بتاں دے حق جوب  
پورا کرن دا چارہ کر دے..... اوہ تے اللہ دا شکر اے پئی روٹی کپڑا محلے دے  
مذہبی پردھاناں متھیا ہو یا سی..... انج اشرفی مولوی صاحب دی نیک تے شدھ  
کمائی تے پل کے جوان ہوئی۔

مولوی شریف الدین اک دن لئی وی دُوبے ویاہ دا نہ سوچیا جے کوئی  
آکھ اوئی تے اوہ پکے پیریں اتر دیندے.....

”وکیہ لیا جے اگے والا پتن..... بس.....“

آکھن والے ایتھوں تائیں آکھ دیندے پئی!



”مولوی جی! شیس سنت رسولؐ توں منکر ہو رہے او۔“

”ایہہ معاملہ..... میرا تے میرے رسولؐ دا اے..... اوہ معاف کرے یا چھڑے..... پر متریناں توں مینوں ڈاڈھا ڈر لگدا اے..... دھی دا دھن..... مترینی ہتھوں وراں نہ ہو جائے۔ مینوں خوف آوندا اے“ ایہہ خورے مولوی صاحب دا ہڈ ورتیا تجربا سی۔

انج رب نے بندے دی حیاتی نوں اک اجیہی گڈی اتے چاڑھیا اے جیہدے دو پہنئے لازمی نیں۔ اک سپاہیہ جاوے یاں بھج ٹٹ جاوے دو جا پہیا چاڑھن دی کھل ہر مذہب تے معاشرے وچ موجود اے۔ دوجے پہیے لئی بعضے لوک ہر ویلے تیار بیٹھے ہوندے نیں۔ ایہدھر ٹٹا اودھر نواں چاڑھیا تے بعض تیار ہوندیاں ہواندیاں چر لاوندے نیں کجھ ایسے وی نیں۔ جیہڑے حیاتی نوں ولیتی بگھی وانگ کئی کئی پہیے لاوندے نیں آئے دن اولاد بدلی وی ہندی رہندی اے..... کوئی جائز کوئی ناجائز..... کجھ مولوی شریف الدین ورگے وی نیں جیہڑے اکو پہیے نال کچھن دا چارا کر دے رہندے نیں تے ایس طرحاں توازن والی ترٹی چنگی بھلی چوڑ ہو جاندی اے۔

مولوی صاحب لئی دھی دا جیوندے رہ جانا مُعجزے نالوں گھٹ نہیں سی۔ اوہ کرن ہار سبھ کجھ بنا کے ڈھا سکدا اے۔ بگڑے نگڑیاں نوں بنا سکدا اے۔ اشرفی شکل مُہاندرا ونجا کے جیوندی رہ گئی تے ایہہ اوس دی بے پروائی اے ناں۔ رب نصیب نیک کرے شکلاں وچ کیہ پیا اے..... مولوی صاحب اپنی لاڈونوں ویکھ ویکھ جیوندے۔

اشرفی پڑھنا لکھنا یاں کوئی ہنر سکھنا چاہندی تے اوہدے کول بڑا ویلہ تے موقع سی پر خورے پیو دے لاڈ پیار یاں اوہدے دماغ نوں وی ماتا رانی مار گئی سی پئی اوہ پڑھن پاسے آوندی ای نہیں سی۔ مولوی صاحب لا زور رہے پر اشرفی قرآن ناظرہ توں اگانہ نہ ودھی۔ ہاں کجھ شوق اُچیچے سن۔ کھان نالوں ودھ پان دا تے پان نالوں ودھ کھان دا۔ سیلیاں بلانیاں نوں گھر بلان دا

تے پیو توں چوری بُو ہے بُو ہے پھرن دا۔ مولوی صاحب سیلیاں نوں گھر آوں توں ہنگدے نہیں سن۔ کلی تے و بھلی اشرفی کڑیاں اوہدے نال رل کے جُڑے وچ چارے پھر کد کڑے لاوندیاں تے کھورو پاوندیاں۔ گڈیاں دے ویاہ عقیقے آئے دن ہوندے، بھت گنیاں رنت ر بھدیاں تے جو جی آوندا کر دیاں انج وی ات تے مت ازلی ویرناں نیں۔

فیر اشرفی نوں خورے کیہ ہویا، اوہ گڈیاں پٹولے چھڑ کے بُو ہے دیاں، بھیتاں نال لگی رہن لگ پئی۔ میت والی کندھ دی موری تھانی خورے کیہ ویکھدی رہندی۔ نہ کوئی پچھن والا تے نہ کوئی ہنگن والا۔

اک دیہاڑے تے حد ای ہو گئی۔ مولوی صاحب پوڑیاں چڑھ کے اوہدے پچھے آن کھلوتے پر اشرفی نوں پتا ای نہیں گیا۔ اوہناں ہولی جیہی کھنگورا ماریا تاں وی اشرفی نوں کوئی فرق نہ پیا۔ فیر اوہ ددھ دے کے تھلے اتر گئے۔ میت دے ویرھے وچ گلو پکھی واس ابے وی بوکے بھر بھر کے سقاوے نوں بھر رہیا سی آل دوالے توں بے خبر۔

گلو دا ناں پکھی واس مولوی صاحب نے ای رکھیا سی۔ کیوں جے گلو دا کوئی تھوہ ٹھکانا نہیں سی۔ اوہ بہتا چر میت وچ ڈیرا لائی رکھدا ساری دیہاڑی محنت مزدوری کیتی، تندور توں روٹی کھاوی، شامیں مستے آگئے۔ مولوی صاحب گلو نوں چنگا جانڈے سن۔ اوہ وی مولوی صاحب دے نکلے موٹے کم کر دیندا۔ راتیں جد پیو دھی روٹی کھان بیٹھے تاں مولوی صاحب گل چھیڑی۔

”اچھو..... دھیے! اک صلاح تے دے.....!“

صلاح.....؟ تے میں.....؟ میاں جی!“ اشرفی حیران ہو کے پچھیا۔

”آخو، آہندے نیں پئی فیصلا کرن تو پہلے ہو ر کوئی نہ لیجھے تے کندھ توں کچھ لئو..... توں تے میری دھی ایں“

”پچھو!.....“

”میں آہناں آں بیٹی..... پئی ہن ویلا آگیا اے..... یاں میں تیرا ویاہ کر



چھڑاں یاں اپنا کراواں۔“

”سچ میاں جی“ اشرفی خوشی نال اچھل کے بہہ گئی۔ ”ماسی فیکان وی ایہو گل کھندی سی“

”کیہڑی گل کڑیئے.....؟“ مولوی صاحب دے لہجے وچ اشتیاق سی۔

ماسی آہندی سی..... پئی میاں جی نوں چاہیدا اے..... اش..... ر.....

اوہ گل تے برکی وچوں چھڑ کے سُکھندی سُکھندی اٹھ گئی۔ مولوی صاحب کئی دیر بڑاوندے رہے۔

”میں غلطی کیتی..... شرح وچ شرم کاہدی.....! گھروچ اک سیانی زنانی دی لوڑ ہمیشہ رہندی اے..... میں بھلیا۔“

اج توں مگروں اشرفی دی اکھ وچوں جیویں پانی دی اک پرت لہہ گئی۔ مولوی صاحب نوں انج لگدا جیویں بھدی ہووے۔

”کیوں میاں جی! دپر کاہدی اے.....؟ تے کیہ صلاح اے.....؟“

اک دن مولوی شریف الدین ہورال دی نوں فیصلہ شادتا۔

”اچھو!..... میں تیرا ویاہ گلو.....“ ککھی واس نال کر دیاں.....؟ اوہنوں گھر مل جاؤ مینوں پت مل جاؤ..... انج منڈا ہندڑ ہیڑاے۔ بھاویں دین وچ اوہدا من نہیں۔ طبیعتوں شریف اے، تھریا ہویا اے۔

”میاں جی.....؟ تیس اوہنوں ککھی واس کیوں سد دے او..... اوہ تے نلکے ٹھیک کر دا اے چنگا بھلا مستری اے.....۔“ مولوی صاحب دا جی کد کے مونہ ول آگیا۔

”تینوں کیوں پتا اے۔ اوہ نلکے ٹھیک کر دا اے؟“ مولوی صاحب پچھیا۔

اشرفی کھڑاک دینی ہی تے آکھیا۔

”میاں جی! میں کوئی بالڑی آں..... مینوں تے ایہہ وی پتا اے اوہدا

اصل ناں گلزار اے۔ تے گلو اوہدی ال اے۔“

مولوی صاحب سبج سبھا والے بندے سن۔ دھی دے مونہ تے مہاند رے توں ایذا جوش جذبا بھٹدا ویکھیا تے بھیتی فیصلے تے اپڑ گئے۔

”پنچھی اڈار ہو پکھیا اے“ اوہناں سمجھ لیا۔

بھتی اگر مگر جان دی لوڑ نہیں سمجھی۔ منڈا گھر جوانی بنن لئی تیار سی۔ مولوی ہوراں چار بندے کٹھے کینے تے اک شامیں اشرفی تے گلو نوں چونہ

کلمیاں دے کوٹھے وچ ہوڑ دتا..... انج مولوی ہوراں دی چتا تے دے داری گھٹ گئی۔ ہن اوہناں نوں ایہہ فکر نہیں سی پئی کڑی گھر کلی اے۔ اج

توں کھسم جانے تے اوہ جانے..... کانی کو بچی دھی بلے لگ گئی۔ خورے رب نوں مولوی صاحب دی تپیا تے صدق دی کیہڑی ادا چنگی لگی کہ کے نوں کہنا

سننا نہیں پیا۔ کماؤ پتر آپ ای چل کے آگیا۔ مولوی ہوریں پہلے نالوں ودھ عبادت کرن لگ پئے، بہتا ویلا مسینے اللہ اللہ کر دے رہندے۔

گلزار دی مولوی صاحب دی بڑی آدر کردا۔ کیہ ہویا جے اشرفی شکلوں سوہنی نہیں انج بھیری چا تر جاہدی سی، سگوں ویاہ دے مگروں اوس پہلاں

نالوں ودھ ہتھ پیر موکلے کر لے۔ گلزار نوں وی اپنی ودھئی تے اوہدے ماحول تے بڑا بھروسہ سی۔ اوہدا رتاں بارے اک نظریا سی جس دی بنیاد اوہدے اپنے

تجربے تے سی..... پئی بھتی سوہنی رن نوں ٹکا نہیں ہوندا۔

اصل وچ گلزار دی ماں ڈاڈھی سوہنی تے چنچل زنانی سی۔ جیہڑی آئے دن اپنے حسن دے چانن نال انھی ہو کے اڈھل جاندی۔ پیو وچارا اوہدا راہ

نکدا رہندا، گلو نوں ماں تے پیو دونواں توں نفرت سی۔ جدوں اوس کچھ ہوش سنبھالیا اوہ شہر آگیا تے پرت کے جان دا خیال دلوں کڈھ دتا۔ شہر دیاں میستاں

اوہدے پرانے ٹھکانے سن۔ جدوں کے مولوی دی اکھ میلی ویکھدا ٹکانا بدل لیندا۔ مولوی شریف الدین جیہا بندہ اوہنوں اج توڑی نہیں سی ٹکریا۔ جیہناں

اوہنوں پتر بنالیا۔ گلزار دی پوری کوشش رہنی پئی اوہ پتر بن کے دے۔ اوہنوں



ایہہ پکا یقین سی پئی سوہنی رن اندروں چڑیل ہوندی اے تے کو جھی اندروں  
خُور، گلو اشرفی دی ذات وچ حور بھالدا سی جیہدے سنجوگ نال اوس نوں گھر  
جیہ جنت مل گئی..... ویکھدیاں ویکھدیاں ایس جنت وچ چار خُوراں ہو  
آگیاں۔ گلو تے اشرفی دیاں دھیاں۔ سوہنیاں تے شیتل اوہناں ہو ہو پو دی  
شکل لئی سی۔ اتوں شر دے و سسے نے اوہناں دے روپ رنگ نوں چوکھا  
ستوار تے نکھار دتا۔

اشرفی..... اپنیاں دھیاں دی آپ استاد..... کسے گل توں ہکدی سی نہ  
ٹوکی سی۔ کڑیاں لگراں وانگ پھیتی پھیتی جوان ہو گیاں۔ کیہڑا فیشن سی  
جیہڑا اوہ نہ کر دیاں۔ کیہڑی تھاں سی جتھے اوہ نہ جاندیاں۔ گلزار دی کمائی چنگی  
بھلی سی۔ اشرفی دی عقل اوس کمائی نوں دل نال سانبھن جوگی ہوندی تے  
خورے کچھ بنا لیندی۔ مولوی صاحب کدے کدے دھی دے چالیاں ول ویکھ  
کے آکھدے۔

”مینوں تے لگدا اے پئی رانی ماتا کڑی دی صرف شکل ای نہیں ماری  
عقل وی بھل کر گئی اے..... اللہ خیر کرے..... اگوں دوہتریاں دی مت وی  
ماں تے گئی اے تے ہو ر خورے کدے کدے تے گئی اے.....“

جس گھائی دی اوٹ توں جن پُنگر دا اے اوس گھائی دی اوٹ دے  
واسیاں نوں چرکا نظر آوندا اے..... دراڑے کھڑے پہلاں ویکھ لیندے نیں۔  
کڑیاں دے چال چلن نوں ماپیاں نالوں ودھ دوجے جاندے نیں۔ اشرفی تے  
اوس دا گھر والا گلزار ایس گل تے کدے کٹھے نہیں سی ہوئے پئی کڑیاں دا  
دھن ساڈے معاشرے وچ ہالی وی کوزی کئی ہار اے۔ گلزار دھیاں دی چلت  
پھرت نوں ویکھدیاں جے کدے آکھدا.....

”اشرفی..... ایہناں نوں کوئی مت دیا کر“ تے اوہ چنک کے اگوں  
پیندی.....

”جیہڑے جھالے میں جھلے نیں ایہناں نوں نہیں جھلن دینے۔ رب نے

شکل مند بنائیاں نیں۔ میں ایہناں نوں ہنک ہنک ساڑنا نہیں“  
”ایہو تے دکھ اے..... پئی ایہناں دیاں شکلاں میرے تے تے عقل  
تیرے تے چلی گئی“ گلزار اک دن آکھ ای دتا۔

”دادی تے گئیاں نیں“ اشرفی سیپا کر دیاں آکھیا۔ گل آئی گئی ہو گئی پر  
سیالے دی اک راتیں..... عشاء دی نماز مگروں کچھ نمازی گھراں نوں جان دی  
بجائے مولوی صاحب دوالے بہہ گئے۔ ایہناں وچ کچھ چہرے ایسے وی سن  
جیہڑے ایس توں پہلاں کدے میت وچ نہیں سی دیکھے گئے۔ مولوی صاحب  
خوش ہو کے پچھیا.....

”کیوں.....؟ کوئی مسئلہ پچھنا اے۔۔۔۔۔؟“

”مسئلہ ای اے مولوی جی“

”پچھو..... پچھو!..... شراوندے کیوں اوہ..... شرح وچ شرم کاہدی“

”مولوی شریف الدین اوہناں نوں حوصلہ دتا تے اک نے گل چھوہی“

”مولوی جی!..... جوانی سبھ تے آوندی اے“

”آہو آوندی..... اے“ مولوی صاحب تصدیق کیتی۔

”تھاڈیاں دوہتریاں تے اچھی آئی اے۔۔۔۔۔“ دوجے نے سنگھ پاڑ کے

آکھیا تے مولوی صاحب دی دھون گھم گئی۔

”کیہ مطلب.....؟“

”محلے وچ تھر تھلیاں پا پھٹدیاں نیں..... منڈیاں والیاں نوں خطرہ پے گیا

اے“ ایہہ اک پُرانا نمازی سی اینا بڈھا جے مولوی ہو ریں آپ سن۔ اوہدے

متھے اُتے سجدیاں دا گوڑھا سادھا سی۔ اوہ مولوی دی اکھ وچ اکھ پا کے کہہ رہیا

سی۔

”مولوی جی!..... میں دس نمبریاں ساں..... تہانوں ویکھ کے تہانوں سُن

کے توباتیب ہو گیا آں..... تے..... فیر اوس نوں لحاظ مارے گل نہیں سی کرنی

آ رہی کہ کول بیٹھا اوہدا پتر جاجی تڑکے بولیا.....



”مکدی گل جی!..... تئیں مہربانی کر کے خُجرا خالی کر دیو..... مولیاں دا گھٹا نہیں۔ دہائی رب دی پئی جیہڑی تھاں توں ہدایت لینی سی اوتھے کنجر خانہ کھل گیا اے۔ تو وا تو وا۔“

”مولوی شریف الدین نوں اندازا ہویا پئی جس ویلے دا ڈر سی اوہ آگیا اے۔ اوہناں لوکاں نوں ایس وعدے نال رخصت کیتا پئی اگوں تو ایسا نہیں ہوئے گا۔

”گھر آکے دھی تے جوئی نال گل کیتی۔ جوئی اگے بھریا بیٹھاسی، پیندیاں ای بولیا۔

”میں تے آکھ آکھ تھک گیا..... جیہو جیہی ماں اوہو جیہاں دھیاں“

گلزار نے مکدی مکائی..... ایس تے اشرفی چکی گئی تے ورھی۔

”نہیں بی بولدا اے..... اپنے کھنڈے تے گیناں نیں۔ داوی تے گیناں نیں۔ شکلوں وی تے عقلوں وی۔ کلی میری ذمے داری نہیں تہاڈی وی اے“

”گلزار نوں چڑھ غصہ گیا..... اوس سوہرے ول مونہہ کر کے آکھیا۔

”ایہہ دیکھ لے بڈھیا!..... ایہہ تیری جائی اے تے ایہہ تیری پڑھائی اے“ ایسا آکھ کے گلزار کھڑا کھلوتا باہر نکل گیا تے مڑپتہ نہ دسیا پئی کتھے گیا، مرگیا یاں مار دتا گیا۔ مہینہ لنگھ گیا نہ کوئی اتانہ پتانہ سنیہانہ سندلیں۔

دھی دا گھر اُجڑن کر کے مولوی صاحب منجی نال لگ گئے تے فیر نہ اٹھے۔ لوکاں پنچاست کر کے نواں مولوی رکھ لیا۔ اٹھتیاں ورھیاں دی نیک کمائی وچوں اوہناں دے ہتھ جو آیا اوہ ایہہ سی۔

”جاؤ..... مولوی جی رب راکھا“

آپاں اشرفی!..... اوہنوں کوئی فرق نہیں پیا۔ تڑے موٹے پیو مر گیا۔ پھیر کیہ ہویا۔ سبھناں دے پیواں مرنا ہوندا اے۔ کھسم مڑ کے نہیں آیا۔ گئے تے موئے اک برابر، اوس شہروں باہر اک مکان کرائے تے لے

لیا..... چار دھیاں..... چار تھم..... چار لہاریاں..... وگدی نہر کے نوں کیہ۔  
لٹ لے موج بہاراں میلادوون دا۔

۱۹۹۲ء





## روگ او لڑے

”نی..... بابو.....! کُجھ خیال کر۔ تیرا پتر و سیم بڑا اوکھا ای نی۔ سوہرے گھر.....“ نواب بی بی نوں اوس دی بال پن دی سہیلی نے سمجھایا۔۔۔۔۔ ”نی دھی ہووے یا پتر“ جیہناں جنیاں اوہناں نوں بنیاں۔۔۔۔۔ توں تے بالاں وانگر روسا کیتا اے..... تے شریکاں وانگر آہڈالا بیٹھی ایں.....۔۔۔۔۔ اخیر اوہ تیریاں ای اندراں نیں۔ ڈاڈھا ماندا ای نی و سیم۔۔۔۔۔“

پر بابو دا غصہ ہولا نہیں سی ہو رہیا۔ اوس پھٹ دے کے اپنی سہیلی فاطمہ نوں اتر دینا مناسب خیال نہ کیتا۔

ٹھنڈے سبھا بولی۔ ”فاطمہ۔۔۔۔۔! جدوں اولاد مونہ لگن لگ پوے تاں اوہنوں اوہدے حال تے چھڈ دینا چاہیدا اے۔ و سیم آپ ریت نوں پٹھا گھیر دتا اے۔ میں تے نہیں، ہُن بھگت لوے تے آپ ای آجاوے..... ماٹواں پتراں لئی دل دے بوہے کج بند رکھ سکدیاں نیں۔ تے نالے کد تاں نیں..... نوںہواں نالوں ماس وکھ نہیں ہوندا۔ اوڑک آوے ای آوے۔“

وسیم ماں دا ہجلا پتر سی۔ ساریاں توں نکا۔ ریہاڑ نال گل مناوَن والا پرویاہ دے ماٹے وچ ماپیاں اوہدی اک نہیں سی منی۔ اوہناں آکھیا سی پئی ویاہ نسلاں دی، نیہہ رکھن والی گل ہوندی اے۔ و سیم جیہڑی کڑی پسند کیتی اے اک تاں عمروں وڈی دوجے کھلے ڈلھے لوکاں نال پورے لہنا اوکھا ہووے گا۔ پر و سیم نوں ویاہ دے چا وچ کوئی مت نہیں سی پوہندی۔ سیانے سچ آکھدے نیں پئی لگیاں نوں مت نہیں لگدی۔

سو و سیم آپے ای کر کرالیا۔ اوہدے پیکے گھرو لوں کوئی وی ویاہی وچ نہ بیٹھا۔ ہُن خبراں آرہیاں سن پئی اوہ اوکھا اے۔ بیمار اے۔ بابو دے کلجے نوں

رگ تاں پندے سن پر اوہ پیڑھی رہ کے پتر نوں دشا چاہندی سی۔ راہ پیا جانے یاں واہ جانے۔ ٹھوکر اں کھا کے عقل ٹکانے آجائے گی سو اوہ آکھدی۔ کُجھ چر مگروں و سیم دی ووہٹی شکیلہ سچ مچ اپنی آئی تے آگئی۔ و سیم نوں گھمٹیا جیہا آگیا۔ اوہنے ایہہ روپ تاں کدے سوچیا نہیں سی۔ جیہڑا شکیلہ اوہنوں وکھا دتا۔

”توں اوئے توں..... نکھو.....! کتھوں پلے پے گیا میرے..... میں کنے سوہنے سُفنے دیکھے سن۔۔۔۔۔“ و سیم اگے ہو کے بوہا ڈھو دتا۔۔۔۔۔ اوہنوں شکیلہ دے ایس وار دا ڈاڈھا دھکا وجیا۔ اوہ شکل دی سوہنی تے سبھا دی چنگی چا تر تے چالاک سی۔ ایہہ گھر اوس دا سی۔ محلہ تے محلے دار سارے اوس دے سن۔۔۔۔۔ بھین بھرا..... اماں پو شکیلہ دے سن۔ اوہ تے ایویں نیٹاں دے آکھے لگ کے ایہناں وچ آر لیا سی۔

جدوں شکیلہ اُچا اُچا بولدی تاں و سیم بوہے بھیر دا پھردا۔ اوہنوں ڈر لگدا سی پئی لوکیں کیہ آکھن گے۔ انج جد اوہ اپنا بھار بھتہ چک کے سوہرے گھر ٹر گیا سی تاں ماں بابو نے دل نوں ایہہ کہہ کے تسلی دتی سی، پئی پتر دا کیہ اے نہاتا دھوتا گھوڑا، جائے گاتے کُجھ کڑی والیاں دا جائے گا۔ انے ”ہاتھی پھرے گراں گراں تے جیہدا ہاتھی اوسدا ناں۔“

لوی عمرے بندے نوں صرف دو راہواں ای کھلیاں نظر آوندیاں نیں۔ سدھی تے پٹھی، وچ دی راہ ول جذبیاں دا ہڑھ ویکھن نہیں دیندا۔ و سیم شروع توں چنگا بھلا سمجھدار سی۔ پر سجری رُتے مرن دا چاوی دل دے کسے کھونجے وچ سنایا سی۔ اکھ کھلی تاں پیار، پڑھے لکھے پورے دے پورے و سیم نوں جھما مار لیا۔

اوہ شکیلہ دے چھوٹے بھرا دایا سی۔ نکلی عمر توں اوہ پرویز دے گھر آوندا جاندا سی۔ شکیلہ نوں اوہ باجی آہندا ہوندا سی..... شکیلہ اوہنوں سدھی بولدی رُدی پھر دی سدا چنگی لگدی۔ اوہدا ناں شکیلہ اوہدے تے بڑا ای سجدہ۔ گورا



رنگ، اچاقدتے بھرواں جُشہ، بڑی پیاری شخصیت سی شکیلہ وی اُتوں ہس ہس کے لہوری لہجے دی پنجابی بولدی.....

”گھرے اُتے چری بیٹھی رہو را ماڑیا اُر گئی“

کئی موہنی لگدی سی اوہ۔ اوہدے معصوم رویے نے عمر دی وتھ نوں پاٹ دتا۔ وسیم ہولی ہولی اوہناں دے گھر دا ہو کے رہ گیا اُنیاں ویہاں ورہیاں دا مُنڈا لکھ کھنڈا بنے، دنیا نوں سمجھن لئی ویلا چاہیدا اے۔ ٹھیڈے چاہیدے نیں۔ قلم کتاباں بندے نوں اونا پیڑھا نہیں کر سکدیاں جتا دھکے دھوڑے۔ پرویز دے گھر دا کھلا ماحول وسیم لئی بڑی کھچ رکھدا سی۔ پرویز دے گھر دے بندے ہر آئے نوں ”جی آیاں نوں“ آکھدے۔ اوہدے مقابلے وچ وسیم دے گھر اندر ادب آداب دیاں کئی کندھاں سن۔ رسم رواج دے بہوں اوہلے سن۔ پرویز دے گھر جیسی خرچ پٹھے دی ریل پیل وی نہیں سی۔ اوہ گھر وچ بڑے سنگڑے سنبھے جیسے رہندے۔ سوکھا ہتھ تے بالاں کدے ویکھیا ای نہیں سی۔ فیروی عبد الکریم ہو ریں اپنے آپ نوں پرویز دے گھر والیاں نالوں اچا تے عزت دار آکھدے سن۔ اوہناں نوں وسیم دا اوس گھر آنا جانا پسند نہیں سی۔ ڈُلہ ڈُلہ پینا مدبری نہیں بندہ ہولاتے ہو چھا لگدا اے، اوہ آکھدے۔

اصل وچ عبد الکریم ہو ریں پرانیاں قدراں دے بندے سن۔ اوہناں ساری حیاتی کے سرکاری محکمے وچ کلرکی کیتی۔ کلرکی توں سپرنٹینڈنٹی تائیں وی اپڑ گئے پر رہے سادے دے سادے۔ نوکری دوران اچیہیاں سیٹاں وی لبھیاں جیہناں توں دوجیاں پشتاں تار لیںیاں نال لے لے سفارشی سرٹیفکیٹ تے ترقیاں وی لے لیتیاں۔ عبد الکریم ہو ریں اولاد نوں اپنی لیسہ تے لایا جیہڑی اج کل رکتے نہیں اپڑاوندی اوہناں دا سبق سی پئی دھیاں نوں نگھیاں ہونا چاہیدا اے۔ تے پُتران نوں آکھی دا اعتباری..... سو شکیلہ نوں قول دین گلیاں وسیم کول ایہو سبق سی۔ اوس ہنڈھی ہنڈھائی شکیلہ نوں گل لاون وچ دیر نہیں کیتی۔ کچھ چراں توں شکیلہ لئی رشتے آونے اُکے بند ہو گئے سن۔ اوہ گھر بیٹھی

وڈی ہوئی جا رہی سی۔ مایاں نوں اوہدے ویاہ دی چھیتی سی۔ وسیم اک چھوٹے چنے پرائیویٹ ادارے وچ نوکر ہو گیا۔ چُلھا چلدا رکھن دا آہرتاں بن گیا پر جیہناں بھر بھر کڑائیاں تگے کباب، پُھیاں تے نان کھاوے ہون اوہ سکے سکے چلھے چوٹے نوں مہنے مارن توں سنگدے نہیں۔ شکیلہ نک موہنہ وٹ کے بڑ بڑ کر دی، ماں اگے نکیتاں لاوندی۔ فیر ایہہ نکیتاں پیو بھراواں تائیں اپڑیاں گل کھل گئی۔ سس سالیاں تے انج ہر ویلے ٹوٹے لاناں نہیں سن بھکدیاں، دل دل آکھدیاں۔ ”وے ویر! خورے تینوں ہے کیہ.....؟ گوا چارہناں ایس ہر ویلے“

”چنگا کر بہالے تے پیڑے لے چرا۔ نہ پُترانہ۔ انج کم نہیں سرنا پچیا۔ ٹبر داری تے بڑی خواری۔ سوکھے ہتھ لئی آہرتاں کرنا پیندا ای اے۔“ سس سمجھاوندی خورے کیوں سارے وسیم نوں نکھٹو سمجھ رہے سن۔ فیر اک دیھاڑے تاں حد ای ہو گئی وڈے سالے ہو ری اچن چھیتی پھٹ پئے۔ ”بھاء جی..... تہانوں تے رب نے علم تے جوانی دے کے گوائی۔ ایہہ سُکا پڑھنا لکھنا وی کوئی کم ہويا۔ جواناں دے کڑن دا۔ ایہہ تے انج ہويا جیکر کوئی ہتھ پیر توڑ کے بہہ رہوے..... نہ جی ناں..... ایہہ کم جواناں نوں نہیں سجدے۔ کوئی ہتھ پلا ماڑو یاڑ..... کسے دے کم آو..... کسے توں کم لو..... کلی علم داڑی..... سدھڑاں دا سارہیگاوے..... ساڈے نال لگو..... فیر ڈیکھو نیلی چھتری والے دے کم۔ تئیں تلیم خرچو ہتھوں دتا تا ای کم آوندا اے۔ بھاء جی۔۔۔!“

سالے دی ایس تقریر دا وسیم نوں سلھ تاں لگا..... ہر ویلے شکیلہ دیاں گھوریاں چھیتے کر کے اوس اوڑک ایہہ فیصلہ کر لیا پئی اوہ کم کرنا چاہیدا اے جس توں بُتے خوش ہون، نہیں تاں رشتے محبتاں ٹٹ جانداں نیں۔ کھنچیا ویلا ہتھ نہیں آوندا۔ ویلے نوں نہ سمجھن والا بندہ ویلے ہتھ گرو پے جاندا اے۔ جیویں اوہ آپ مایاں دی گل نوں پچھانہ سٹ کے سوہرے گرو پے گیا۔ عشق پچھے غلامی ہُن وسیم نوں مہنگی لگن لگ پئی سی۔ شکیلہ دے کھلار نوں وسیم دی



کمانی دی لوڑ سی۔ جہنی تنخواہ اوہ مہینے مگروں لیا کے شکیلہ دی تلی تے رکھدا  
اونان تاں سوہرے گھر دے ایک ڈنگ دا خرچہ سی، تے جد شکیلہ دے وڈے  
بھراوی گلیں باتیں راہواں دیاں تاں اوہنوں فیصلے تے اپڑن لئی بہتی دیر نہیں  
لگی۔

”حوصلہ نہیں اے میرے وچ۔۔۔۔۔ جماند روڈ راکل آں“ اوہ ہر پھیرے  
شکیلہ نوں دسدا۔ ”میں خورے نمود آں۔۔۔۔۔“  
”تیں کم وچ پووگے تے آپ حوصلہ کھل جاوے گا۔ پہلاں انج ای  
ہوندا اے۔۔۔۔۔ ڈاہ پیا جانے یاں واہ پیا جانے۔۔۔۔۔ آپے ول آجائے گا۔“  
”واہ تے بڑے اوکھیاں نال پیا اے میرا۔“  
”کیہ متبل۔۔۔۔۔ میں سمجھی نہیں۔۔۔۔۔!“  
”متبل نہیں۔۔۔۔۔ مطلب۔۔۔۔۔ کچھ تے سکھ شکیلہ! بڑی سخت بڈھی ایں۔“  
شکیلہ بھانڑ بن گئی۔

”تے کیہ کڑاں میں۔۔۔۔۔؟ ہر گل وچ ٹوکا ٹاکی میڑا کسے پرھے ہوئے نال  
واہ پیندا۔“ اجیہے موقعے تے شکیلہ رون بہہ جاندی یاں اچی اچی بولدی۔ وسیم  
دیاں گلاں باتاں وچ جیہڑی تہذیب تے علم دی ملوک جیہی واشناسی، اوہنوں  
بہتا کھا کے سوں رہن والی شکیلہ نہیں سمجھ سکدی سی۔ اُنوں رب اُپر تھلے دو  
کڑیاں دے دیتاں۔ اوہ ہوری وی سمجھی پتی رہن لگ پئی۔

اوہناں دا آپس دا اِٹ کھڑکا انج ای مک سکدا سی۔ پئی اوہ اوہے پینڈے  
پے جاوے، جیہدے تے اوہدا سوہرا ٹیر ٹردا سی سو وسیم اپنی جھک نوں لاہ پاسے  
رکھیا تے دل نگڑا کر کے کماون لگ پیا۔

ہُن شکیلہ اوہدے تے بڑی خوش سی۔ چارے کنیاں بھر کے گھر مڑداتے  
سارے گھر وچ چہولرچ جاندے۔ اوہ کڈا چاہیا جا رہیا سی۔ ہُن تے اوہدی ماں  
وی بڑے چاء نال لوکاں نوں دسدی: ”مینوں پتہ سی۔۔۔۔۔ میرا پتر کھوٹا سکھ  
نہیں۔ کھرا اے کھرا۔۔۔۔۔ ہر تھاں چل سکدا اے۔۔۔۔۔ چلو جتھے رہوے خوش

رہوے۔“

اوہ ہر پھیرے مایاں ول تحفے تے ون پوٹیاں شیواں لے کے جانداتے ماں  
شکیلہ دے صدقے واری جاندی۔ ہُن ماں نوں دوواں دیاں عُمران دا فرق وی  
نہیں کھٹکدا سی۔ بھیناں بھرا سبھ اوس توں راضی سن۔ دماں نال سبھ دے ساہ  
سوکھے ہو جاندے نیں۔ وسیم نوں ایہہ گر سمجھن وچ چوکھی دیر لگی۔ تاں چونہ  
مہینیاں وچ اوس شکیلہ نوں دوہن سیٹ چوڑیاں کڑے تے ہو ر خورے کیٹری  
کیٹری ونک دے گھنے گھڑا دتے۔ کپڑے ستوا دیتے۔ بجلی نال چلن والیاں  
وستاں نال کوٹھڑی بھر گئی۔ ماپے، سوہرے، دوئے دھراں اوہدیاں صفتاں کر  
دیاں نہ تھکدیاں، سگوں وسیم نوں اوہناں ول ویکھ کے حیرانی ہوندی تے  
اوہناں لوکاں دے خلوص تے آکھن نوں جی کردا۔

”ہئی۔۔۔۔۔! مال تاں میں بنا رہیاں آں۔ تہاڈی خوشی دی مینوں سمجھ نہیں  
لگ رہی۔“ ایس گل دا جواب وسیم دی ماں تے پیوی اکو طرحاں دیندیاں۔  
”پیاریاں نوں پیسے وچ کھینڈ دیاں ویکھ کے خوش نہ ہوئے تے کیہ سٹر  
پئے۔“ ایس اُتر نال وسیم دی کچھ نہ کچھ تسلی ہو جاندی پئی خوشی پیار دی دلیل  
اے۔

چوتھے مہینے دے دسویں پھیرے تائیں اوہ چنگا تجربہ کار ہو چکیا سی۔ پاسے  
دے سونے دیاں پٹیاں لک بنھ کے کسٹم وچوں کلینر ہوناتے ہُن کوئی گل ای  
نہیں سی۔ اگوں اوہدے ساتھی سانجھ لیندے سن۔ اللہ اللہ خیر سلا۔ وسیم نوں  
اپنی عقل ورتن دی لوڑ نہیں سی۔ بس ویلے کویلے پھیرے دا آڈر آونداتے  
اوہنوں اوسے ویلے ٹرنا پیندا۔ ہو ر کوئی تنگی نہیں سی۔۔۔۔۔ آٹومٹک سٹم وانگ  
آپو سبھ کچھ ہو جاندے۔

پراج دی رات اچرج ہوئی۔ کوئی وی لین نہیں آیا۔ ایئر پورٹ تے وسیم  
نوں اچا ہنگی لگ گئی۔ اوس اپنا بیگ پھڑپھا، باہر وی کوئی نہیں سی۔ اوہ بھارے  
بھارے پیریں ہولی ہولی ٹیکسی سٹینڈ ول پھڑپھا۔ لیدھر اودھر نظر ماری، تہدے کسے







آگیا۔ وسیم کئی دیر لما پیا چھت تے لگے ہوئے جالیاں ول ویہندا رہیا۔ کس نے آہلکس نال اوہدے ول تھکدیاں ہویاں آکھیا۔  
 ”فیر میں چلاں۔۔۔؟ اویرا ہوندا پیا اے۔ آکے کئی کم دھندے کرنے نہیں۔“

”ماسی مینوں جا پدا اے، پئی میری ماں مینوں معاف نہیں کیتا۔ دلوں معاف نہیں کیتا۔ توں جا کے کیہ کریں گی۔ میرا روگ اولا اے۔ ماں کیہ کرے گی۔“

”وے منڈیا لوکیں اُدھل گئیاں دھیاں نوں معاف کر دیندے نہیں توں تے پتر ایں۔ تیرا کیہ وگڑیا۔۔۔۔۔ وگڑیا تے ساڈا۔۔۔۔۔ لیکھ سڑے تے ساڈی دھی دے۔۔۔۔۔“ کس دیاں بھیاں نکل گئیاں۔

اپنے وچ شکیلہ وی کدھروں اڈ دی اڈ دی آتھی۔ اوس آوندیاں ای گل ٹک دتی۔ ”امی جی! شیس کاہنوں کھدے اوپے۔ ایہہ مویا جیوندا اک بڑو بڑائے۔۔۔۔۔ میں تے مڑدے نال کلام کڑنا ای چھڑ چھریا اے۔ ایس نوں ہُن رُن دی نہیں۔۔۔۔۔ ماں دی لور اے۔۔۔۔۔ ماں نے پڑت کے ساڑ نہیں لئی۔۔۔۔۔ چلو اٹھو ایتھوں۔۔۔۔۔ ایویں خواجواہ ترفن دافیدا۔۔۔۔۔؟“

ماں دھی اگڑ پچھڑ کمرے چوں باہر نکل گئیاں۔۔۔۔۔  
 دو جے دن نوں کوو جے نال جدوں شاہد و جمدارنی صفائی لئی وسیم دے کمرے وچ آئی تاں وسیم اپنے منجے تے نہیں سی اوس غسل خانے وچ جھات پائی ایدھر اودھر کھو نجیاں وچ ویکھیا۔ ”بھاء ہو ریں کتھے گئے۔۔۔۔۔ باجی؟“ شاہد نوں حیرانی سی بنی دونہ مہینیاں توں منجی ملی پیا بندہ اکبارگی کتھے رُگیا۔۔۔۔۔؟

”ا تھتے ای ہونا ای کدھرے نامراد۔۔۔۔۔“ ایہہ اُتر سس ولوں آیا سی۔ شاہد و روز وانگ بسترا جھاڑن لگی تے اک رُقعہ تھلے ڈگ پیا۔۔۔۔۔ جیہنوں پھیتی نال کھول کے اوس چے کر کے پڑھن دا چارا کیتا۔ لکھیا سی۔

شکلیہ۔۔۔۔۔!

اج توں، توں میرے دلوں آزاد ایں۔۔۔۔۔ طلاق دینا آں۔۔۔۔۔ طلاق دینا آں۔۔۔۔۔  
 طلاق دینا آں۔۔۔۔۔ طلاق۔ دنیا تے کوئی نویں گل نہیں۔۔۔۔۔ پر مینوں اپنے فیصلے تے پہنچن لئی چر لگا۔۔۔۔۔ توں۔۔۔۔۔ میں، دکھو دکھ تے اوسے دیہاڑ ای ہو گئے ساں جدوں اساں راک دو جے نوں سمجھن دی کوشش شروع کیتی۔ میں ماں کول وی نہیں جاواں گا۔ آہلنے ڈگے بوٹ نوں ماں وی نہیں پچھانا۔ میں اپنے آپ نوں آپ پچھاناں گا۔ خود توں آپ لہاں گا۔۔۔۔۔ بھارب راکھا۔۔۔۔۔

دعاواں نال

دونہ بالڑیاں دا پیو

وسیم

۱۳ مئی ۱۹۸۴ء

رُقعے نوں جیوں پہلاں تھواں گئیاں ہوئیاں سن۔ شاہد و رنج ای لائیاں تے چُپ کر کے تکیے تھلے رکھ دتا۔ فیر پتاں صفائی کیتیاں بوہا ڈھو کے رُگئی۔

۱۹۹۱ء





## وتھ بھر کھلھ

آزادی کیہ اے؟ ایہہ حقیقت اوس بندے تے نہیں کھلھ سکدی جیہڑا  
کدی قیدی نہ رہیا ہووے۔ قیدیا جیل کئی قسماں دی ہندی اے۔ بعضے ویلے  
چنگا بھلا کھلاڈلھا پھر دا بندادی اپنے آپ نوں قیدی سمجھدا اے تے اوہنوں ایہہ  
پتا نہیں لگدا پئی کج بندی خالے دے بوہے بھنے۔۔۔

میں تے تسلیم جدوں کٹھیاں بہندیاں آں تے ایہو جیہیاں کتھویاں  
گلاں کرنیاں آں۔ میرنی تے اوہدی سانجھ ایہہ کتھویاں گلاں ای نیں۔ رنج  
اسیں اک دوجی دے پارے کجھ نہیں جاندیاں۔ سانوں ایہہ نہیں پتا پئی میرے  
یاں اوہدے کئے بھین بھرا نیں۔ ناپیاں مویاں نوں کہنا کو چر ہويا اے۔ ویاہ  
ہوئے نیں تے کج دی نہ رہی اے۔۔۔ پتہ نہیں اسان دوداں دا میل کد ہويا  
اوہ مینوں جدوی ملدی اے ملک تے قوم دا سیاپا کردی ملدی اے تے پھیر  
اسیں رل کے سیاپا کری والے۔

”دیکھ۔۔۔ دیکھ تے سہی۔۔۔ کیہ ہو رہیا اے۔ میں آہنی آں پئی  
ایہناں بالکل جھکنا پٹ دینی اے۔۔۔“  
”تسلیم کرلا کے آہندی اے۔“

”ایہہ کج نکلے گی۔ رنج لگدا اے جیویں لٹ پئی ہوئی اے۔ ہر کوئی رگ  
تے کلاوے بھردا اے۔ ایس لٹ دا انت نہیں دسدا۔۔۔“

”اصل وچ پہلے دن توں بیڑیاں وچ وئے پئے گئے۔ نیتاں خراب۔۔۔  
ہور کیہ؟“ میں وی کرلان لگ پئی آں۔

جدوں میں تے تسلیم روپٹ کے ہو لیاں ہو رہندیاں آں تے اپنے آپ  
نوں سمجھان لگ پیندیاں آں کیوں جو ایہدے بنا چارا نہیں۔

”گل ایہہ دے تسلیم! پئی تیرے میرے سوچن نال کیہ ہو سکدا اے تے

نالے ساڈی ہستی کیہ اے۔۔۔ نہ بتاں وچ نہ تیراں وچ۔“ میں سمجھانی آں۔  
”آہو۔۔۔ جی دیر عمل نہ ہووے کوئی مڈھ نہیں بھدا۔ مڈھ نہ ہووے  
تے اُساں نہیں ہوندا۔۔۔“

تسلیم اودر کے اتر دیندی اے۔ پھیر اسیں اپنے اپنے دھندیاں ول لگ  
جانیاں آں۔

کیاں ورھیاں توں ساڈا ایہو ویہار اے ہن تائیں اسان کوئی عملی کم  
نہیں کیتا تے نہ ای تسلیم دے بقول ہن تائیں کسے اُفق توں کوئی فجر دا تارا ای  
نکلدا اے۔ جس نوں تسلیم چراں توں اڈیک رہی اے۔ میں تسلیم نوں ہمیش  
آہنی آں پئی نویں چن تارے تے بندیاں چاڑھنے ہوندے نیں تے جے بندے  
ایں جوگ نہ ہون تے پھیر اڈیک دی کیہ لوڑا اے، پر اوہ سدا افقاں ول  
ویکھدی رہندی اے۔

کجھ ویہاڑے پہلاں اک دن میں تسلیم ول گئی۔ ویکھیا تے اوہ اپنے لان  
وچ نکل رہی سی۔ شکر کیتا کہ اوہ مینوں گھر دے باہر مل گئی، نہیں تاں اوہدا  
کوئی پتہ نہیں کس ویلے کتھے ہووے۔ نوکاں دی اک وچ بھکدے رہن دا  
اوہنوں چاوی اے تے خورے لاہ وی۔

اوس ویلے اوہ کسے قیدی دی گھر والی نوں مل کے آئی سی تے بہت ہفی  
ہوئی لگ رہی سی۔ اکھاں دیاں جھمبیاں تے دھوڑ دی تہ، بلہ سکے، جیوں  
جمنماں دے ترہائے ہون اوس پیندیاں ای چھوہ دتی۔

”میں ثریا نوں ملن گئی ساں۔ وچاری نوں میں کدے کدے پچھ دس  
آندی آں۔ کڈی بہادر بڈھی اے۔ جدوں خاوند جیل گیا نکا اچے جھیا نہیں  
سی۔ ہن نکا دوجی وچ پڑھدا اے۔ اٹھ ورھے ہو گئے نیں، اندر ڈکے  
نوں۔۔۔ نہ کوئی داوند فریاد۔۔۔ ثریا داسرتے دھپے ای چٹا ہو گیا داڑھاں دند  
ہلن لگ پئے۔ اکھاں عینک منگدیاں نیں۔“ تسلیم اک لاگ بولدی گئی۔

”بندا پچھے پئی بیوی بچیاں دا کیہ قصور۔۔۔ قصور تے ثریا دے خاوند شاہد



وی نظر نہیں آوندا۔ ایویں بے حیثیت جیہا جوان جا پدا سی۔ اٹھ کو ورھے پہلاں ”آئے گا بھی آئے گا۔ جائے گا بھی جائے گا۔“ کردیاں پھڑیا گیتے اج پھٹدا اے۔ کسے نوں چھڑا ندا آپ پھڑیا گیا۔ بندہ کچھے پئی جلوس دے موہرے ہو کے نعرے مارن لئی وی ہستی چاہیدی اے، توں کیوں ایویں خواہ مخواہ پرائے پھٹے وچ پیر پھسایا۔“

میں تسلیم دیاں گلاں سُندی اوہدے چرے نوں پڑھدی رہی۔ اوہنے مینوں دیسیاں ثریا اک مزدور دی زنانی اے تے اوہ آپ وی مزدور اے۔ کسے فیکٹری وچ کم کر کے اپنی تے اپنے چونہ بالاں دی گزر اوقات کر رہی اے۔ اڈیکاں وچ جوانی مکاری رہی اے پر کیہ مجال بے کدے پیر تھڑکیا ہووے۔ ساڈے معاشرے وچ کلی عورت لئی ویلا کٹن ڈاڈھا اوکھا ہوندا اے۔ دھن ثریا دا حوصلہ۔

گلاں کردیاں میں تے تسلیم لان وچ ڈٹھیاں ہوئیاں کرسیاں تے بہر گئیاں۔ اوہ پھیتی نال اندر جا کے پھلاں دی ٹوکری چک لیائی۔ اوس کیسر رنگا جاپانی پھل کٹ کے پلیٹ وچ سجا دتا۔ کیلا ادھا چھل کے میرے ہتھ پھڑا دتا۔ اسیں دوویں جنیاں پھل کھاندیاں لان دی رنگھی دھپ وچ بیٹھیاں اج صرف ثریا دے حال تے کلپدیاں رہیاں۔ ثریا گھٹ پڑھی لکھی، بے داد تے بے واج زنانی۔۔۔ اسیں اوہدے لئی کچھ کرنا چاہیے وی تے نہیں کر سکدیاں کیوں جو اوہدا بندہ سیاسی قیدی اے تے اسیں دونوں گورنمنٹ دیاں نوکر۔۔۔ ان پانی ہر جیوندے جی نوں چاہیدا اے۔

ہاں۔۔۔۔ میں ایسہ دشنا تے بھل ای گئی پئی تسلیم نے ون پونے پیار پالے ہوئے نیں۔ بندیاں توں بعد جیہا پیار پچدا اے اوہ کتیاں بلیاں تے خرچ کر دی اے۔ اوہنے اک چٹا دڈھ سینیٹل رکھیا ہويا اے، جیہنوں اوہ پرل پرل آہندی پھکدی نہیں۔ پرل دے چوری ہون دا خطرہ وی ہر ویلے رہندا اے۔ پرل سچ سچ پرل ای اے، موتی وانگر چمکدی جت۔ اوہ ہر آندے جانڈے دے

پیراں نوں سنگھ سنگھ کے کلول کرداتے لوٹ پوٹ ہوندا اے۔ بڑا ماڈل PET اے۔ تسلیم بلی دا اک کالا بھور بلوگٹڑا وی رکھیا ہويا اے۔ جیہنوں کسیدی کسیدی گودی وچ بہن دا چاچڑھیا رہندا اے۔ ایس بلوگٹڑے نوں کوئی کچھے نہ کچھے، اوہ میاؤں میاؤں کردا لال لال اکھاں نال آپ پھٹن لگ پیندا اے۔

”کیوں۔۔۔۔ تئیں مینوں پھٹدے کیوں نہیں۔ ایس لئی پئی میں کالا آں؟“ تسلیم نے بلوگٹڑے دا ناں وی کالو رکھیا ہويا اے۔

تسلیم دے مقابلے وچ میرے کول ایٹا فالتو پیار نہیں جس نوں میں پالتو جانوراں تے لٹا سکاں۔ سگوں بندیاں لئی پورا نہیں کر سکدی۔ ایس لئی میں جد کے پالتو جانوراں والے گھر جانی آں تے ڈاڈھی اختا ہونی آں۔ میں ایسہ نہیں کر سکدی پئی۔

### “LOVE ME LOVE MY DOG”

میتھوں ایسہ نہیں ہو سکدا۔ پالتواں لئی میرا فوری رد عمل چنگا نہیں ہوندا۔

تسلیم نوں میری ایس عادت دا پتا اے۔ سواج اوس ہمیش دی طرحاں میرے گھر وڈیاں ای کالو بلوگٹڑے نوں پھڑیا۔ گرل تے جالی والے برانڈے وچ تاڑ کے باہروں کڈا مار دتا۔ پرل میرے رکھے سبھا توں مایوس ہو کے لان وچ اُگے درختاں بوٹیاں ول ٹر گیا تے ٹنگ چک چک کے موڈاں اتے موترن لگ پیا۔ میں پرل دی (Frustration) نوں تاڑدیاں ہوياں تسلیم دیاں گلاں سن رہی ساں کہ اپنے وچ کے کال بیل (Call Bell) وجائی۔ تسلیم پھیتی نال اٹھ کے چلی گئی تے میری نگاہ (Frustrated) پرل ولوں ہٹ کے گرل کچھے تڑے کالو ول جا پئی۔

کالو اک پل لئی چین وچ نہیں سی۔ اوہ بندی خانے وچوں باہر آن لئی انج ٹرف رہیا سی جیوں زندگی لئی ہتھ پیر مار رہیا ہووے۔ کدے پنہیاں پرے چڑھا چڑھا جالی دے اپر تائیں اپڑ جاندا تے ڈھے پیندا۔ کدے ادھ وچالے



جا کے تھو تھنی جالی اُتے رگڑا تے پھیر ٹھننے آڈگدا۔ کدے سجے پاسے نندا  
تے سنگھدا تے کدے کھجے پاسے ہتھ ماردا تے چیخدا۔ کدے بوہے دی تھلوں  
وتھ وچوں سارے دا سارا باہر آون دا جتن کردا۔۔۔ پھیر برانڈے دی دوجی  
کٹھے جا کے نویں سریوں نس بھیج شروع کر دیندا۔ اوہ ہولی ہولی رووی رہیا سی  
پر بوہے دی گرل تے بریک جالی۔۔۔ بوہے دے باہر وجیا لوہے دا کنڈا اک ننگے  
بلو نگرے توں کھلے نہیں سن سکدے، پر کالو جان دی بازی تائیں جتن جتن  
سی۔۔۔ چڑھا سی ڈھیندا سی، نندا سی بھوندا سی۔ بجیوں کھجے تے کھیوں  
سجے۔ نس نس کے رونداسی تے اپنا آپ کھو ہندا سی۔

پھیر بلو نگرے دی وہی سٹھاں سٹراں مٹھاں دی سخت محنت تے کشمکش نال  
بہت تھک ٹٹ گئی تے میں دیکھیا پئی ہنیا ہویا کالو بوہے دے نال لگ کے بہہ  
گیا اے تے اوہنے اپنا لو بھریا پھٹل ہتھ بوہے دے وتھ وچوں باہر لکا دتا  
اے۔

باہر جتھے آزادی سی۔ مرضی دی کھلے سی۔ نگھی نرم دھپ تے پتیاں نال  
کھندی نروں واء سی۔

۱۹۸۹ء



## ہر دے وچ ترپڑاں

گولی وجدی تے گھگی نال ای پھڑک کے ڈگ پیندی، دوجا ساہ نہ لیندی،  
ایہہ پھٹ اوس نوں اوہدے نال اڈن والیاں لایا سی۔ اوتر جانے چپلاں کانواں  
ویر کمایا سی جیڑے اوہدے جیسے پکھو سن۔ نیلے امبراں تے سبک ہواواں نال  
ڈولن والے پیچھی اوہدے آہٹنے تے اوس دن توں اکھ رکھی بیٹھے سن جس دن  
اوس پہلا آندا وتا۔ اوہدی بلا توں..... اوہ سارے جگ ولوں نچت اپنے آہٹنے  
وچ بیٹھی آندے سی رہی سی، آل دوالے جو کجھ وی ہو رہیا سی اوہنوں  
کیہ۔۔۔؟

اپنے جنے دی گل چیتے رکھ کے اوس ارجن دے رکھ وچ آہٹنا پایا سی۔  
ارجن جیہدا دوجا ناں سکھ چین وی اے۔ اوہ جانندی سی پئی سکھ چین دا سنگھٹا  
رکھ اوہدی راکھی کرے گا۔ سریاں وانگوں کول کول پر دے پیتاں وچوں کے  
کاں چیل دی نگاہ نہیں لنگھ سکدی۔ اوہ ہنا کے دی بھیڑی اکھ پیاں آندیاں  
چوں بچے کڈھ لے گی۔ اوہدا آہٹنا چوں چوں دے ازلی گون نال بھر جائے گاتے  
جندوں اوہ وڈے ہو کے گھگو گھو۔۔۔ گھگو گھو..... حق ہو، دا پریم الاپ کریا  
کرن گے تے اوہنوں ایہہ سپہان نہیں ہو سکنی پئی ایہہ امر گون میرے جائے گا  
رہے نیں۔۔۔ یاں کے ہو ر گھگی دے۔ اصل وچ ساریاں گھگیاں، اکو ای لے  
وچ اک سنیہا گاوندیاں نیں۔ مڈھلی سچائی دا گون..... امن، صلح تے پیار دا  
گون، حق ہو۔ حق ہو۔

بلی دے ڈرتوں اوس پتلی چھمک دے ہرے کول کر کے آہٹنا بنایا سی.....  
اپنے تے جاتکاں دے بچا دا کوئی بندوبست نہیں سی چھڈیا..... سکھ چین دی  
چھاٹویں انساناں دے ننگے ننگے بال سکولوں پرت کے چنگا رولا رپا کردے.....  
گھگی نوں ایہہ بال اپنیاں ون پونیاں کھیڈاں کھیڈ دے بڑے پیارے



لگدے..... اوہدے ہر دے وچوں سیساں نکلدیاں..... نیاٹے وی گھگی نوں  
آہلنے وچ آوندیاں جاندیاں ویکھ کے ڈاڈھے خوش ہوندے۔

ایہ نیاٹے اوہنوں تے اوہدے جنے نوں چراں توں پچھاندے سن۔ جدوں  
اوہ دوئے جی نیلے آسماناں وچ سبک اڑاریاں مار دے سن۔ بال تیکدے سن۔ جد  
شام ویلے سارے دن دی کلفت دُور کرن لئی دوویں جنے اُچے سفیدے دیاں  
پتلیاں شٹیاں تے بہہ کے پیسنگ دے ہلارے لیندے سن اوہ بریجھ نال  
ویکھدے تے اک دوجے نوں وکھاندے..... اک دن تے اک ملوک جیہی  
کڑی نے اچن چیت آکھیا.....

”ہائے..... کاش..... کاش!۔۔۔! میں گھگی ہندی۔“

”نہ پتر.....! رب نے تینوں اشرف المخلوقات وچ پیدا کیتا اے..... شکر  
کر.....“ ایہہ کڑی دا پیو سی جس دھی نوں کفران نعمت توں ہٹکیا..... ایہے وچ  
ساہنے کالج دی بلڈنگ وچوں کلاشن کوف دا فائر پر نالے وانگر کھل گیا، تڑتڑ،  
تڑتڑ، تڑتڑ..... تڑتڑ، تڑتڑ، تڑتڑ، پیو دھی نس کے کوٹھی دے اندر وڑ گئے۔  
گھگی تے اوہدا گھر والا وی اسماناں ول اڈ گئے..... ایہہ فائر اوہناں اُتے نہیں  
سی..... ایہہ تے سچے پاسیوں کھبے پاسے تے کھبے ولوں سچے پاسے گولیاں چل  
رہیاں سن۔ گولیاں کئی دیر مینہ وانگوں ورہدیاں رہیاں۔ کچھو امبراں تے اڈاؤ  
کے کاہلے پین لگ پئے۔ انھیرا ہوندا آوندا سی۔ سون بہن دا ویلا سی دھرتی  
ولے امن نہیں سی ہو رہیا..... ہودے تے کیہ ہووے.....؟ اج دی رات  
اوہ کیہڑے رکھ دی کیہڑی شنی دے ڈیرا لاؤن گے..... گھگیاں دے جوڑے  
نوں چتا لگ گئی۔ اڈیاں اڈیاں سکھ چین دا ہریا بھریا بوٹا نظریں پیا۔ دوویں  
جنے اگر پچھڑا ترے تے رکھ وچ لک کے بہہ گئے۔

زگھگی نے اپنی گھر والی نوں آکھیا۔

”بھاگوانیں..... ایسے رکھے آہلنا پائیں..... سوہنا ساوا رکھ اے لکویاں

گھٹاں والا۔“

گھگی نیندر بھنی واج وچ اتر دتا.....

”ہلا ہن سوں رہ..... رات چوکی ہو گئی اے۔“

”بھیلے لوکے.....! مینوں نیندر نہیں پے رہی..... دل نوں چتا جیہی اے  
..... خورے کیہ ہونا اے..... اک تے ایہہ گولیاں چلتوں بس نہیں  
ہوندیاں..... بندیاں دی مت نوں کیہ ہویا.....؟ دوویں پاسیوں لگے ہوئے  
نیں.....“

”سانوں کیہ.....؟ کھان کھماں نوں“ جٹی نوں سون دی پئی ہوئی سی۔  
نیندر سی کہ گھٹو گھٹ چڑھی آرہی سی.....

کچھ چر پچھوں اک وڈا دھماکہ ہویا۔ ”ڈھا.....“ رکھ بل گئے، کدھرے  
وڈا بم بھٹیا سی۔ رکھاں اُتے سارے جنور چیکاں مار دے انھے واہ اڈن  
لگ پئے..... اک دوجے نال کھندے..... ٹکراں مار دے خیرے وچ تھوہ  
لبھدے..... ہر شے کمبڈی لگدی سی..... خورے بھوچال آیا سی یاں قیامت  
سی..... لوکیں گھراں وچوں باہر آکے رولا پارہے سن۔ پھیر سڑک تے سائرین  
وجاوندیاں گڈیاں نن لگ پیاں۔ ”اودو..... اودو..... بڑی کھپ سی ہر  
پاسے گڈیاں تے بندیاں دی کراٹ رات ساری کے پکھو دی اکھ نہ لگن دتی۔  
تھگی ٹٹی گھگی وچاری کمبڈیاں اُونگھ دیاں اڈیک رہی سی۔ اپنے جنے نوں جیہدی  
نیڑے تیڑے کوئی آگہ نگہ نہیں سی۔ دھماکے مگروں جیہنوں جتھے تھاں لہمی ٹک  
گیا۔ قیامت دی گھڑی تے لنگھ گئی پر اپنے پچھے چیکاں تے وین چھڑ گئی۔ دلاں  
وچ ڈرنے ڈیرے لالے۔

رب رب کر کے تڑکا ہویا۔ باگی بانگ دتی۔ چڑحدے ول چٹائی کھنڈ  
گئی۔ رشتاں نے ہولی ہولی انھیرے نوں چٹ لیا۔ چڑی چڑنگ جھکن لگ  
پئے..... گھگی اپنے جنے دی بھال وچ الیدھر اودھر اڈی..... تاہیوں پتہ لگیا  
جے سکھ چین دے تھلے چھوٹے وڈے سبھے کھلوتے نیں۔ اک بال آکھ رہیا  
سی.....



”ابا..... فاختہ کا دھماکے سے ہارٹ فیل ہو گیا ہے۔“

”جھٹ! کا کے! وڈیاں وڈیاں گلاں نہ کریا کر“ کا کے دے پیو پیر نال  
گھگھی دے جنے دی لو تھ نوں ہلایا..... کا کے نے چھیتی نال پیو دا پیر پراں کر  
کے گھگی دے جنے دی لاش نوں چک لیا۔

”ابا..... میں سچ کہتا ہوں..... اس کا ہارٹ فیل ہوا ہے..... ورنہ رات  
کو نہ آندھی چلی..... نہ بارش ہوئی..... نہ سردی زیادہ ہے نہ گرمی.....“ کا کا  
اپنے آپ نوں..... 007..... توں چھوٹا جسوس نہیں سی سمجھدا!..... پیو گل  
ٹوکی۔

”اوئے آخو..... دہل کے مر گیا وچارا کچھو..... ہو رکیہ.....؟ بس دن  
پورے ہو گئے..... ایہنوں اودھر سٹ آ.....“ پیو نے پرانہ گھاہ بوٹیاں ول  
اشارہ کردیاں آکھیا۔

”نہیں..... میں اس کی قبر بناؤں گا۔“  
”کیوں.....؟“

”اس لیے..... اس لیے.....“ کا کے نوں وجہ دینی نہیں سی آرہی۔ اپنے  
وچ کا کے دی ماں کراوندی آگئی۔

اودے سرتے چادا پلاوی نہیں سی۔

”دیکھو تے سہی..... راتیں کنے بندے مر گئے نہیں بمب نال.....“ ماں  
دے ہتھ وچ اج دا اخبار سی۔ اوہ پڑھدی پڑھدی لگی آوندی سی۔ خوند کول آ  
کے کھلو گئی۔ کا کے نوں اپنی پئی ہوئی سی..... اوہ پیو نوں اپنے دل کھچ رہیا سی۔

”چلو..... چلو..... ابا..... فاختہ کی قبر کھودیں..... نہیں تو اس کو پلی نوچ  
لے گی..... چیونٹیاں کھا جائیں گی.....“

”کھانے دے یار.....“

پھیر پیو پتر رل کے لانبھے اک نکا جیہا ٹویا کھٹیا..... کا کے گھگی دے جنے  
دے مردے نوں ٹوئے وچ رکھ کے اُتے سکھ چین دے پتر پاوتے اُتے مٹی پا

کے ڈھیری جیہی بنا دتی۔ فیر پانی ترو نکدیاں آکھیا۔

”میں اس پر پودا بھی لگاؤں گا..... نرگس کا پودا لگاؤں گا۔“

”نرگس کا کیوں یار.....؟“ ابے پچھیا۔

”نرگس آنکھ ہوتی ہے نا.....!“ کا کے اتر دتا۔

”بال نوں بہت ذہین نہیں ہوتا چاہیدا۔“ پیو نے اختا ہو کے آکھیا.....

ہن سارا ٹیر اخبار دوالے سی.....

”باہر دی اک اندر آوڑی اے۔“ پیو رنج ہو کے گجیا ”اسیں اک نال

کھیڑ رہے آں.....“

”پٹھے پٹھے مسئلے پیدا ہو گئے نہیں۔ حرام موتاں مر رہی ہے دنیا۔“ بالاں

دی ماں چوکی پریشان سی.....

”اوہ تے شہادتاں آکھدے نہیں۔“ وڈی کڑی رائے دتی۔

”اوہ کون.....؟ کڑی ماں دی کل نہ گولی سگوں پیو نوں پچھیا۔

”انج مرن والیاں نوں اسیں کیٹرے کھاتے شال گے؟“

”مظلوم نہیں وچارے۔“ پیو دا پورا دھیان اخبار ول سی۔

”کیہ مظلوم دا کوئی درجہ نہیں.....؟“

”موت دے درجے مقرر کرنا مولویاں دا کم اے..... میں تے اک ماڑا

جیہا استاد آں۔“

”ہائے..... ہائے گکھ نہ رہوے ظالماں دا.....“ کا کے دی ماں اخبار وچ

پھسپیاں تصویراں دیکھ ویکھ کے کلیسی جاندی سی۔ کا کے نوں ہر کھ لگا ہویا سی پئی

دوجی گھگی دا کیہ بنے گا جیہڑی ہن کلی رہ گئی سی؟

کئی دیہاڑے لنگھ گئے۔ گھگی کلم کلیاں آہٹنے دے تیلے جوڑے۔ آہٹنے

ونوں نچنت ہو کے اوس آندے دتے تے فیر سین بہہ گئی.....

اک سویرے اوہ دا نا پانی کر کے پرتی تاں فیر تڑتڑ دانے بھجن لگ پئے۔

گولیاں اج چو فیروں ورہ رہیاں سن..... کالج دے منڈے، کڑیاں تے راہی



نس کے لک رہے سن۔ گھگی وی آہنا چھڑ کے اُڈ گئی۔ گولیاں دا میٹہ تھیا تے اوس ویکھیا پئی کاں چیلان اوہدے سکھ چین دوالے ہوئے ہوئے نیں..... اوہنوں اپنے آندیاں دی چتا ہوئی..... اوہ ڈھیم وانگوں کاٹواں چیلان وچ ڈگی۔ سارے اوہدے مگر پے گئے۔ کسے ٹھونگا مار کے اوہدے بازو وچ چھیک پا دتا۔ اوہ بھڑ ہو کے تھلے ڈگ پئی۔ کاں ہن وی اوہدے اُتے چکر لا رہے سن اوہ جان بچان لئی کول کھڑے بانساں دے بڑے وچ لک گئی۔ بڑے اندر کاں چیلان نہیں سن آ سکدے۔ بلی وی نہیں سی آ سکدی۔

گھگی شماں تائیں اوتھے بیٹھی رہی۔ باہر اچھک اچھک کے گولیاں چلدیاں رہیاں اوہنوں اوس ویلے دی اڈیک سی جد کاں چیلان آپو اپنے ٹکانے بہر جان..... بڑے چوں باہر نکلتا وی سوکھا نہیں سی..... بھڑ بازو وڈے کھنٹب کھل کے پکھا جیہا بن گیا سی..... پیڑ دیاں چھڑیاں ہر دے نوں تبت رہیاں سن.....

تکالاں ہوئیاں تے اک وارگی چپ چان ہو گیا تے تاہیں مینیں بانگی بانگ دتی.....

”اللہ ہو اکبر..... اللہ ہو اکبر“

گھگی ڈگدی ڈھیندی بڑے وچوں باہر آ گئی۔

خورے کا کے اوہنوں کجج ویکھ لیا۔ اوہ کوٹھی وچوں دہائی دیندا بھجا آیا.....

”ابا..... ابا..... دو سری فاختہ بھی مر رہی ہے۔“

”نہ جا..... نہ جا باہر نہ جانیٹا..... گولیاں چل رہی ہیں۔“ کسے اوہنوں باہر

آن توں ہٹکیا۔

کا کے گھگی نوں بک وچ لے لے کے پو لے پو لے بٹھیس پھیا.....

”میں اسے مرنے نہیں دوں گا..... نہیں مرنے دوں گا اسے۔“

کا کے دی باجی پھیتی نال پیالی وچ پانی لے آئی۔ گھگی دی چنچ کھول کے

ٹکھ وچ پانی پایا۔ فیر دوواں بھین بھرا رل کے بھڑ کھنٹب نوں اکو جیہا ٹکانے

کیتا۔ کوڑا تیل تے ہلد رگھول کے زخم تے لا کے پٹی بندھ دتی۔ راتیں اپنے کمرے وچ بٹھکی تھان ٹوکری بیٹھ ڈک دتا۔ چولاں دیاں کنیاں کھلار کے اک گٹھے پانی دی پیالی رکھ دتی۔

کاکا ادھی رات توڑی اٹھ اٹھ کے بیٹری بال بال گھگی نوں ویہندا رہیا۔ بیٹری دی ہر لاٹ تے گھگی اکھاں کھول دیندی۔ کا کے نوں تسلا ہو جاندی پئی سبھ ٹھیک اے۔

سویر ہون تائیں اوہ جیوندی جاگدی سی۔ کاکا سکول جان لگیاں گھگی نوں باہر لان وچ خالی پئے نکڑیاں دے وڈے پنجرے وچ ڈک گیا تاں جو اوہ کھلی ڈلھی پھر ٹر لوے۔ نالے دھپ دیاں کوسیاں ریشماں اوہدے دکھیا پنڈے نوں ٹکور کردیاں رہن۔

سکولوں پریتا تے پنجرہ خالی سی۔ کا کے دیاں اکھیاں وچ ہرکھ تے ہنجواں جھولا جیہا پھیر دتا.....

رکتھے گئی.....؟ کڈی رکن کھولی.....؟ اوس پنجرے دے چاروں بنے پھر کے کھوجیا..... پنجرہ ہر پاسیوں بند سی..... فیر اوس بانساں دے بڑے کول جا کے سد ماری ”شش..... شش“ گھگی ڈولدی ڈولدی باہر آ گئی۔ ہن اوہدے دوجے بازو وچوں لو سم رہیا سی تے اوہ بڑی اوکھی ٹردی سی..... کا کے فیر اوس نوں بک وچ لے لیا تے بھین نوں سدیا.....

”باجی..... باجی“ باجی پھیتی آ گئی۔

گھگی دا دوجا بازو چیرواں بھڑ سی۔ کا کے اک واری فیر دماغ دا ٹل لا کے پنجرے نوں ہر پاسیوں ویکھیا۔ اک تھان توں جالی چنگی موکلی سی۔ تاراں وچ پھسے کولے پراں نے شہادت دتی پئی گھگی ایسے دھروں نکلدی زخمی ہوئی اے۔ ہو ر کسے نہیں کیتی۔ کاہل وچ کا کے دا ایہدھر دھیان نہیں سی گیا۔

”آزاد پنچھی پنجرے وچ نہیں رہ سکدے۔ ویر۔“ باجی ہلد ر تیل دی پٹی کردیاں کا کے نوں دسیا۔



”فاختہ تے بالکل نہیں رہ سکدی قید وچ۔“

”کیوں؟“

”ایہرا دو جاناں آزادی اے کا کے۔“

”اچھا۔۔۔؟ جب اسے آرام آجائے گا۔ باجی تو میں آزادی کو آزاد کر

دوں گا۔“ کا جیران سی۔

”وعدہ۔۔۔۔ کا کے۔۔۔۔؟“ باجی کا کے توں پچھیا۔

”ہاں۔۔۔۔“ کا کے اکھاں چک کے بھین ول نکیدا۔

”پکا۔۔۔۔“ باجی بنگے ویر دیاں اکھاں وچ اتھرو ویکھ کے کمب گئی۔

”ہاں پکا۔۔۔۔“ کا کے سرتوں پیر تائیں ٹل لا کے اُتر دتا تے گھگی نوں

رات لئی ٹوکری تھلے ہوڑ دتا۔ اوہ بڑا دِ لکیر سی۔ اک ڈوہنگا اُدر یواں اوہدے

اندر باہر ہلوانے مار رہیا سی۔

اج دی رات خورے کیہ ہویا۔۔۔۔؟ کا کے نوں بڑی گوہری نیندر آئی۔

خورے ہٹل رات دا جگراتا سی یاں گھگی دے مڑ بھڑ ہون دا غم سی جے اوہ

ٹٹ بھج کے سوں رہیا۔

اگلی سویر۔۔۔۔۔ اکھ کھل دیاں سار اوس پہلا کم ٹوکری چکن دا کیتا۔ گھگی

موٹی پئی سی۔۔۔۔۔ پتہ نہیں کد دی۔۔۔۔۔؟

”آزادی مرگئی باجی۔“ کا کا چیک مار کے بھین ٹال چمبڑ گیا۔ ”آزادی مر

گئی۔ باجی۔“

”آزادی مرگئی۔“

کا کے دا رون و لکن تے چاگراں پوری کوٹھی وچ کھل گئیاں۔۔۔۔۔

انگریز ویلے دے ایس بنگلے دیاں اچیاں گنبدی چھتاں والے کمرے گونجن لگ

پئے۔

”آزادی مرگئی۔۔۔۔۔ آزادی مرگئی۔۔۔۔۔“

”کیہ ہویا۔۔۔۔۔؟ کیہ ہویا۔۔۔۔۔؟“

پیو ماں اُبووا ہے نئے آئے۔۔۔۔۔ سویرے سویرے کا کے دیاں کوکاں نے

گھر دے شیشے وانگ چپ ماحول نوں تریڑو تریڑو کر چھڑیا سی۔

اج اوہناں کا کے نوں سکول نہیں گھلیا۔۔۔۔۔ ایس لئی نہیں کہ گھگی مرگئی سی

تے نکا اُداس سی۔۔۔۔۔ ایس لئی پئی اج سڑک تے اگ ورھ رہی سی۔۔۔۔۔ فائرنگ

والے اگلے ہٹلے ریکارڈ ٹٹ رہے سن۔۔۔۔۔ گولی انھے واہ چل رہی سی۔

بچیوں کجے۔۔۔۔۔ تے کھیوں بچے۔۔۔۔۔

کھیوں بچے۔۔۔۔۔ تے بچیوں کجے۔۔۔۔۔





## سر دل

جدوں اوٹیاں دا اعتبار نہیں رہندا اودوں بندہ زمین تے اپنے پیریں کھلو  
کے چوہیرے نویں نگاہ ماردا اے۔ تدوں اوس تے حق تے سچ دے نویں بھیت  
کھلے نیں۔

پھیجاں دے اودریویں دا کوئی مُہاندرا نہیں سی بن رہیا پر اوہ ہے سی،  
ہردے وچ کوئی چا، کوئی سدھر، کوئی یاد سی، جیہڑی ہواڑھ وانگر رُکی نکلتی  
نوں راہ منگ رہی سی۔

چراں توں بیکے جان نہیں سی ہو رہیا۔ سوہرے گھر رہندیاں ورھے تے  
ورھے لنگھ رہے سن۔ جدوں دا رفیق باہر دے ملک وچ کماون کھٹن گیا سی،  
سوہرا پنڈ اکا سوہرا پنڈ ہو کے رہ گیا سی۔ اوہدے دل دے بُوہے باریاں وچوں  
آون جاون والے اک واری فیر بیکے پنڈ دے واسی سن۔ سکے، اوپرے، دُور  
دے نیڑے دے بھے ساک چیتے آوندے۔ دینیں راتیں جھولے پیندے۔ انج  
س پھیجاں نوں پیکے نالوں وی بُہتا پیار کرن لگ پئی سی۔ ہر ویلے صدقے  
واری جاندی۔ پر چھانویں وانگوں نال رہندی۔ ایسہ جاندیاں ہویاں پئی پھیجاں  
اُتے عمر دی شکل دوپہراے، اوہ بہندیاں اُٹھدیاں آکھدی۔

”دیکھیں وہی۔۔۔ اندر کلی نہ بیٹھیں۔“

”تے..... مہن گوہے کوڑے لئی تینوں باہر جان دی کیہ لوڑاے۔ رفیق  
نوں رنج ہوئے گا۔ میرا پتر درماں دیاں بوریاں گھلدا اے، توں رانی بن کے  
رہیا کر۔“

”بُہتا بروہاں وچ نہ کھلویا کر، دیکھنی پاکھنی ایں، نظر لگ جائے گی۔“

سساں اڈیاں چنگیاں ہو جاندیاں نیں، پھیجاں تے کیہ کوئی وی نوہ نہ نہیں  
سوچ سکدی۔ رفیق دے جان نال گھردی سیاست اچن چیتی بدل گئی سی۔ ہر

پاسا ٹھنڈا تے موکلا ہو گیا سی۔

پھیجاں کچھ چرتے چنگی موج لئی۔ فیر اوہدا جی او بھڑ گیا۔ کھلیاں کھیتاں  
باگاں وچ جان نوں رُوح تڑفن لگ پیا۔ گھردی و لگن سوڑی پین لگ پئی۔

سیانی سس پھیجاں نوں مایاں ول ایس توں نہیں سی گھل دی پئی میرے پتر  
دی کماٹی مایاں ول کھا ہنڈھا آوے گی، اُتوں مونہ چت لگنی اے.....  
خورے۔ خورے کوئی نواں پواڑا کھڑا ہو جائے..... نت گلاں سُننے آں، پئی باہر  
گیاں دیاں رناں پچھے یار پال لئے نیں۔ یاراں نوں مال کھواندیاں نیں تے عیش  
لُٹدیاں نیں۔ ایس لئی پھیجاں دی سس پھیجاں دی پوری راکھی کردی۔ راتیں  
اُٹھ اُٹھ منجا ٹوہندی تے پھیجاں تر بھگ کے پچھدی۔

”کیہ گل اے چاچی.....؟“

سس کول کئی گھرے گھڑائے جواب ہوندے۔

”مینوں لگا جیویں توں ماندی ایں۔ پاسے کیوں لیتی ایں ایسے.....؟“

”نیندر نہیں آوندی..... خورے کیوں۔۔۔؟“

”روز ای انج ہوندا اے؟“

”آہو روز ای انج ہوندا اے۔“ پھیجاں مگروں لاہن دی کالھ کردی۔

”پچھا۔۔۔! توں مینوں پہلاں کیوں نہ دسیا۔“

”ایویں۔۔۔“

”تے ایویں کیوں.....؟“

مائی نے مونہ وچ بڑبڑ کر کے کوئی کلام پڑھیا تے لی چھو نال پھوک  
ماری۔

”بھلکے میں تینوں ملاں کولوں تویت لیا دیاں گی فیر خیراں مہراں ہو جان  
گیاں۔“

”نہیں چاچی..... مینوں کچھ نہیں ہو یا..... میرا بے ہوراں نوں ملن  
نوں جی کردا اے۔ ماں وی بڑی یاد آوندی اے، چھوٹی بھین ماکھوتے ویر



فاروق، وڈا بھاتے بھائی تے نکا محتریا مانوں.....“  
مانوں تے آکے پھیجاں و لکن لگ پئی۔

”چاچی! میں حیران آں پئی ایسہ سارے جنے اپنے چیتے کیوں آون لگ پئے نیں۔ جدوں رفیق اتھے ہوندا سی، اودوں میرے دل وچ کوئی مہاندرا ایڈا کوڑھا نہیں سی، ہُن تے مینوں اپنی آپاں صغراں وی بہت یاد آوندی اے۔ اوہدیاں گلاں کنناں وچ گو نبھدیاں نیں..... کتنا علم اے اوہدے کول۔ آپا صغراں کیڈی بہادر بُڈھی اے۔ میں سیت پور جاتا اے چاچی، آپاں جی کولوں ہو رہت کچھ پچھنا اے.....“

نونہ دے مونہوں ایٹا سچ سُن کے سس سن ہو گئی۔ پل کو ابھی رہی، فیر ٹھنڈے سہا نال آکھیا۔

”بس..... گل مکی..... جے تیرے کچھڑ کوئی بال نیاٹا ہوندا تاں توں اوہدے موہ وچ رُجھ جاتا سی۔ ہُن کیہ ہووے، رفیق چندرے دی روزی رب سمندروں پار کھلاری اے..... ہلا..... توں بہتا سوچیا نہ کر، کڑیے..... آپاں انج کرے پئی تیرا چاچا تحصیلوں تریک بُھگت کے مڑ آوے تے آپاں لگیاں جاواں گیاں۔ تیرا پیکا پنڈ کیہڑا دُور اے۔ اک راتیں گڈی چڑھیے دوجی شامیں اپڑ جائی دا اے۔ پلے پیسے ہون تاں کوئی تھاں دُور نہیں۔ دووے جٹیاں بل ملا کے پرت آواں گیاں۔

”میں تے گھٹو گھٹ مہینہ رہواں گی۔“ پھیجاں فیر سچ بولیا۔

”مہینہ دن میں تے تیرے نال نہیں رہ سکدی، پھیجاں۔“

”چاچی!۔۔۔! توں مینوں چھڈ کے آجاوے۔ میں ماں نال رج کے گلاں کرنیاں نیں تے آپاں صغراں کولوں مسئلے پچھنے نیں۔ اوس نوں دین ایمان دا بہت پتہ اے!“

”لنو..... ہو رہ سُنو..... آپاں صغراں نمائی نال کیہ لاگا دیگا تے نالے اک گل یاد رکھ، دھیے، ویاہیاں وریاں کڑیاں بہتا چرے یکے گھر نہیں سوہندیاں، لوکی

گلاں کرن لگ پیندے نیں۔ نالے رفیق دا پیسہ دھیلا خط پتر تیرے نال آوندا اے۔ آگوں بنک وچ حساب کتاب وی تیرے نال ہويا۔ مُنڈے نوں ہتھیرا آکھیا پئی کڑی دے نال کتاب نہ کھلوا پر بھلا ہووے خیر..... تیرے گوچرے کئی کم ہو گئے نیں۔“

پھیجاں نچنت ہو کے پاسا موڑ لیا۔

اگلے دیہاڑے پیشی ویلے سچی مچی رفیق دی چٹھی تے ویسہ ہزار روپے دا بنک ڈرافٹ آگیا۔ پھیجاں نوں بیسیاں دے نال نال پیسے جان دی خوشی وی چڑھ گئی۔ چٹھی وچ اک گل ماڑی سی، رفیق چٹھی وچ پارسل دا سنبھاوتا سی۔

”ہُن پارسل اڈیکنا پئے گا۔ رب کرے پارسل پھیلتی آجاوے.....“  
نالے رب کرے ابا..... یاں ماں مینوں آپے لین آجان۔ سارے کم آپو آپ ہو جایا کرن تاں کنا سوکھلا ہو جاوے سبھ کچھ.....“

پھیجاں پنڈ دیاں پنج جھاتاں پڑھی ہوئی سی۔ تھوڑی بہت حرف شناس سی تے گزارے جوگا اکھر پتروں کر لیندی سی۔ حق ناحق دی پچھان کران وچ بہتا ہتھ اوہدی اُستانی صغراں بی بی دا سی۔

صغراں بی بی خوند مرن مگروں دوجا نکاح نہ کیتا تے دوہنہ بالاں نوں پالن لئی ڈسٹرکٹ کوٹ وچ استان گیری کر لئی۔ پھیجاں دے پو قادر بخش نے اپنے ڈنگراں دی پُرانی حویلی لپا پتا کے صغراں بی بی نوں نکا ناٹا دتا تے انج صغراں بی بی اوہناں دی گوانڈھن تے ہر ویلے دی سانجھن بن گئی۔ پھیجاں دی ماں قادر بخش دی ایس دریا دلی توں سڑی بھدی تے سسی متاں صغراں کے دن اوہدی سونکھ نہ بن جاوے پر اوہ اپنے آدمی دی طبیعت توں واقف سی۔ اوس دیہاڑے تے اوہ اکی بے فکری ہو گئی جس دیہاڑے قادر بخش بھری پرھیا وچ اُچے بلارے نال آکھیا۔

”میں جانتا آں پئی کئی لوک ایس پنڈ وچ سکول کھلن نہیں دیندے، متاں دھیاں بھیناں نوں دین ایمان دی مت نہ آجاوے..... صغراں بی بی.....“



ساڈیاں دھیاں بھیناں نوں مت دین آئی اے۔ ایہہ ساڈی وڈی دھی بھین اے، جیہڑا کوئی ایس نوں گل کرے گا، اوہدے نال میں نبڑاں گا۔“

پھیجاں دے پو قادر بخش توں سارا پنڈ تر بھکدا سی، کیوں جو اوہ پرھیا وچ کھڑا سبھ توں وکھرا نظر آوندا سی..... اُچا لہا..... گٹڑا، وچ گج کے گل کرن والا۔ پنڈ دے وڈ وڈیرے تے نمبردار اوہدا چنگا آدر کردے سن۔ کھری تے کھلون والا بندہ طبیعت دا کبا ہوندا اے۔

انج صفراں بی بی وی ر جھی گلی ہوئی ٹھنڈے پنڈے دی زنانی سی۔ اوس پھیجاں تے ہو ر کڑیاں نوں اوہو مت دتی جیہدی سدھی پدھری عام زندگی لئی لوڑ ہوندی اے۔

”جر کے رہنا چاہیدا اے..... کر کے کھانا چاہیدا اے۔ دھیاں بھیناں جدوں مایاں دی سردل ٹپ لین، اوہناں لئی ہیکے پنڈ دے پنڈے مک جاندے نیں۔ سوہرے گھردی سردل سر رکھن لئی ہوندی اے، الا نگھن لئی نہیں۔ فیر حق کیہ اے، ناحق کیہ اے۔۔۔ حق دی ایہہ کدوں کمزور پینا شروع ہوندی اے، فرض نوں چاہیدا اے پئی اوہ حق توں ڈھاہ لوے۔۔۔“

ایسے طرح دیاں اسارو گلاں صفراں بی بی دا علم سی تے ایہناں گلاں تے اوہ عمل کردی سی۔

ہُن پھیجاں آپا صفراں کولوں ایہہ وی پچھنا چاہوندی سی۔۔۔

”کیہ میرے دوالے فرض دی ایہہ لگ گئی اے؟ جے میں ایہہ ایہہ الا نگھ لئی تاں سیتا وانگ راندی جاواں گی..... تے جے راون تے رام میری روایت نہیں تاں ایہہ ایہہ وی میرے مگروں لاہ دیو..... میری وڈی تے بی بی خدیجہ اے۔ بی بی خدیجہ..... بی بی خدیجہ..... بی بی خدیجہ۔“

ایہہ سوچدیاں ہویاں اوس کس ولوں کنڈ موڑ لئی سی، بی بی خدیجہ دے نال نال اوہدا خیال اکو اڈاری وچ نبی رسول تائیں جا پڑیا۔ اوس اپنے ہمتاں دے پنچے جم کے متھے نال لائے، محبت عقیدت تے احترام نال اوس نوں کمبختی

چھڑ گئی۔ جیہدے وچ ڈر خوف تے پیار وی شامل سن۔ اوہ بڑ بڑائی..... ”نبی جی..... مینوں معاف کرنا، میں بندی گنہگار آں پر تہاڈی اُمتن آں۔“

س نے اوس نوں ٹوہ کے پچھیا۔

”پھیجاں۔۔۔! کڑے سوں گئی ایں۔۔۔؟“

”آہو چاچی۔۔۔“

”آہو چاچی دی کچھ لگدی، مچل مار کے پئی ایں..... آہندی اے ستی آں.....“ چاچی دی واج وچ طنزی۔

”کدے ستا بندہ وی بولدا اے.....!“

”جاگو مٹی آں۔“

”گھر جان نوں جی کر دا اے۔“

”تے ایہہ گھر کس دا اے؟“ سس کھجور دی پکھی دا کھلا ہتھ ماریا۔ پھیجاں، سس دے سوال دا کوئی اتر نہ دتا۔ فیر آکھیا۔

”ہاں..... میں بھلی..... ہُن تاں سون دا مہینہ چڑھن والا اے، اج ہاڑھ دی خورے کیہ تریک اے..... تے اج بھلکے بوری سون والی اے..... اوہدے مگر کلیان..... اگر پچھڑ..... اللہ کرے کتیاں دین..... چاچی..... میں رفیق نوں لکھ گھلیا اے پئی آوندا ہويا بجلی دی مدھانی لئی آویں..... چنگا کیتا نا چاچی۔۔۔؟ تے نالے ہُن دے پھیرے سانوں بجلی لوا کے دے جاوے۔ بجلی تاں مردین دے یوب ویل تائیں اپڑ وی گئی اے۔ بجلی آگئی تاں پکھاوی لے لواں گے۔ رگلا ٹیلی ویژن وی تکاں گے، پھیجاں ایویں ڈیاں وچ بند پینیاں سڑدیاں نیں۔“

سس دا خورے ڈھونکا لگ گیا سی، نوہہ سس دوواں ہُنے ہُنے ڈھارے تھلے منجیاں کیتیاں سن۔ باہر ساون دے کچھ والی ہرٹی رات ٹاویں ٹاویں ورہ رہی سی۔

فیر..... فیر سون لگ پیا..... مجھاں سو پینیاں، بوہلی، دڈھ تے کھیر وی عام



ہوئی۔ کوٹھے چون لگ پئے۔ چکڑ ہون لگ پئے۔ تیاں پے گئیاں..... ماپے دھیاں نوں ہیکے لیاون لگ پئے۔ پنڈاں تھانواں دے لوکاں دے ایہناں دنال وچ چاء تے کم ودھ جاندے نیں۔

پھیجاں لئی ایہہ سون دا پتہ نہیں کنواں سماں سی۔۔۔ ایہناں سمیاں وچ اوہ ایویں جیویں کھڑی کھڑی پھردی ہیکے وی پھیرے لا آئی سی۔ بہتے دن رہن دا چا اچے لتھا نہیں سی تے رفیق وی مڑ پھیرا نہیں سی پایا۔

اوڑک اک دیھاڑے..... خورے کدھروں سورج چڑھیا کہ ابا پھیجاں نوں آپ ای لین آگیا۔ اوہ ابے دے گل لگ کے بڑا روئی۔ اپنا پئی گھگھی بجھ گئی۔ مونہوں گل نہیں سی نکلدی تے پتہ نہیں سی لگ رہیا..... کیوں۔

ابے نے پیوواں والا سوال کیتا۔

”کیوں..... میری دھی اتھے سکھی نہیں۔۔۔؟“

”ابا!..... میں اتھے اپنی سکھی آں..... اپنی سکھی آں پئی رون دا ویلہ نہیں لگدا..... اج خورے کیہ ہو یا اے۔“

”کچھ نہیں ہو یا۔“ ابے اپنی چٹی پگ دے پلے تے دھی دے اتھرو لہ لئے۔

”ایویں کملی ہوئی ایس، اودر گئی ایس..... ہو ر کیہ ہونا سی۔ اک واسی روٹی سڑ جاندی اے..... قصور میرا اے۔ تیری ماں مینوں آکھدی رہی اے، ایویں ڈھل کردا رہیا آں، توں چل تیار ہو جا..... اج میں تینوں لے جانا اے، کچھ چر لئی۔ تیری آپاں صغراں وی پکی کیتی سی۔۔۔ ہُن رفیق ای تینوں ٹور کے لیاوے گا، منڈے پکا پردیس مل لیا اے۔“

”رفیق ہُن نہیں آئے گا.....“ پھیجاں اُچی دینی بولی۔

”کیہ آہنی ایس.....؟ قادر بخش ترف کے پچھیا۔

”خیر اے.....؟“

”اوہ جٹلے ورھے دا کراچی بیٹھا اے، اوتھے اوس وپار کر لیا اے تے بھائی

وال دی کڑی نال ویاہ وی کر لیا اے۔“

”کیہ.....؟ توں دسیا..... کیوں نہیں، تیرے سس، سوہرے نوں پتہ اے؟“ قادر بخش دے مونہوں گل نہیں سی نکل رہی۔

”آہو..... پتہ اے ابا۔“

”ویکھو یا رو..... مہری دھی نال دھرو ہو گیا تے مینوں کسے دسیا ای نہیں۔۔۔۔ توں وی نہیں کسکی، کڑیے؟“

”میری گسکن دی جا نہیں اباتے نالے میں حق دی جُوہ وچوں نکل کے فرض دے پنڈے پئی رہی آں..... تساں مینوں ایہو ای سکھایا سی۔“

پھیجاں ہولی ہولی کہہ رہی سی، غم تے غصے نال پیو دے سریر نوں تریلیاں آرہیاں سن۔

”اسیں سوچدے ساں پئی توں گھر بار دا بہتا ڈاہ کرنی ایس تے دیھاڑی

پھیرا لا کے پرت آوندی ایس۔۔۔۔۔ اج چانن ہو یا پئی حقیقت کیہ اے.....؟“ قادر بخش کچھ چر لئی چُپ ہو گیا تے فیر دھی دے سرتے ہتھ رکھ کے بولیا۔

”دھیے! مینوں تیرے تے مان اے، توں میری چٹی پگ نوں لُج نہیں لائی۔ توں میرا شملہ اُچار کھیا اے، توں۔ توں۔“

پیو نے دھی نوں اک وار فیر گل لا لیا تے سبک پیا..... اپنے وچ پھیجاں دی کس بڑ بڑ کردی اندر آوڑی۔

”بھاجی۔۔۔۔! خیریں آئے او.....؟ پھیجاں نوں لین آئے او، لے

جاؤ۔۔۔۔ میں تے آپ چھڈن آوٹا سی..... رفیق دا پیو نہیں میا۔ آہندا اے

سیالا لنگھ جان دے فیر سسی..... تہانوں کیہ پتہ..... میں آپ ڈھلی مٹھی رہنی

آں۔ منڈے دے وجوگ مینوں روگی کر چھڑیا اے۔۔۔۔۔ ورہیاں پچھوں

آوندا اے۔ پنج ورھے ہو گئے نیں ویاہ نوں کھڑوی کچھ نہ ہو یا۔ شوہدی دے

نہ نہیں لگے۔ اچے اچانویں اے..... تیس، شک لے جاؤ..... تہاڈا مال اے

تیس جانو۔“



پھیجاں کھڑاک کے ہس پئی۔

”چاچی..... اج میں فیر مایاں دا مال ہو گئی۔ سچ آہندے نیں سیانے جیہناں نے جیاں اوہناں نوں بنیاں، کسے نوں کیہ..... پر ہُن کن کھول کے سُن لو..... ہُن میں نہیں جانا..... اتھے رہواں گی..... وچ گج کے وساں گی اتھے..... میں ریتلا ریتلا کر کے پنجاں ورھیاں وچ جیہڑا آہلنا بنایا اے، میں اوہدے وچ رہواں گی..... تے ابا جی تہانوں وی یاد ہووے گا تساں ڈولی ٹوردیاں میرے کن وچ آکھیا سی۔ ”سوہریاں دی سرول توں پار پیر نہیں پاوٹا..... یاد اے ناں ابا جی؟“

”آہو دھیے مینوں تیرے تے مان اے.....“ اوس ویلے پیو دا اُچا شملہ ہل ہل کے آہو ”آہو آکھ رہیا سی۔“

پھیجاں پیو ول نکیاں بغیر اک چڑیا مڑیا کاغذ پھڑایا۔

”ایہہ چٹھی آپاں صغراں لئی اے..... ایہنوں کھولنا نہ تہانوں میری سونہ۔“

ہُن پھیجاں قیم ہو کے کھلوتی سی۔ اکھاں وچ اک اتھرو نہیں سی..... اک سار پیو ول تک رہی سی۔

پر ابے پھیجاں ول دھیان کینے بنا چٹھی کھول لئی۔ فیر اکھراکھ کر کے پڑھن لگ پیا، لکھیا سی۔

”آپاں جی۔۔۔! تہاڈا کیہ خیال اے ایس مسئلے وچ۔ آپاں جی..... حق دی جُوہ وچوں میرا پیر کد نکلیا، مینوں پتہ نہیں۔ فرضاں دے پینڈے اوکھے سن، میں جھالن دی پوری کوشش کیتی، ہن... ہُن کیہ آکھیدا اے ایس مسئلے اندر تہاڈی کچی روٹی تے پکی روٹی، تے جنگ نامہ تے بہشتی زیور..... تے حدیث بخاری تے ہو رکتاں.....؟ مینوں دسو..... جے رفیق مینوں طلاق دے دیوے..... تاں میں اوہدے پیو نال حق کر لوں..... اوہ چاہو ندا اے.....“

چٹھی مکی تاں پھیجاں دا پیو بھوں کے منجی تے ڈگ پیا.....

اوس توں اگلی رات پھیجاں قتل ہو گئی۔

۱۹۸۷ء





## پلاکی

عشق تے مُکھ لکایاں نہیں لکدے۔

شاہدو تے آکے ایسہ مقولہ فیل ہو گیا۔ کیوں.....؟ جو اوس اک اجیہا فیصلہ کیتا جس دی اوہدے کولوں کسے نوں اُمید نہیں سی۔ اوہدے توں اپنی اُچی تھاں تے بہہ کے ایٹا نیواں تے زمینی فیصلہ ہو ای نہیں سکدا۔ اُنج بھانویں شاہدو پیلیاں چوں کلی گھاہ پٹدی سی۔ ڈنگراں نوں پانی پٹھا پاون، دُھپے چھاویں کرنا، ہٹیاں توں سودا پتر لیاونا ایسہ سارے کم اوس دے ذمے سن۔ کم دھندے لئی آوندیاں جاندیاں جے کوئی گہرو پٹکر ٹھٹھا کردا شاہدو کولوں ساہواں سن لیندا۔ کسے دی کیہ مجال سی پئی اوہدے آگوں آکڑ کے لنگھے۔

شاہدو دے بند بوہیاں دی کُنڈی کوئی نہیں سی کھڑکا سکدا۔ اوپرا بند اتے کیہ؟ کسے میر پھیر نوں حوصلہ نہیں سی پیندا۔ کُجھ چرتے بھین بھرا، ماں پو حیران رہے پئی شاہدو جیسی کہتی تے اتھری کڑی کتھے لگے گی۔ جیہڑی گل کرن توں پہلاں دُوجے دے گل پے جاندی۔ لوکیں اوس توں تر بھکدے سن۔ اپنے ویاہ دے ناں تے کھان نوں پیندی۔ اوہ مونہ مناند رے دی ماڑی نہیں سی۔ کُنڈلاں والے سنہری وال۔ محو دے سے ورگا رنگ۔ موٹیاں موٹیاں شربتی اکھاں جیہناں دیاں پلکاں ول کھادے ہوئے سن۔ ہتھ پیر کُجھ پیڑے سن۔ قد نکاتے جُشہ پدھرا نہ رکتوں اُچانہ رکتوں نیوا۔ کدے کدے چلیکھا پیندا پئی شاہدو زنانی نہیں کوئی تہی جنس اے۔ ماں لئی شاہدو بنا داڑھی مچھ دے پُت سی۔ حیاتی دے بھرویں تریسہ ورھے اوس ماں دے گھرنوں سوار دیاں بناوندیاں لنگھائے۔ ماں نوں کوئی چتا نہیں ہون دتی۔

جدوں شاہدو تہی دہائی توں چوتھی وچ پیر دھریا تے نکا ویر منھاوی پر نیچ گیا۔ شاہدو دے اندروں آگواہی جیسی ہوئی پئی اگلا پینڈا اوکھا اے۔ اوہنوں راج لگن لگ پیا جیویں سبھ کُجھ پُرانا ہو گیا اے۔ ویلے دی ونڈ وچوں اوہدی جھولی کُجھ نہیں بچیا۔

’نشیندا اے.....‘ ماٹواں دھیاں دے دُکھ سانجھے ہوندے نیں۔ دھی دی اکھ دی لالی ماں نوں لو لہان کر دیندی اے، پر شاہدو دی ماں خورے کیہڑی مٹی دی بنی ہوئی سی۔ اوہنوں اپنے چاواں توں ویلہ نہیں سی لگدا۔ اوہنوں سبھ فکر اں سن سوائے شاہدو دے۔

’ہُن شاہدو دا پینڈا مٹھا مٹھا دُکھدا رہندا۔ اوہ بھج بھج کے کم نہیں سی کر سکدی۔ اوہدے دل وچ پہلے جیسی اوس وی نہیں سی رہی۔ ہُن شربتی اکھاں وچوں اپو آپ نیرو گدا رہندا، سرنوں ہر ویلے گھٹ کے بندھ رکھدی۔‘

’کم کار والا بندا ماندا پے جاوے تے گھر چوڑ ہون لگ پیندا اے۔ ماں نوں اپنے آرام وچ کھنڈت پیندی نظر آئی تے اوس آکھیا.....‘  
’توں بڑی شوم ایں.....‘ سروچ گھپو جھسی کیتا کر.....‘ کُشکی دُور ہو ونجے.....‘ مریں توں پے گنیوں تے میرا کیہ ہو سی؟‘

ایسہ گل سچ اے پئی شاہدو دے سرتے ماں اڈی اڈی پھردی سی۔ کدے انگلیں ساکیں تے کدے میل ورتارے والیاں ول۔ جدوں جیا جنت نکا سی اودوں وی اوس کدے بُہتی پرواہ نہیں سی کیتی۔ شاہدو ستاں ورھیاں دی عمر وچ گھر بار سانہ لیا۔ تے ہُن---؟ ہُن سارے ویاہے گئے..... رہ گئی۔ شاہدو.....؟ اوہ سو دنواں دی اک دنہ۔ سیانی بیانی ماں نوں متاں دیندی۔ اوہدی فکر کرن دی کیہ لوڑ۔

شاہدو دا حال ایسہ سی پئی جے کوئی شے، سوغات، ایہدھروں اودھروں جھل گئی۔ اوہ وی اوس ماں نوں دے دتی.....



”لے..... ماں توں پا..... توں باہر اندر آوٹا جاٹا ہوندا اے۔“  
 ماں بنا کے ہرکھ افسوس دے ٹھمکا لیندی۔۔۔۔۔ سگوں آکھدی۔۔۔۔۔  
 ”ایس شوہدی نوں تے کوئی چاہی نہیں۔ ایہنوں رب میری خدمت لئی  
 میری گھ وچوں جنم دتا اے..... ہو ر کیہ آکھاں رب دے کم نیارے  
 نہیں۔۔۔۔۔ اوہ آپدے بندیاں نوں کیویں کیویں پالدا اے۔ اوہدیاں قدرتاں توں  
 صدقے واری جائیے۔“

جدوں شاہدو ڈھلی مٹھی رہن لگی ماں لئی مصیبت بن گئی۔ گھر دے  
 کھلارے وچ مرداں دی تھوڑ دین لگ پئی۔ فوجی پتر ہر مینے منی آرڈر  
 بھیج دے سن۔ نوکریاں چھڈ کے گھرتے نہیں سی بہہ سکدے۔ نوہاں پتر  
 آوندے تے، آجاندیاں نہیں تے بہتا پیکیاں گھر رہندیاں۔ گھرا تے نان شاہدو  
 چھائی ہوئی سی۔ ڈھا کے ہتھ رکھ کے راج پھردی جیویں لمبردارنی۔ رعب تے  
 حاکمیت ہر ویلے.....

اوس دیہاڑے ماں چھوٹی بھین ٹوما دا ویم لے کے ٹوما دے سوہرے پنڈ  
 گئی ہوئی سی۔ شاہدو نوں اپنا سر بھارا بھارا لگیا تے اوہ ویڑھے چوں اٹھ کے  
 ڈھارے تھلے جاپی..... فیر جیٹھ دی جیویں دھپ اوہدے پنڈے نوں مزادین  
 لگ پئی۔ تھر تھری جیو چھٹی تے اوس کھیس نال مونہہ سرو لھیٹ لیا۔ دھپ  
 اوس نوں چنگی طرحاں ڈھک لیا۔ خورے کنی دیر مُردیاں ہار پئی رہی فیر کاٹواں  
 دی کلکار نال اکھ کھل گئی۔ جیہڑے اوس نوں مُردیاں جان کے چوکے وچ  
 نچدے پھردے سن..... کدے اڈاری مار کے بنیرے اُتے بہہ جاندے تے  
 کڑولیاں کردے۔

اگے جدوں کاں کڑولیاں کردا تے شاہدو اوہنوں رہا نال ششکار کے  
 آکھدی۔

”اڈوے کاٹواں۔ تینوں گھو دی چوری پاواں۔

جے اج میرا نکا ویر منھا آوے.....

جے اج میرا وڈا ویر تارا آوے۔“  
 اچھے ویلے اوہ ماں ول بڑی خوشام نال نکدی تے آکھدی۔  
 ”ماں کاں کڑولیاں پیا کردا اے۔ میرا دل آہندا اے ویراں وچوں کے  
 آوٹا اے۔“ تے ماں اوس نوں بڑھاوا دیندی۔  
 ”آہو۔۔۔۔۔ کیہ نگھیاں دھیاں نوں ویراں دی ای اڈیک ہوندی اے،  
 جیوندے رہن۔ جوانیاں ماٹن۔“

اج رات دیاں بہیاں روٹیاں کاٹواں آپے ای کھلار چھڈیاں سن۔ چنگیر  
 رکدھرے پوٹا کدھرے۔۔۔۔۔ فیروی شاہدو دا کاٹواں نوں ششکارن نوں دل  
 نہیں سی کردا۔  
 چائی اُتے دھپ آگئی سی۔

دھپ تے توساں مار گیا ہووے گا۔۔۔۔۔ اوس سوچیا۔۔۔۔۔ پیا مارے میں کیہ  
 کراں۔۔۔۔۔ آندھیاں گواندھیاں ولوں کے اوہدی سار نہیں لئی۔ لوکیں  
 کدے کورے نیں۔ شاہدو نوں ہرکھ ہو رہیا سی۔  
 اپنے وچ ویڑھے دا بوہا کھڑکیا۔۔۔۔۔ فیر کھڑکیا۔ اوہ اوکھی اوکھی اٹھی۔  
 ڈگدی ڈھیندی بوہے تائیں اپڑی۔ کڈا لاہیا۔۔۔۔۔ باہر ڈاکیا کھلوتا سی۔۔۔۔۔ ایہہ  
 نواں ڈاکیا سی۔۔۔۔۔ ایہو کوئی تریہیاں پیستیاں ورھیاں دا بندہ۔ کھاکی وردی۔  
 کلے تے صافہ بھلے کھاکی تھیلا۔۔۔۔۔

”تھاڈا منی آرڈر۔۔۔۔۔“ ڈاکے دسیا۔  
 ”منھے دا ہونا اے۔۔۔۔۔“ شاہدو دے مونہہ وچوں تاپ دیاں لاٹاں  
 نکلیاں۔

”تہانوں تے تاپ اے۔“ ڈاکے شاہدو دا ہتھ پھر کے انگوٹھے تے شاہی  
 لاوندیاں پچھیا۔۔۔۔۔ ”شاہدو بی بی شیس اوٹاں؟“

”لو۔۔۔۔۔ اتھے انگوٹھا لاؤ۔۔۔۔۔ اتھے وی۔۔۔۔۔ تے اتھے وی“ فیر اوہ  
 نوٹ گھن لگ پیا۔۔۔۔۔



”میں پچھیا۔۔۔ پئی شاہدو بی بی تئیں او ناں۔۔۔؟“ ایسہ گل انگوٹھا  
لاون توں پہلاں پچھنی سی۔ ہن تے انگوٹھا لگ گیا۔۔۔“  
”بعضے ویلے بنا دسیاں ویکھیاں ای انگوٹھا لگ جاندا اے۔“ ڈاکے اتر  
وتا۔۔۔

”ہلا۔۔۔ بڑا سیانا ایں۔۔۔“

”تے تساں مینوں ایانا سمجھیا اے۔۔۔ ایس پنڈ دی مشہور شاہدو تئیں او  
ناں۔۔۔؟“

”مشہوری تے میں تینوں ہن دس لیندی۔۔۔ جان اج کجھ ول  
نہیں۔۔۔ تینوں کس دسیا میرے بارے۔۔۔؟“

”جان ول ہندی تے کیہ کر لینا سی بی بی۔۔۔؟ سارے بندے اکو جیسے  
نہیں ہوندے۔۔۔ تے ہر ویلا اکو جیہا نہیں رہندا۔“  
”میں بڑی ڈاڈھی آں۔۔۔“

”جم جم ہو۔۔۔ ڈاکے دیاں اکھاں وچ مذاق‘ پروٹیاں تے پینڈے دی  
دھوڑ تے سکیاں بلھاں اتے مسکان سی۔ شاہدو روپیاں نوں مٹھی وچ نوٹ کے  
پرتی تے ڈاکے پچھیا۔“ لسی ملے گی۔۔۔؟“

”میں تے اج رڑکی نہیں۔۔۔ کے ہو رگھروں جا پی۔۔۔“

”میں منگتا نہیں سرکاری ملازم آں۔۔۔ متے ٹھلدی ہوویں۔ ایف۔

اے پاس آں۔ جمیل احمد میرا ناں اے۔ نواں آیا واں۔ آگوں توں میں ای  
آواں گا۔“ اینا آکھ کے اوہ ٹر گیا۔۔۔ شاہدو نوں اوہدا جانا کجھ چنگا نہیں لگیا۔  
اوس کوٹھے وچ آ کے روپے دانیاں والے بھڑولے وچ تھلے کر کے نپ دتے،  
تے کجھ چر منجی اتے پئی رہی۔ اوہنوں ڈاکے دا اوکھا سبھا مُڑیاد آوندا رہیا۔  
ہن اوسدی طبیعت پہلاں نالوں ول سی۔۔۔ تاپ ہولی ہولی لہ گیا تے ترکالاں  
ویلے ماں وی پرت آئی۔۔۔ پر شاہدو نوں خورے کیوں دیروا جیہا لگ رہیا سی۔  
جیویں کوئی انہونی ہو گئی اے۔ اوہدے کولوں کوئی غلط کم ہو گیا اے۔

ایسہ ٹھیک پئی اج دا دُدھ وراں ہو گیا۔ ایسہ وی ٹھیک پئی کاٹواں چلھے  
دی ہر شے ونجا چھڑی۔۔۔ پر ایسہ دل تے نوہندراں مارن والیاں گلاں نہیں  
سن۔۔۔ فیروی اِنج لگ رہیا سی پئی اوہ اپنی تھاں توں تھڑک گئی اے ایس تھاں  
توں اج اوس نوں نواں ڈاکیا تھڑکا گیا سی۔ جس پہلی نظرے شاہدو نوں دیوی  
من توں انکار کر دتا۔۔۔ شاہدو دیوی نظر آون دا کوئی موقعہ ہتھوں جان نہیں  
سی دیندی۔۔۔ ویلے نوں اوس گھٹ کے مٹھی وچ پینا ہویا سی۔

ایس واقعے توں مگروں شاہدو نوں یقین ہون لگ پیا پئی اوہدے مٹھ وچ  
ویلا نہیں ریت سی جیہڑی ذری ذری ہو کے کردی جا رہی اے۔۔۔ تے ایسہ  
کیرا اک وجوگ وانگوں اوہدے من وچ ڈیرالا بیٹھا اے۔۔۔

جمیل احمد ڈاکیا جد وی آوندا۔۔۔ فارم تے انگوٹھا لواندا۔ نوٹ رگن کے  
ہتھ پھڑاونداتے راہ لیندا۔۔۔ اوس کدے انعام شام دا ترلا نہیں سی  
کیتا۔۔۔ ایدوں پہلاں چاچا رکن دین۔۔۔ بھائی غلام رسول تے عبدالرحمن  
جدوں وی منی آڈر لیوندے سدا نہیں تے کے بچ کجھ نہ کجھ منگ  
لیندے۔۔۔

ایدکاں واڈھیاں تے اوس دانے دتے وی تے ڈاکے نہیں قبولے۔۔۔  
ماں کولوں عیدی دے بچ روپے وی نہیں پھڑے۔۔۔ سگوں آکھیا۔۔۔

”میں کوئی منگتا یاں بال ایانا نہیں۔۔۔ اک واری ہنگیاں بندے نوں  
ہنگ جانا چاہیدا اے۔۔۔ ایسہ بچ روپے میرے ولوں خیرات کر دینا۔“  
اوس دی ایس گل نوں ماں تے نہیں شاہدو سمجھ گئی۔ جمیل احمد منہ مار  
رہیا اے۔۔۔ تے مسنے لاہنے دا ول اوس نوں آوندا سی بغیر کسے ڈر خوف  
دے۔۔۔

اوہ جمیل احمد ڈاکے نال ٹکا کے گل کرنا چاہندی سی۔۔۔ اک دیہاڑے،  
چنگے چر مگروں شاہدو نوں ایسہ موقعہ لہ گیا۔ اوہ پہلی وچوں ڈنگراں لئی گھا کڈھ  
رہی سی تاں بنے بنے جاندا جمیل احمد نظریں پے گیا۔۔۔



”تے ساک منگدا ہووے گا۔“ شاہد و ماں کولوں ڈر دی نہیں سی۔  
 ”آہو..... سویا..... نکھسمی دا..... نہ کوئی طور نہ طریقہ..... اُج  
 بھٹھیدا.....؟..... پڑھیا ہو یا اے کہ ہڑیا ہو یا۔۔۔؟ تینوں۔۔۔ پتہ سی۔۔۔  
 شاہد و۔۔۔“ ماں دے دماغ وچ ٹلی جیسی وجی۔۔۔

چیترو آون تائیں جمیل احمد، شاہدو داساس منگ لیا..... شاہدو وی ماں  
سوکھے سبھا گھڑیا گھڑیا جواب دتا جیڑا اوہ کنیاں نوں دے چکی سی۔



”بول نا۔۔۔؟ کڑیے۔۔۔!“  
”آہو!“

”توں مینوں کیوں نہ دسیا۔۔۔؟“

”میں آکھیا۔۔۔۔۔ تینوں آپ پتہ ہووے گا۔۔۔۔۔ آہندے نیں مانواں نوں

دھیاں بارے سبھ کجھ پتہ ہوندا اے۔“

”توں پاڑی تے نہیں ایں۔“

”پر توں تے میری ماں ایں۔۔۔۔“


”تے ایسہ گل سچ اے۔۔۔۔؟“

”حق سچ اے۔۔۔۔“ شاہدو قائم ہو کے اتر دتا۔ ماں کجھ دیر تے ابھی  
رہی۔ فیر دو ہتھر چک کے شاہدو دے سروچ ماریا۔۔۔۔۔ تے آپ کرلان لگ  
پئی۔

”نی۔۔۔۔۔ نی۔۔۔۔۔ میں تے آہندی ساں۔۔۔۔۔ تو کے جوگ نہیں۔  
میں۔۔۔۔۔ میں آہندی ساں۔۔۔۔۔ توں طبیعت دی کھسری ایں۔۔۔۔۔ تووا۔۔۔۔۔  
توا۔۔۔۔۔ ایڈی چلاکی، انج دی چلاکی۔۔۔۔۔ ملک سچ آہدا اے۔۔۔۔۔ رناں چلتر  
ہاریاں۔۔۔۔۔ وے ربا۔۔۔۔۔ میں کیہ کراں۔۔۔۔۔؟ شاہدوں ہتھوں ڈگے لسی  
دے چھنے نوں موہندی ہو کے چکیا تے ہولی دینی آکھیا۔۔۔۔۔

”جیہڑی ہوئی سی اوہ تے گئی ہو۔ وینے ددھ نوں پکھیا نہیں جا سکدا۔۔۔۔۔  
ماں۔۔۔۔۔! اج توں لاء۔۔۔۔۔ میں سوچ لیا۔۔۔۔۔ اگے توں جان تے تیرا کم۔۔۔۔۔“

۱۹۸۶ء



مُخَو

دُنیا تے دو ترے گلاں اجیہیاں نیں جیہڑیاں بندیاں نوں اک دوجے نال  
چوڑی رکھدیاں نیں۔ مال، موہ تے محبت۔ مال ہووے تے سارے عیب  
ڈھک لیندا اے۔ موہ ہووے تے اوکھے پنڈے کٹ لیندا اے۔ محبت ہووے  
تے کوئی پھیتی مر نہیں سکدا۔ پر موہ دامن محبت نالوں تے مال دامن موہ نالوں  
اُچا اے۔ ڈھڈوں کھکھے، جیبوں کھتھے بندے دا کوئی حال نہیں۔ چرنے دی  
ماہل وانگوں اپنے دوالے پھردیاں ٹٹ کھس جاندا اے۔

صادقو چوہڑے دیاں دھیاں چار سن پر اوہنوں ایہناں نال اک توں اک  
ودھ پیار سی۔ چوہاں اُتے جان دیندا، جے اوہ چوہڑا نہ ہندا مسلمان ہندا تے  
لوک آکھدے، اللہ تے رسول چار سلام بھیجے نیں۔ دھیاں نال پیار نوں کجھ  
ایس طرحاں قائم کرن دی کوشش کر دے۔ اوہ چوہڑا سی اوہنوں سلاماں نال  
کیہ۔ ایسہ دھیاں اوہدی چند جان نالوں وکھ نہیں سن۔ اپنے پیو دے اٹھ ہتھ  
سن۔ گلیاں مھلیاں وچ صفائیاں کردیاں۔ محنت مزدوری وچ پیاں جوانی ول ودھ  
رہیاں سن۔ اوہ کنکاں وانگر ”اٹی بھائی پٹی جیہڑی پکھے رہوے۔“ کہندیاں، اکو  
واری جوان ہو گیاں کوئی ایجنے والی گل نہیں سی پر صادقو نوں فصل تیار ویکھ  
کے اک وارگی فکر پے گئی۔ اپنی سوانی رحمتے نوں آکھن لگا۔

کجھ کرنا چاہیدا اے۔ ایسہ تے اکو واری تھم تھمندیں ہو گیاں۔ رحمتے  
ماں سی تے مانواں لئی دھیاں جھدیاں جوان ہوندیاں نیں، جے اوہ ویاں جوگ  
ہو گئیاں سن تے اوہدے لئی ایسہ گل وڈی نہیں سی۔ اوہنے صادقو دا حوصلہ  
ودھان لئی ہس کے آکھیا۔

”توں فکر نہ کر۔ میں بے سمجھ نہیں ساں۔ تیرے مایاں ول کئی مُنڈے  
جوان نیں تے اگلے دن کالے دی ووہٹی سوال وی پایا سی۔ آکھیں تے ویکھ



لیے۔

”تو آپ دیکھ بھال لے۔ ایسہ کم رناں دے نیں۔ مرد و چارے ڈوئی دے مونہ ہوندے نیں، کچھ نہیں جاندے ایہناں کماں بارے۔“ دوواں جیاں صلاح پتہ کر کے رشتہ پکا کر دتا۔ کچھ مہینیاں پچھوں وڈی کڑی مریاں دی جنج آڈھکی۔ چنگی وچ گج کے۔۔۔ لاگاں ویلے برادری دے چودھری وٹر گئے۔

”اویں صادقو! لاگ منگ۔“

صادقو گل ولا کے آکھیا۔

”تیس منگو۔ چودھری جی۔ برادری دے قنون تیس جاندے او۔“

نہیں، آکھیں گاتے توں۔ دھی تیرا مال اے۔“

صادقو اپنی برادری دیاں رواجوں نوں چنگی طرحاں جاندا سی۔ اوہوں پتہ سی پئی جنج نور کے ایہناں چودھریاں تے برادری دے دوجے مرداں لاگاں دی رقم نال شراب منگانی اے۔ گوشت بھنواٹا اے تے ساری رات موی میلہ کرنا اے۔ صادقو ہولی بیسی آکھیا۔

”نہیں، میں دھی دائل نہیں لینا۔ دھی دے پیسے وٹنا میرے لئی سورتے حرام اے۔“

چودھری دے صلاح کاراں اوہوں موڈھے توں پھڑکے بٹھادتا۔

”اویں آون دے۔“

نہیں یار! میں ایسہ رسم توڑ دینی اے۔ ایسہ کیہ ہویا استانی دالاگ، آون دالاگ، جاون دالاگ، دھون دالاگ، پون دالاگ۔ تیس تے لٹ پائی ہوئی اے۔“

صادقو دے ایس فیصلے تے سوہریاں ولوں آئے پروہنے ڈاڈھے خوش ہوئے۔ اوہناں نوں پئی پلائی منیار مفتو مفت مل رہی سی۔ ہور کیہ چاہیدا سی۔ گھٹھ ہزار باراں سودی بچت دکھائی دے رہی سی۔ اتوں صادقو ہور وی کوئی وڈا سوال یا فرمائش نہیں سی پائی۔ انج سمجھ لوو مریاں ان ٹلی تے انعام مل

رہی سی۔ ترکلاں تائیں چودھریاں تے صادقو وچ بحث ہوندی رہی۔ چودھری آکھدے سن ڈوئی نہیں جاوے گی۔ صادقو آکھدا ”دھی میری اے۔ تیس کیہ لگدے او۔ میں پیسے نہیں وٹنے۔ میں کوئی کبخر نہیں۔“

لوکیں آکھدے۔

”صادقو! کم اوہ کرے جیہڑا پنج آکھن۔“

کئی بھیناں بھراواں وی ایہو صلاح دتی۔ اخیر مریاں دے سوہریاں روپیہ ست سو رگن کے اوہدی تلی تے دھردتا۔ صادقو روپیے مٹھی وچ پھڑی پھر دارہیا۔ ڈوئی ٹر گئی۔ سمان لد گیا۔ کالھی والے پروہنے ٹر گئے۔ مٹھ وچ پھرے ہوئے نوٹ اوہوں ٹھو نہیں وانگ ڈنگدے رہے۔ فیر اوہنے رحتے نوں کول سد کے پچھیا۔

”ایسہ لاگاں داست سو روپیہ اے۔ دس ایسہ کیہ کراں۔“

”ہائے ہائے۔ ہائے ہائے۔ توو میری تووا۔ ساڈے لئی سورتے حرام۔ ایسہ چودھریاں داحق اے تے اوہو کھان کھلون۔ صادقو ایسہ روپیہ توں بلے لا کے اندر وٹنا سی۔“

”ہلا۔“ صادقو دالجبہ ایانیاں والا سی۔

اوہ تے ایسہ جاندا سی۔ اوہنے دھیاں نوں پالن تے ویاہون جوگ کرن لئی کئی محنت تے کئے ہڈ بالے نیں۔ اوہدیاں ملوک دھیاں لوکاں داترک چک چک کے جوان ہوئیاں نیں۔ میرے تے میریاں دھیاں اُتے کسے کوڈی نہیں لائی تے ہُن اوہ ایڈا بھوتو اے۔ دھی دائل وٹ کے ایہناں الاں، کاٹواں اگے دھردیواں۔

رحتے اپنے وجود دا پورا زور لا کے آکھیا۔

”ایسہ تے تینوں کرنا ای پوے گا صادقو۔ برادری وچ مونہ کالا کرنا اے۔ اگوں سوچ دھیاں دی لین لگی پی اے۔ پیہنچاں نال پکھنڈ پا کے کیڑے پاسے جاویں گا، تے ایسہ ساڈی ریت اے۔ کوئی تویں گل نہیں۔“



توں تے رنج کرنا ایس جیویں نواں بندہ ایس۔“

”بھلیے لو کے سمجھ لے میں نواں ای آں۔“

صادقو، پروہنیاں، چودھریاں نوں اوٹوئیں چھڑیا اوس ویلے سیالی رات دے کوئی جھے کوو جے سن۔ سدھا شہرول ٹرپیا۔ پیپنجاں دے چچیاں فوراً خبر کیتی۔

”لوہی صادقو دے دھیان وچ گل بہ گئی اے۔“

”ڈاڈھا بے یقینا اے۔ مجال اے کسے تے بھروسہ ہووے۔“

رات دے کوئی دس کوو جے سن۔ صادقو چمکدا چہرہ لئی ہونکدا اندروٹیا۔ لوہی بھراؤڈ میں جھوٹ نہیں بولاں گا، چودھریاں دے فیصلے تے سی نہیں کراں گا۔ لوہی تہاڈیاں جتیاں تے میرا سر۔“

اوہنے پگ لاه کے وڈے چودھری دے پیراں وچ دھرتی اک بھنکار جیہی ہوئی۔

”صادقو گل کیہ اے۔“

”مینوں ٹھگاں ٹھگ لیا۔“

”مینوں پہلے ای بھے سی تے توں کلاکیوں گیا سیس؟ اوئے تینوں ٹھگاں چھتر نہیں لائے۔“

”چھتراں دی لوڑ نہیں پئی ہوئی۔“

کسے مسخرے مذاق کیتا۔

”بھگتیں گا بچو۔“

گل آئی گئی ہو گئی۔ لوک ویاہ کھا کے آپو اپنے گھریں ٹر گئے۔ مریاں اپنے مالک نال مڑویں ڈولی آئی تے ڈاڈھی چمکدی سی۔ اگلے پھیرے آئی تاں وی کچھ ٹھیک ای سی پر جدوں چھ کو مہینے لنگھے، کڑی دامونہ اُتریا ہو یا سی۔ صادقو دے دل نوں رگ جیہا پیا۔

”کڑیے کیہ گل اے۔ توں سوکھی نہیں ایس۔“

مریاں پیوٹوں رنج پگھریا ہو یا دیکھیا تے پھٹ کے روپئی۔ فیر بسکدیاں ہو یاں بولی۔

”ابا! مینوں سوہرا ٹبر بہندیاں اٹھدیاں ”مُختو مُختو“ آکھدا اے۔ ابا میں تیری دھی آں۔ تو مینوں رنج سٹ دتا جیوں مگروں لاہنا ہوندا اے۔ سارے مٹا مار دے نیں۔ مُختو جو ہوئی۔ میرا مل وڈوں تے چنگا سی۔“

صادقو کئی دیر سر پھڑکے بیٹھا رہیا۔ فیر ڈاڈھے گوڑ وچ پیا پیا بولیا۔

”اچھا دھیے! جتھے اینیاں جریاں نی کچھ ہو رسی۔ جتھے میریاں اینیاں مٹیاں نی اک گل ہو رمن۔ توں ہُن سوہرے نہیں جانا، جی دیر میں نہ آکھاں۔“

”چنگا ابا۔“

مریاں سوکھی ہو کے ماپیاں دے گھر آ بیٹھی توں میں گلاں کر دے سن۔ دھی غریب دی ہووے یا امیر دی بیسکے بہہ جاوے تے پکار پے جاندی اے۔ پیوواں بھراواں دا جیون مرن ہو جانا اے۔

”نی خورے کیہ گھول گھولیا سو۔“

”نی اوہدے پچھن ای وسن والیاں والے نہیں سن۔“

”رناں اپنی جنس نوں آپے لوتیاں پیاں لاؤندیاں نیں۔ اُجڑن والی دے جھانٹے وچ بکاں بھر بھر کے کھیہ پاندیاں نیں۔“

مریاں نوں آندھٹاں گوانڈھٹاں ول پچھدیاں سن۔

”کڑیے اگلے گھر وٹنا نہ ہووے تاں ندی نالے وچ ڈب جائیدا اے۔“

ماپیاں دے بوہے نہیں آئیدا۔“

”دھیاں جیندے جناجے کدے کوئی قبریں وچوں مڑیا۔“

”نی مریاں! تیرے آدمی نوں تیرے نال پیار نہیں۔“

”مریاں نوں پیار پیور داتے پتہ نہیں سی۔ اینا جاندی سی ویاہ والے

دیاڑے اک بندہ کڑی دی جند جان دا مالک بنا دتا جانا اے تے مالک اپنا

مالکانہ وصول کردا رہندا اے۔ جے ایسے نوں پیار آکھدے نیں تے مریاں دا



مالک اوہنوں۔

مختو مختو آکھدا۔ مالکانے دے نال ہر جانہ وی وصول کردا سی تے اوہ پرائیاں بڈھیاں دے کس دے مطابق ”اوئی“ نہیں سی کردی۔  
میریاں دا آدمی اوس نوں لین آیا تے صادقو آکھیا۔ پیچ آون گے تاں ٹوراں گا۔

اگلے ہفتے پیچ آگئے۔ اوہناں آوندیاں پچھیا۔

”کیوں ہی! ہن کیہ نقص نکل آیا۔ منڈا کڑی راضی تے کیہ کرے قاضی۔ ویاہ توں سال ڈھکن لگاتے کڑی رُس کے پینکے بہہ گئی۔ صادقو! کھل کے دس توں کیہ چاہنا ایں۔“

”میریاں کجھ شرطیں نیں۔“

”بول۔“

”روپیہ دو ہزار گن کے میری تلی تے رکھ دین لاگاں دا تاں ٹوراں گا۔“

”اوہ نئے مونہہ تیرا۔ توں ویاہ تے جتا منگیا دتا نہیں۔“

کڑی دے جیٹھ نوں وٹ چڑھ گیا۔ صادقو نے رب دی سو نہ کھا کے میریاں دے سوہرے دا ہتھ مقدس کتاب تے رکھا کے آکھیا۔

”میں دیوا بتی جھن توں پہلاں روپیہ موڑ آیا ساں۔ پچھ لو۔“

”نئے مونہہ۔ نئے مونہہ۔ نئے مونہہ۔“

صادقو دل پھڑکے بہہ گیا۔ اوہ دل دُوب رہیا سی تے چپ چپینے دُوبن لئی تھاں تیں سی لہہ رہی۔ ہر پاسے رولاسی تو تو کار سی۔

چودھری ہتھ چک کے رولے نوں ڈکیتا تے رُعب نال میریاں دے سوہرے نوں پچھیا۔

”کیوں کالے‘ صادقو ٹھیک آکھدا اے۔“

”ہاں ٹھیک آکھدا اے۔ میں پیچھاں دے ساہنے مکران گا نہیں۔“

”فیر۔“

”فیر۔ دیاں گے جی، نہیں تے کڑی چھڑ دیاں گے۔“ کالیا سوچ سمجھ کے آیا سی۔

”کڑی چھڑ دیاں گے۔ بڑا سوکھا بھیا اے کالے! سوچ لے۔“

پنجائت اپنا فیصلہ دے کے اٹھ گئی۔ میریاں چھ مہینے ہو رہیاں دے بیٹھی رہی تے اخیر گل طلاق تے مکی۔ اگلیاں نوں کیہ پئی سی ورتیا ہو یا مال دو ہزار وچ پکدے۔ پلے پیہہ ہووے رناں بھیریاں۔

میریاں نوں ہن مختو تے کوئی نہیں سی آکھدا۔ پر اوہ بہندی اٹھدی سوچدی سی۔

”میں قبروں اٹھ کے کاہنوں آگئی۔ میں پینڈے پنے کے کاہنوں مڑ آئی۔“





## کھبر کھوڑی سرٹک

ہلال احمد دا میلہ اُنچ تے ہر سال لگدا اے۔ سکولاں، کالجاں، ہزاراں تے پارکاں وچ ایہدا وس تے زور بہتا زنانیاں ول ہوندا اے۔ لیرو لیرو تنبواں اگے بھٹیاں تے پنجن توں لے کے مال روڈ دے سوہنے ستھرے چونکاں تائیں ایہو ای دسدی اے۔ کتے نجدی، کتے ہسدی، ملوٹی کاراں روک کے صاباں دے سینے اُتے ٹکٹ لاندی۔

اج توں دس گورھے پہلاں جدوں چوکھا ستا ویلا سی نمائش وچ داخلے دا مل چار آنے سی۔ نمائش دے اندر لگے ہوئے ہر تماشے دا ٹکٹ وکھو وکھ سی۔ ودھ توں ودھ ٹکٹ اٹھ آنے ہووے گا..... مینوں یاد اے ”بجلی کی عورت“ والے تنبو اندر جان دی ٹکٹ صرف دو آنے سی۔ پھٹے اُتے پنجن والیاں دے رزت بھاؤ تے جو بنے دے لشکارے۔ اُچے نیویں سارے نظارے اُکے مُفت سن۔ ویکھو جتھے مرضی کھلو کے ویکھو، بولیاں مارو، پھٹے والی دی پینرا نوں۔ اوہ سُندی نہیں، سُن ای نہیں سکدی، ریکاڈاں دا رولا بہت ہوندا اے ناں!

1065ء دی پاک بھارت جنگ مکی نوں سال ہويا سی۔ میلے وچ ہور دُکاناں، سٹالاں نال فوجی بھراواں وی اپنے اسلحے ریفلٹاں دا میلہ لایا سی۔۔۔۔۔ لوکیں نمائش وچ بھوندے بھوندے پل کوئی ایس تنبو تھلے وی ا بکدے۔ ایویں کوئی کوئی۔ بہتی بھٹرتے کجے تنبواں اگے سی جتھے ٹیاریاں دا چکارا سی۔ پنجابی فلمی گانیاں دے لچر بولاں اُتے اوہ نچ نچ کے پھاویاں ہوئی جاندیاں سن۔ ہر لاؤڈ سپیکر تے مردانی آواز ہو کے لا رہی سی۔

”آؤ، آؤ..... سارے نظاریاں دا مل دو آنے..... دو آنے۔۔۔۔۔ آؤ۔۔۔۔۔ مونہ عورت دا دھڑلومڑی دا۔۔۔۔۔ تہاں عورت تے ویکھی ہوئے گی عورت وچوں بجلی نکلدی ویکھو۔۔۔۔۔ ٹکٹ صرف چار آنے۔ ورائٹی شو۔۔۔۔۔ لیڈیاں

دے ناچ، ڈرائے، گانے تے دوجے کئی پروگرام چوانی وچ ویکھو۔۔۔۔۔ اک چوانی کئی سواد۔۔۔۔۔ اک چوانی۔“

اسیں ورائٹی شو والی لین وچ لگ گئے۔

اوہ پھٹے اُتے نچ رہی سی۔ تاریاں بھریا نیلا جوڑا۔ مونہ تے سستے پوڈر دی دھوڑ۔ اکھاں وچ لپ لپ کھل، بلحاں تے لہو ورگی ڈھیر لالی۔ والاں نوں کنڈل پا کے کھلاریا ہويا تے کلیاں نال سنواریا ہويا۔ عمر ایہو کوئی تیرھاں چودھاں ورھے ہووے گی۔ ہولا پنڈا سی پھٹے اُتے تیتری وانگر اُڈی سی۔ اوہ دے نال دے تنبو اگے ڈاڈھی بھٹرتی سی۔ اوہ اپنا سارا زور لا کے نجدی وی اوس بھٹرتی نوں اپنے دل نہیں سی کھچ سکدی۔ اُنچ اپنے ہولے کوہے تے پدھر سینے نوں اوہ گوانڈھن نالوں ودھ بھڑکا سکدی سی۔ بکدھرے ودھ رُف رہی سی۔ گوانڈھن والے پھٹے اگے لوکیں ساہواں نی کھلوتے سن۔ اوتھے بھری جوانی دا ٹھمکا سی ”بجلی کی عورت“ والے نے سچو مچی مقناطیسی عورت نوں سامنے لیا کھلاریا سی۔ اوہ سوہنی تے خورے اپنی نہیں سی۔ ٹیاریاں جیویں سیالکوٹی پونے دی پوری۔ بڈھے، جوان، بال بچے، راناں، کڑیاں سارے ایہدے دل مونہ چکی تکی جا رہے سن۔ فیر ساڈے والے تنبو دا شو شروع ہو گیا۔ اسیں اندر وڑ گئے۔ تنبو دا بوبا بند ہو گیا۔

سٹیج دا بھٹیا ہويا پڑدا حالی چکیا نہیں سی گیا۔ لوکیں ٹنیاں کُریاں تے نیٹھن لگے رولا پائی جا رہے سن۔ ہر کوئی چنگی سیٹ دی بھال کردا اگے کچھے آجا رہیا سی۔ اپنے وچ پردا کھچا گیا۔ اک پبلی صاحب۔ لُنڈے دے گھسے مُٹے کپڑے پائی ہتھ وچ مائیک پھڑی سٹیج تے آگیا تے اپنی بے سُر آواز وچ محمد رفیع دا گایا ہويا فلمی گیت سناون لگ پیا۔ ہُن باہر وجدے رکاڈاں دا رولائٹ چکیا سی۔ کیوں جے سارے تنبواں وچ شو شروع ہو گئے سن۔ ہُن اسیں باہر دیاں واجاں توں نچت ہو کے اندر دی اکو واج نوں سُن سکدے ساں۔

مونہ دے پھل ورگا  
نی دل تیرے توں فدا کیتا



پہلی صاحب دا گیت مکیا تے اعلان ہویا ہن تیس پریاں دا جھمرو دیکھو گے۔ نمائش بیناں وچوں کسے نوں وی پہلی صاحب دا گاؤن پسند نہیں سی آیا۔ اوہ پریاں دے ناں تے ہس پئے۔ پریاں دے آون نوں حالی کچھ چر سی سو سٹیج تے نقلان شروع ہو گئیاں۔ لوکیں اودھر لگ گئے۔ میری کرسی رب سبی سٹیج دے اک پاسے مکر تے کر کے سی۔ میں اتھے بہہ کے سٹیج نالوں ودھ سٹیج دے پچھے دیکھ سکئی ساں، جتھے اک بلب بل رہیا سی۔ پنج ست منجیاں اُتے بستریاں کپڑیاں دے ڈھک لگے ہوئے۔ اک منجی تے اک بابا آل دوالے توں نچت بیٹھا حقہ پی رہیا سی۔ ادھی عمر دی اک سوانی اٹاں دے پلھے اُتے توا رکھی روٹیاں پکا رہی سی۔ دو بال مٹی اُتے پھسکڑے ماری ہتھاں وچ نکر پھڑی کولی وچوں لاؤن لا لا کے روٹی کھاندے سن۔ اپنے وچ پھٹے تے نچن والی آئی، اک بال کولوں روٹی کھسی تے کولی وچوں لا کے دو تن بُریاں مونہ وچ پائیاں تے سٹیج ول نس آئی۔ بال تے بالوں دی ماں چیکاں مار دے رہ گئے۔

”نی۔ نی! او تر جانے۔ مسال مسال بچ لا کے چپ کرائے سن۔“

ایہہ کڑی خوری ایس زنانی دی نشان سی۔۔۔ نشان ای سی کیوں جو اوس بھر جانیاں وانگ پچھوں مہنا ماریا۔

”شودے بھرا دی لچی بھین۔“

کڑی ہڑ کردی سٹیج دیاں لیراں پچھے لک گئی۔

فیر اوہ ادھیر عمر دا مرد جیہڑا تنبو دے باہر ہو کے لارہیا سی، اڈا ہویا اوس زنانی کول آیا۔

”سیکنہ۔۔۔ سیکنہ۔۔۔! شیم رکھتے دے۔ او تیس دیر لائی جا رہی اے۔ تما شین اوکھے ہو رہے نیں۔۔۔“

”توں جان تے تیری بھین۔۔۔“ ہن اتھے سی۔ بالوں کولوں روٹی کھوہ کے کھا گئی اے۔ کھکی اونتری۔“

سٹیج تے مسخرا مسخریاں دکھا ہٹیاں لیرو لیر پڑا فیر ڈگ گیا۔ اک دو گوناں پچھوں فیر اعلان ہویا۔

”صاحبان! ہن ذرا دل پھڑکے بیٹھو، تے دیکھو پریاں دا جھمرو۔۔۔“

پردا ہٹیا تے شیم اپنیاں دو سیلیاں وچکار سٹیج تے کھڑی نما نما ہس کے، تے شرما رہی سی۔ ایویں کچی کول جیسی کڑی۔ اہے مونہ تے جوانی دی دیوی نے اپنے خاص نور دا دیوا نہیں سی بالیا۔ اکھاں وچ مستی دا رنگ نہیں سی ڈو لھیا۔ قد بھانویں لگر وانگر ودھ گیا سی، جتھے اُتے کپڑے نوں پھبنا نہیں سی آیا۔ ہن دی واری بتاں جنیاں اک نویں تے ہتے ننگے گاؤن تے دڑنگے لانے شروع کر دتے۔ سرنوں جھٹک جھٹک کے، کولھیاں نوں مٹکا مٹکا کے اوہ نچ نچ کے ہفی جا رہیاں سن۔ جوان قلی، مزدور، کوچوان تے ہو ر چھوٹے موٹے کسی مُنڈے سیٹیاں مار مار کے گندے گندے اشارے کر رہے سن۔ اک نے بڑا دل کڈھ کے روپے دا نوٹ اگے کیتا۔ شیم اک خاص ادا دکھا کے اگے ودھی تے نوٹ پھڑ لیا۔ فیر کیہ سی دو انیاں چوانیاں توں لا پنجاں دے نوٹ تائیں ضد بازی ہو گئی۔

روز ای رنج ہوندا ہووے گا۔ شیم دا بھرا سٹیج دے اک کھونجے نال کھڑا وروے ہن نوں چمکدیاں اکھاں نال تکتا ڈاڈھا خوش سی۔ فیر میریاں نظراں منظر توں ہٹ کے پس منظروں ہو گئیاں۔

سٹیج دے پچھے بیٹھی زنانی روٹیاں پکا ہئی تے بالوں لئی پچھو نے کینے۔ بالوں نوں لمیاں پایا۔ سوہرے نوں روٹی پا کے دتی۔ پیش منظر دا ناچ مک گیا۔ پردا ڈگ گیا۔ ڈراما ہون دا اعلان ہو گیا۔ مسخرہ اک دو بازیاں لا کے جا کے روٹی کھان لگ پیا۔۔۔ میریاں اکھاں ایس ویلے اصلی نقلی تے اندر باہر تک رہیاں سن تے ذہن وچ عجیب کھورو پیا ہویا سی۔ کسے داوی اندر باہر اک نہیں۔ اندر سدھی پدھری اک طلب اے۔ بھانویں نفس آکھ لو، بھانویں کھکھ۔

پردا فیر اٹھیا۔ ہن اوہ زنانی سٹیج تے بیٹھی کیرنے پلہ رہی سی۔ لوکو، لوکو۔۔۔ ایس کر تو توں نشان میرا گکھ نہیں جے چھڑیا۔۔۔ کسم مینوں نکھو جڑیا۔۔۔ شیم بھر جائی نوں صلواتاں سناوندی آگئی۔ نشان بھر جائی دی لڑائی دا سین ہون لگ پیا۔ ایہہ اک چیکاں ماردا فیملی ڈراما سی۔ عام تے ہسھلی پدھر



دے لوکاں دی رنت ورتوں دی کہانی۔

بہت ای بور تے گھٹیا درجے دیاں گلاں باتاں نال بھریا ہویا۔ اسیں لوک اودھ وچکار چھڑ کے ٹر آئے۔ اگلے ورھے فیر گئے۔ ہر ورھے دل پشوری کرن ٹر جانے آں۔

ہلال احمد دا ناں اودوں ریڈ کراس سی۔ ایہناں دساں ورھیاں وچ ایہدا ناں بدل گیا۔ پر میلے ٹھیلے اوہو رہے۔ رتا فرق نہیں پایا۔ بھلا ناں بدلن نال کیہ فرق پیدا اے؟ کڑیاں اج وی انج ای پھٹے تے نجدیاں نیں۔ چکدے کپڑے پا کے، مونہ تے لالی پوڈر لاکے۔ کدے کدے تے مینوں ایہہ ساریاں اکو کڑی لگدیاں نیں۔ اوہو ای پھیمو۔۔۔۔۔ پھیمو ہر زمانے دے فیشن دے مطابق کپڑے بدل لیندی اے۔۔۔۔۔ بس ایہہ وی ہو سکدا اے میرا وہم ای ہووے۔۔۔۔۔ ایس خیراتی میلے نوں لگدیاں اج کئی ورھے ہو گئے نیں۔ ایہہ کیویں ہو سکدا اے پئی شمیم وچ کوئی فرق ای نہ پیا ہووے۔ جوان ہو گئی ہووے گی، ویہا ہی گئی ہووے گی۔

کوئی دساں پندرہاں دناں دی گل اے۔ بساں وچ روز سفر کرن والیاں نوں ہر بندہ جانو نظر دا اے۔ بعض شکلاں تے چنگا گوڑ وچ مونہ پا دیندیاں نیں۔۔۔۔۔ دماغ سوچ سوچ کے پاگل ہو جاندا اے۔ ایہہ مونہ فہاندرامیں کدھرے تکیا ضرور اے۔ ہووے ناں تے کدے بہت نیڑیوں ویکھیا اے۔

ایہہ کون اے؟۔۔۔۔۔ ایہہ کون ہو سکدا اے؟۔۔۔۔۔ ایہہ میرے دل دے مکان وچ کجھ چر رہیا ضرور اے۔ ایہدا ناں کیہ اے؟ ہو سکدا اے ایہہ گل میرے دماغ وچ آوندی ہووے۔۔۔۔۔ ہوراں نال وی واپردی ہووے گی۔ کیہ پتہ۔۔۔۔۔ اچن چیت میری نگاہ انجن دے نال دی سیٹ تے پئی۔۔۔۔۔ شمیم دساں ورھیاں دی دھوڑ چھنڈ کے میرے سائے آن بیٹھی۔ اوہ نال دی نال ہس ہس کے گلاں کر رہی سی۔ میرے کن اودھر لگ گئے۔ اوہ پہلے نالوں بھرویں تے کجھ نکھری ہوئی سا۔ دوجی نے شمیم کولوں پچھیا:

”باجی! کیہ صلاح ای۔ ایڈکاں فیر پرائی یاد تاروی نہ کیہ۔ ایہ کر دیں میلہ لگ رہیا اے۔“

شمیم دیاں جوان اکھاں وچ لنگھیا ویلا تراٹ دا گرہ لگا۔ اس دا لہجہ وچار وچ اکھاں نوٹ لیاں تے سیائیاں ہار بولی۔

”ہنن! ایہدے وچ کیہ پیا اے۔۔۔۔۔ میں منصوبہ بندی وچ لکری کر لی اے۔ مہینے پچھوں تن سو مل جاندا اے۔۔۔۔۔ نالے سارے کم سارے ہو گئے نیں۔ ہی ہی۔۔۔۔۔“

اوس لچراں وانگ ڈریور ول تک کے ٹھٹھا مارا۔ اوس لکھت کے لی لئی۔ اوہدے مونہ تے جنسی خواہش دی لالی کھنڈ گئی۔ دوجی نے جرجن ہو کے پھیمیاں ول ویکھیا۔

”میں تاں نچاں گی۔ ایہہ تے اک طرحاں دی خدمت اے۔ خدمت دی خدمت۔ سواد دا سواد۔۔۔۔۔“

لے لئیں سواد۔۔۔۔۔ بلو! میری لوڑ پئی تے آ جاویں۔ ملاقات دی خدمت تے ساڈا کم ہو یا کہ اسیں خدمت گار آں۔“

پھیمیاں دیاں اکھاں نے ڈریور دیاں اکھاں توں ہس کے اسی مٹل۔ ڈریور فیر اکھ نوٹ کے گواہی پادتی۔

خدمت دے اعتراف وچ اوہناں ول تھکدیاں کئی ہور نظراں آپ آپ نیویاں پے گئیاں تے بس خدمت خدمت دے ہاڑے پاندی کھڑا کھڑی سڑک تے بڑھدی رہی۔





## اُتر کاٹو! میں چڑھاں

اوس شدائی چانگر کے آکھیا.....

”کوئی سُنو!..... او کوئی کن دھرو میری گل تے..... چودھرو!.....  
اُچیرو.....! وڈیرو.....! نہیں.....؟ نہ سہی۔ میرے نال دیو..... ویرو.....!  
بھینو۔۔۔! شیس تے اجکو۔۔۔! میرے سنگھ وچ گل ہڈی وانگر پھسی ہوئی  
اے۔ کنا چر ہويا..... میں ایسہ گل کنا چاہناں واں۔ کوئی سُنن لئی تیار ای  
نہیں۔۔۔ تے ہُن..... ایسہ گل بہت چھن لگ پئی اے۔۔۔ جانو کتے دی  
سنگھی وچ نوکاں والی ہڈی..... کتا..... ایس ہڈی نوں نہ نگل سکدا اے تے نہ  
کڈھ سکدا اے کیوں جو اوہدے کول ہتھ نہیں نیں۔ اوہ ہولی ہولی بھونکدا  
اے، دسں جوگ نہیں..... منت ترلا پا کے کسے کولوں کڈھان جوگ وی نہیں۔  
ایس گل نوں میرے سنگھ وچ بھسیاں ورھے نہیں، عُمر اں بیت گئیاں  
نہیں۔۔۔ ہُن ایس گل نوں میں کہانی آکھاں تے چنگا ہوئے گا۔ سو میرے  
ویرو۔۔۔! سُنو۔۔۔! میں ایس کہانی نوں انج شروع نہیں کراں گا۔ پئی ”ایک  
دفعہ کا ذکر ہے۔“ نہ۔۔۔ نہ۔۔۔! لو..... میں سدھے سبھا آکھاں گا..... کوئی  
چونہ دہائیاں توں اُتے ورھیاں دی گل اے۔ ساہ دی اوکھت نے مینوں ایسہ  
گل بھلن نہیں دتی.....

اوہ گل جیہڑی اج کہانی بنی..... ایہدا سرناٹواں لبھن دی مینوں لوڑ ای  
نہیں پئی۔ سرناٹواں اپنے آپ آکے کیلیا گیا اے۔ کہانی دے سر اُتے۔۔۔  
کیہ۔۔۔؟ اُتر کاٹو۔۔۔! میں چڑھاں۔ ایس نکیاں ہونڈیاں اک کھیڈ  
کھیڈ دے ہوندے ساں۔ جسداناں سی اُتر کاٹو۔۔۔! میں چڑھاں۔

ایسہ کھیڈ کجھ انج سی۔ پئی دو نیاں جیہناں کول کوئی باجی بوجی کھیڈن  
نوں نہ ہونڈی اوہ دووے جنے آپس وچ شروع ہو جانڈے۔ اک دوجے دیاں  
بانہواں وچ پٹھیاں بانہواں اڑا ینڈے۔ زور اور دوجے دی کنڈ تے سوار ہو

جاندا..... ہُن ایسہ سوار دی طاقت تے مرضی اے پئی گل ویر دے دی کنڈ  
تے سوار رہندا اے۔ تھلے گلیا بال آکھی جاندا اے۔

”اُتر کاٹو۔۔۔! میں چڑھاں..... اُتر کاٹو۔۔۔! میں چڑھاں.....“  
جے تے شریف اے۔ نال کھیڈ دے اصولاں دا خیال رکھن والا اے۔ اوہ  
دوچار ہوئے لے کے آپے ای اُتر جائے گا۔ جے سہ لہرے تے سہ لہرے  
گاتے اُتے بیٹھا ہنکی جاوے گا۔ سگوں کد کڑے دی مارے گا۔ کھوٹا سٹ پل  
وچ جے طاقت آجاوے تے اوہ ہمت کر کے بھوانٹی دوجے تے سوار نوں کھلے  
سٹ لوے پھیر موقعہ لے کے آپ اوہدی کنڈ تے بہہ جاوے۔

اصل وچ ایسہ کھیڈ دونہ دھراں دے مہرے رواداری دا امتحان  
ہونڈی اے تے نال ایسہ نتیجہ وی ساہنے لیاوندا اے پئی دووے وچ کون ہوتا  
کچھرا موقعہ شناس، کمینہ تے فریبی اے۔ ایسہ کھیڈ عام طور تے لڑائی تے  
مکدی دیکھی گئی اے۔ جے کوئی تیجائیاں نہ کراوے تے لڑائی اڑا سہہ جاندا  
اے، جے نیانیاں نوں ہتھیار بند رہن دی کھل ہووے تے پل نورے آپ ای  
فیملی پلاننگ کردے رہن۔

ایس کھیڈ راہیں بالوں کاٹو وچاری نوں ایویں بدنام کیتا اے۔۔۔ نہیں  
تے کاٹو جیہدا دوجا ناں گاہڑ وی اے۔ بڑا ستھرا تے معصوم ہنور اے۔ سدھا  
تے ڈراکل۔ اپنے کم وچ رُجھا۔ ایس رکھوں اوس رکھے..... ایس نیروں  
اوس نیرے پٹوسیاں مار دا پھرے۔ پر اپنی روزی تے ہلائی ہتھیار۔ کھڑکنا۔  
پونچھل ہرویلے ہلدی، سن لئی تیار۔

ساڈی عام رہتل وچ گالھڑ یعنی کاٹو دا گپ چپ حصہ اے۔ چھڈو جی۔۔۔  
گالھڑ نوں۔ بندے دے پتراں مٹی دی کھیڈ داناں گالھڑاں دیاں پھرتیاں توں  
لے لیا..... چنگا کیتا..... مٹی والی کھیڈ چل رہی اے..... چلو چل..... تے  
چلو..... چل..... حق ہو..... دھو ہو دھو..... کدے اندر دی لام نوں لمیاں  
کرن لئی بوٹاں سلوٹاں دا ٹل لگ گیا تے کدے گالھڑاں موقعہ مار لیا۔ اُپر واپر  
اپنے داء وچ رہے۔ عام لوکاں اوہناں دے فرہادی ہتھاں راہیں دودھ دی نہر



اڈیکدی رہندی اے۔ حالاں ایس ددھ دی نہرتے شاہواں دا قبضہ حتی اے۔  
عام لوکائی ددھ دی نہر منگدی اے۔۔۔۔۔ شہین نہ ہووے تاں ہاں وچ ہاں رلا  
کے بیٹی لین، دا سفا ویکھدی لوکائی لائے جمہوریت دے ہلارے وچ آجاندی  
اے کدے نیاں تے نتارے وچ۔

ہاں۔۔۔۔۔ آخو۔۔۔۔۔ جمہوریت۔۔۔۔۔ بیٹی دا کتابی ناں اے۔ میرے بھاء  
جی۔۔۔۔۔ اللہ اوہناں نوں جنت نصیب کرے آہندے ہندے سن۔۔۔۔۔

”منڈیا۔۔۔۔۔! توں ایویں علمی جھمبل بھوسے وچ نہ پیا کر۔۔۔۔۔ کیوں کلپدا  
ایں۔۔۔۔۔! جس نوں توں جمہوریت آہندا ایں ناں ایہہ۔۔۔۔۔ کچھ پے پن دا دوجا  
ناں اے۔ ایہہ لومڑیاں دا داء اے بس۔“ میرے بھاء جی مرحوم پدھرے  
پرانے بندے سن۔ اوہ اپنے گویڑ نال ساکدھدے۔ اوہناں دا خیال سی پئی  
شخصی حکومت ہونی چاہیدی اے۔ اک کھاندا رجدا اے۔ لٹ مار کردا اے۔  
سبھ دی نگاہ وچ ہندا اے۔ تئیں ویکھ لوو۔ دنیا وچ جنیاں شخصی حکومتاں نیں  
چنگیاں چل رہیاں نیں۔ اوہ اپنی رائے نوں پکیاں دسن لئی شیردی مثال  
دیندے ہوندے سن۔ آہندے سن۔۔۔۔۔ جے گدڑ کتے، بھیڑیے، لومڑ شیردی  
کھل پا کے بڑھکاں مادے راج گدی تے بہہ جان تے لٹ پوے ای پوے۔  
اوہ آپو وچ ونڈیاں نہ پان تے کیہ کرن۔۔۔۔۔ وگدی نہر جتا بھرنا اے  
بھر۔۔۔۔۔ تینوں کاہدا ڈر۔

بیٹی واری جے انج ای لگی رہی تے کچھ لوکاں دا خیال اے پئی دیس  
پیارے وچ بھے امیر کبیر تے ایکس وزیر بن جان گے۔ لوکائی ناں دی شے  
وہیکھن نوں نہیں لہنی۔

بھاء جی اپنے ویلے دے بندے سن۔ میں اپنی نسل دا بندہ اوں۔ میں سوچنا  
آں پئی میرا بھاء جی دے نظریے نال سمت ہونا ایذا ضروری نہیں، کیوں جو میں  
جیونا آں اوہ مر گئے۔ جیوندے موئے وچ چوکھا فرق اے۔ پھیروی خورے  
کیوں مویاں دیاں گلاں چھتے آکے کراٹ پاوندیاں نیں۔

میںوں اتر کاٹو والی گل وی تدے بجھی۔۔۔۔۔ سنگھ وچ پھاتی ہڈی تے اتر کاٹو

وی بیٹی وچ ظاہری کوئی سمبندھ نہیں اے۔ پر سوچ دی سکرین اتے اک فلم  
چل رہی اے۔

ہسٹیا۔ ہمسیا اگست دا مہینہ اے۔ دیس پیارا بال ایانا اپنی دوجی گنڈھ  
ورہیا منا رہیا اے۔ تھاؤں تھائیں تیاریاں نیں۔ دلاں وچ چانواں دے میلے  
نیں۔ سدھراں ستھر پائی بیٹھیاں نیں۔۔۔۔۔ میں آہنا آں پئی ایہہ میرے  
بھولپنے دا چائن سی۔ جیہدے پاروں میںوں ہر گٹھ چائن جاپدی سی۔ انھیری  
راہ دے ہر گیتے دیو ابلدا سداسی۔

جے رب سوہنے بندے دے خیر وچ چانواں دی چس نہ پائی ہوندی تے  
فیرا وہ اج وی ایس دھرتی اتے پہلے جاندار ڈینو سار وانگر دھمکاں ماردا پھردا۔  
بعضے سائنس دان آہندے نیں کہ انسان دی مڈھلی پیڑھی ڈینو سار ای سن۔۔۔۔۔  
پر ڈینو سار کے مخلوق دا الو نہیں سی پیندا۔ سبزی خور سی۔ اج دا انسان اپنی  
ذات دے اچھ لئی اپنیاں دالو پٹدا نہیں تھکدا۔

لوجی۔۔۔۔۔! میں کدھر ٹر پیا۔ ایویں کروڑاں ورھے کچھے جان دی کیہ لوڑ  
اے۔۔۔۔۔ کسمماں نوں کھائے۔ سبزی خور مخلوق۔ میں تے اپنے سنگھ وچ پھسی  
ہڈی دی گل کرنی اے۔ تاں جو کچھ سوکھے ساہ ہوواں۔

آخو۔۔۔۔۔ اگست دی ہسٹری۔ انھیری سویر۔۔۔۔۔ اماں میںوں تے میری بگی  
بھین نوں سرگی ویلے جگایا تے چن دے کلاوے وچ آیا تارا دکھایا۔۔۔۔۔ تے  
اسماناں ول دوئے ہتھ چک کے دعا منگی۔

”پتر! ایہہ رب سوہنے دا معجزہ اے۔۔۔۔۔ ویکھو۔۔۔۔۔ تے دعا کرو۔۔۔۔۔  
میںوں یاد اے اسیں بکاں وچ دعا منگی سی۔ خورے کیہ؟ فیرا ماں آکھیا۔  
”تئیں چھیتی چھیتی نہادھو لوو۔۔۔۔۔ آپاں اج میلہ ویکھن جانا اے۔۔۔۔۔  
جشن آزادی دا میلہ۔“

اسیں دوئے بھین بھرا ہبل ہبل پھروے ساں۔ اسماں اج جشن ویکھنا سی۔  
میلے تے پہلاں وی ہتھیرے ویکھے سن۔ جیویں شاہ نور جمال دا میلہ۔۔۔۔۔  
جیہدے وچ زنانیاں تے بندے ٹولیو ٹولی ساری ساری رات اُچے ٹلیاں اُتے



بنی درگاہ ول 'میلو' میل پیدل ٹرکے جاندے سن۔ دلاں وچ آساں 'مراداں' بُلھاں تے سراں وچ گدھے دے بول۔

ہتھ میرے وچ ٹلیاں  
میں تے پیر مناوان چلیاں  
لالاں والیاں پیرا ہو  
ہتھ میرے وچ ٹھوٹھیاں  
میرا پیر سچا تے میں جھوٹھیاں  
وے میں واری پیرا ہو  
میرے ہتھ کٹورا دیں دا  
میرا پیر بناں وچ رہندا  
میں ہلماری پیرا ہو

بڈھے جوان 'عورتاں' مرد 'بال' ایا نے دے راتیں پنا خطرے خوف کالے  
بناں وچوں لنگھدے۔ پیر مناوان جاندے تے فیر سالم ثبوتے گھر مڑ آوندے۔  
اوہناں دا اپنے رب 'رسول' تے اوہناں دے وسیلیاں تے یقین ہو ر  
گوڑھا ہو جاندا۔ بندے تے کیہ راہ وچوں بھوت چڑیلاں یاں بھاگھ بگیاڑ وی  
کے بندے نوں اغوا نہیں سن کردے۔

اسیں ابا جی دی انگلی پھڑی رام لیلہ ویکھن جا رہے آں۔۔۔ تازیے تے  
مجلساں۔۔۔ وساکی دا میلہ۔۔۔ خورے اسیں ہر تھاں کیوں پھر لیندے ساں۔  
کھلے دُلھے شونقو شونقی۔ کوئی بنہ بندش نہیں سی ہوندی۔۔۔ فیر جدوں کھیتیں  
سریوں کھڑی کڑیاں دیاں چنیاں تے مُنڈیاں دے مُنڈا سے بسنتی ہون دی  
دیہاڑ۔۔۔ ہوا وچ نویں رت دا سنبھا۔

لو۔۔۔ میں فیر ہو رپا سے ٹریاں۔۔۔

میں تے میری نکلی بھین ماں دے دوویں ہتھ پھڑی شہر دے لیڈیز کلب ول  
آزادی دا جشن ویکھن لئی چھیتی چھیتی جا رہے آں۔ میری بھین دیاں اکھاں  
وچ سُفنے نیں۔ اماں دیاں اکھاں اتے تے بُرقے دا پڑدا اے۔ میں ماں دیاں

اکھاں ویکھ نہیں سکدا۔۔۔ میریاں اکھاں۔۔۔؟ مینوں آپ نوں کیوں نظرن۔  
دل وچ حیرت ناک خوشی جھپائی بیٹھی اے۔ ساڈے بُلھاں تے کوئی روایتی  
گون نہیں۔ لنگھے ورھے دیاں وارداتاں بہت کجھ بھلا دتا اے۔ وڈھ ٹک تے  
لو دیاں لکیراں نویں نقشے تیار کیتے نیں۔

راہ وچ سڑکاں تے چلدے جواناں دیاں ٹولیاں ہتھاں وچ جھنڈے تے  
'نیر' نعرے مار دے شہر دے سٹیڈیم ول ودھ رہے سن۔ اوہ وی گا نہیں سی  
رہے۔ پر فضا وچ اک ترانہ وچ رہیا سی۔۔۔  
"بڑھے چلو۔۔۔ بڑھے چلو۔۔۔"

فیر لاؤڈ سپیکر توں آواز آوندی "پاکستان" لوکیں آکھدے نیں "زندہ  
باد" ساڈی ماں ٹردیاں ٹردیاں ساڈے ہتھاں نوں یکبارگی ہجکا مار کے آکھیا۔  
"پُتر تئیں وی آکھو۔۔۔ زندہ باد۔"

میری نکلی بھین شرما کے میرے دل ویکھیا تے اسیں دوویں پاکستان دی  
آواز اتے زندہ باد آکھیا۔ شاید میری ماں وی آکھیا ہووے۔۔۔ مینوں برقعے  
دی وجہ توں ماں دامونہہ دسیا نہیں۔

اک وجدانی حال سانوں پنڈال وچ جا کھلاریا جتھے مڑکے وچ بھجے پنڈیاں  
دی ہواڑ دا گھیرا سی۔ رنگے تنبو تے چھولداریاں دی گٹھے اک چونترا، چونترے  
تے قیمتی قالین۔۔۔ قالین تے شاہی تخت ساہی تخت تے شاہی کرسیاں، ایہناں  
کرسیاں تے شہر دے وڈیاں دیاں بیگیاں چونترے تائیں اپڑن لئی بنات دا پینڈا  
لال سوہا۔۔۔ سبھ کجھ کنا اچرج سی۔۔۔

بیگیاں واری واری تقریر کرن آئیاں۔ ہر تقریر مگروں زندہ باد۔ زندہ باد  
ہوئی۔

جد ای۔۔۔ میرے کول کھلوتے میرے جڈے اک ایا نے اپنے ساتھی نوں  
خبر سنائی۔

"مٹھیائی وی ونڈی جانی اے۔" میرے کن کھلو گئے۔ دوجا بال کہہ رہیا  
سی۔



”مینوں پتہ اے۔ اوہناں آپوں ای ونڈ ونڈا لینی اے۔“

ایہہ گل اوہناں وقتاں دی اے جدوں ”ونڈ“ والفظ ہر ویلے ہر تھاں ورتیا جا رہیا سی تے بالاں دے حافظے دی ڈکھتری وچ ایس اکھڑے کئی کئی تے نو بکلیے معنے اکرے جا رہے سن۔ جیویں فلانی تھاں آٹا ونڈیا جا رہیا اے، بھانڈے مل رہے نیں۔

اوس پاسے مکان‘ تے جائیداتاں ونڈیاں جا رہیاں نیں۔ کمپاں وچ خورے کیہ کچھ دیاں ونڈیاں پے رہیاں سن۔ میری بھول پُنے دی عمری مینوں بہتا پتہ نہیں۔

تقریراں کیاں تے اک بیگم مٹھیائی دی ٹوکری لے کے چونترے تے آئی۔ مٹھیائی دی ونڈ شروع ہوئی۔ ہر پاسے اک چہولر پے گیا۔ ہر پاسے نس بھج لگ گئی۔ جیہدے ہتھ چٹا لگیا، جیویں گلیا، جھپ گیا۔ ایہناں بیگماں وچوں کسے دامنڈا، میرے چڈا ای ہونا اے، پر میرے نالوں سبل تے پیڈا۔ ہتھ وچ سانے والا پُلسی ڈنڈا۔ آسے پاسے پُلسی ڈنڈا ورن لگ پیا۔ تاں ای ہوش لگا جو اک بال دے سرچوں دھل دھل لہو وگ پیا۔ ہن چہولر نال چیکاں وی سن..... نس بھج ہو رو دھ گئی۔ ڈنڈے والے منڈے دی ماں پت نوں بانہوں پھڑکے دھرو لیا تے آکھیا۔۔۔

”نہ..... نہ بیٹا..... یہ رعایا ہے۔ تیری رعایا..... تمہیں کس نے کہا۔ کووں کتوں کو کنٹرول کرو..... دفع کرو انہیں چلو، تم اوپر..... بیچ پر چلو.....“ بیگم اپنے منڈے نوں کھج کے اتے لے گئی۔

اوس گھڑی میرے مونہ وچ خورے کتھوں مٹھیائی دا اک کھرماں آ وڑیا..... تے میری ساہ نال سنگھ وچ پھس گیا۔

میں ایس کھرے نوں تھیرا نگنا چاہیا..... نگلیا نہیں گیا۔ انگنا چاہیا انگلیا وی نہیں گیا۔ پھیر ایہہ کھرماں ویلے دے نال نال کرڑا تے ہڈی وانگر سخت ہوندا گیا۔ زندہ باد دے نعریاں وی سنگھ نوں ایٹا موکلا نہیں کیتا جو ایہہ تھلے ہو جاوے..... ہن تے ہڈی نوں تکھیاں نوکاں وی نکل آئیاں نیں۔

لوکو میں..... لوکائی آں۔۔۔! میرے ساہنے بیچ تے اُتر کاٹو! میں چڑھاں، دی مٹی کھیڈی جا رہی اے۔ بھلا بیچ اتے مٹی نال میرے ورگے، کاتواں کتیاں نوں کیہ۔

۱۹۹۲ء







## آکھیا خواجہ فریدؒ نے

### سودھن ہار: محمد آصف خاں

روہی دی روح تے دلاں دی سوہ نوں ڈو نگھائیاں وچوں جانن والے شاعر  
حضرت خواجہ غلام فرید دا پورا کلام ڈھیر ساری پہچان پھٹک مگروں حاضر ہے۔  
سودھن ہار نے ”پوکھو“ لکھ کے ڈھیر ساریاں گتھیاں نوں سلجھاوے دا جتن  
کیتا ہے۔ ایہو ای نہیں سگوں پہلے سودھن ہار دیاں بھلاں (املاتے معنیاں  
دیاں) ”فرہنگ“ انڈیکس وغیرہ دے کے ایس نوں بہوں ملی کتاب بناتا ہے۔

رنگین حاشیے 18 x 23 / 4 سائز - پکی جلد

ولایتی 100 گرام کاغذ — مل - / 250 روپے

دیسی 80 گرام کاغذ — مل - / 150 روپے

پاکستان پنجابی ادبی بورڈ - لاہور

## کہانیاں دے پراگے

1-	ڈونگھیاں شاماں	نواز	25/- (جلد والی)
2-	چونویں کہانی	سجاد حیدر	35/-
3-	بکر دے پھل	سید نصیر شاہ	20/-
4-	کالیاں اٹاں کالے روڑ	انور علی	20/-
5-	وگدا پانی	منشا یاد	20/-
6-	گوک	عائشہ اسلم	15/-
7-	چنے دے اوہلے	فرخندہ لودھی	15/-
8-	سیتیاں اکھاں والے	ناصر بلوچ	12/-
9-	منا کوہ لہور	افضل احسن رندھاوا	25/-
10-	میں تے میں	کنول مشتاق	20/-
11-	چرنے دی موت	حنیف بادا	15/-
12-	قصہ کہانی	مرزا حامد بیگ	12/-
13-	شیشے دی کندھ	شمس نعمان	30/-
14-	نوری	انور علی	30/- (جلد والی)
15-	اک دے امب	انیل چوہان	20/-
16-	کہانی	حنیف بادا	20/-
17-	چپ دی چیک	احمد شہباز خاور	15/-
18-	تردے پیر	سلیم خاں کی	40/-
19-	کجک	نزهت گردیزی	20/-
20-	ہردے وچ تریڑاں	فرخندہ لودھی	□
21-	پشتو کہانیاں	ترجمہ: پروفیسر عاشق رحیل	□

پاکستان پنجابی ادبی بورڈ 15/17 آؤٹ فال روڈ، سنت نگر لاہور



## تاریخ ادب

۱۰۰/-	عبد الغفور قمری	۱- پنجابی ادب دی کہانی
۳۰/-	شفقت تنویر مرزا	۲- ادب راجیں پنجاب دی تاریخ
۲۸/-	ع لکھیا	۳- آزادی نگروں پنجابی ادب
۲۰/-	محمد آصف خاں	۴- سندھی ادب
۱۵/-	رضا ہدانی	۵- پشتو ادب
۱۸/-	مہر کاچیلوی	۶- پنج تارے
۱۰۰/-	محمد اطہر طاہر	۷- قادریار (انگریزی)

## ڈرامے

۱۰/-	منیر نیازی	۱- قصہ دو بھراواں دا
۲۵/-	سجاد حیدر	۲- سورج مکھی
۱۵/-	سجاد حیدر	۳- بول مٹی دیا بادیا
۱۸/-	منوبھائی	۴- جزیرہ
۱۵/-	نواز	۵- شام رنگی گڑی
۱۶/-	سارتر/شفقت	۶- بوہا کوئی نہ
۲۰/-	لورکا/شفقت	۷- لوساگ

پاکستان پنجابی ادبی بورڈ لاہور

## لوک ادب

۳۱	جنتی پیلاں دی ٹھنڈی چھاں	ڈاکٹر سیف الرحمن ڈار	۵/-
۲	مڑکھ تال ہرے بھرے	ڈاکٹر سیف الرحمن ڈار	۳۰/-
۳	ٹانگھے جھنگ جاندے	پروفیسر شارب	۳۶/-
۴	کنیں بندے	پروفیسر شارب	۲۵/-
۵	باروے ڈھولے	پروفیسر شارب	۲۵/-
۶	باروے گیت	مشتاق صوفی	۲۰/-
۷	گنجی باروے ڈھولے	اقبال اسد	۱۵/-
۸	کال بلندی	اے ڈی اعجاز	۱۲/-
۹	سُرائے سداں	تنویر بخاری	۲۰/-
۱۰	لوک گیت	تنویر بخاری	۵/-
۱۱	لوک گاون	باغ حسین کمال	۴/-
۱۲	اللہ والی کل دا (لوریاں)	مسز ستنام محمود	۵/-
۱۳	جنور باتاں	الیاس گھمن	۲۵/-

پاکستان پنجابی ادبی بورڈ لاہور



## ناول

۶۰/-	سجاد حیدر	۱	چیترباغ
۲۵/-	ظفر شاری	۲	پہاج
۱۵/-	کشمکش ملک	۳	چکڑ رگی مورتی
۱۵/-	فرزند علی	۴	تائی
۳۰/-	نذر حسین جانی	۵	سنجان
۴۰/-	فرزند علی	۶	اک چوندھی لون دی
۵۰/-	احسان بابجوه	۷	لہورنگی سویر
۲۵/-	ترجمہ افضل احسن رندھاوا	۸	موت داروزناچہ
۲۰/-	ترجمہ افضل احسن رندھاوا	۹	فٹ بھج

پاکستان پنجابی ادبی بورڈ - لاہور